


গদ্যগ্রন্থাবলী, ৭ম ভাগ

RARE BOOK



ব্যঙ্গকৌতুক ।

(52)

শ্রীরবীন্দ্রনাথ ঠাকুর ।

মূল্য ১০/০ আনা ।

সূচী ।

রসিকতার ফলাফল	...	...	...	১
ডেঞ্জে পিপ্‌ড়ের মন্তব্য	...	...	...	৫
প্রত্নতত্ত্ব	...	...	...	৮
লেখার নমুনা	...	...	...	১৪
সারবান সাহিত্য	...	...	...	১৭
মীমাংসা	...	...	...	২২
পরসার লাক্ষনা	...	...	...	২৪
কথামালার নূতন প্রকাশিত গল্প	...	...	...	২৮
প্রাচীন দেবতার নূতন বিপদ	...	...	...	৩০
বিনি পরসার ভোজ	...	...	...	৩৫
নূতন অবতার	...	...	...	৪৭
অরসিকের স্বর্গপ্রাপ্তি	...	...	...	৫৫
স্বর্গীয় প্রহসন	...	...	...	৬২
বশীকরণ	...	...	...	৭৩

ব্যঙ্গকৌতুক ।

রসিকতার ফলাফল ।

আর কিছুই নয় মাসিকপত্রে একটা ভারি মজার প্রবন্ধ লিখিয়াছিলাম ।
পড়িয়া অন্তবঙ্গ বন্ধুবা ত হাসিয়াছিলই আবার শত্রুপক্ষও খুব হাসিতেছে ।

অষ্টপাইকা, সাপটবারি ও টাঙ্গাইল হইতে তিন জন পাঠক জিজ্ঞাসা
করিয়া পাঠাইয়াছেন প্রবন্ধটির অর্থ কি ? তাঁহাদের মধ্যে একজন ভক্তজ্ঞা
করিয়া অনুমান করিয়াছেন ইহাতে ছাপাখানার গলদ আছে ; আর একজন
অনাবশ্যক সহৃদয়তাবশত লেখকের মানসিক অবস্থা সম্বন্ধে উৎকর্ষা প্রকাশ
করিয়াছেন ; তৃতীয় ব্যক্তি অনুমান এবং আশঙ্কার অতীত অবস্থায় উত্তীর্ণ ;
বস্তুত আমিই তাঁহার জ্ঞাত উৎকণ্ঠিত ।

শ্রীযুক্ত পাঁচকড়ি পাল হবিগঞ্জ হইতে লিখিতেছেন :—“গোবিন্দবাবু
এ প্রবন্ধের উদ্দেশ্য কি ? ইহাতে কি ফরাসডাঙ্গার তাঁতিদের হুঃখ ঘুচিবে ?
দেশে যে এত লোককে ক্যাপা কুকুর কামড়াইতেছে এ প্রবন্ধে কি তাহাব
কোনো প্রতিকার কল্পিত হইয়াছে ?”

অজ্ঞানতিমির নিবারণী পত্রিকায় উক্ত প্রবন্ধের সমালোচনার লিখিত
হইয়াছে :—“গোবিন্দবাবু যদি সত্যই মনে করেন দেশে ধানের ক্ষেতে
পাটের আবাদ হইয়া চাষাদের অবস্থার উন্নতি হইতেছে তবে তাঁহার
প্রবন্ধের সঙ্গে আমাদের মতের মিল নাই । আর যদি তিনি বলিতে চান
পাট ছাড়িয়া ধানের চাষই শ্রেয় তবে সে কথাও সম্পূর্ণ সত্য নহে । কিন্তু
কোনটা যে তাঁহার মত প্রবন্ধ হইতে তাহা নির্ণয় করা দুষ্কর ।”

হুজ্জহ সন্দেহ নাই। কায়দা, পাটের চাষ সবকিছু কোনো দিন কোনো কথাই বর্ণি নাই।

জ্ঞানপ্রকাশ বলিতেছেন :—“লেখার ভাবে আভাসে বোধ হয় বাল-বিধবার দুঃখে লেখক আমাদের কাদাইবার চেষ্টা করিয়াছেন—কাদা দূরে থাক, প্রথম হইতে শেষ পর্য্যন্ত আমরা হস্ত সঞ্চরণ করিতে পারি নাই।”

হস্ত সঞ্চরণ কবিত্তে না পারার জন্ত আমি সম্পূর্ণ দায়ী কিন্তু তিনি অকস্মাৎ আভাসে বাহা বুঝিয়াছিলেন তাহা সম্পূর্ণ নিজগুণে। সম্ভারজনী নামক সাপ্তাহিকপত্রে লিখিয়াছেন :—“হরিহরপুরের ম্যুনিসিপালিটির বিরুদ্ধে গোবিন্দবাবুর যে স্মরণীয় প্রবন্ধ প্রকাশিত হইয়াছে তাহা প্রাজ্ঞ ও ওজস্বী হইয়াছে সন্দেহ নাই কিন্তু একটি বিষয়ে চূড়ান্ত ও আশ্চর্য্য হইলাম, ইনি পরের ভাব অনায়াসেই নিজের বলিয়া চালাইয়াছেন। এক স্থলে বলিয়াছেন “জন্মিলেই মবিত্তে হয়”—এই চমৎকাব ভাবটি যদি গ্রীক পণ্ডিত প্ল্যাটোরিসের গ্রন্থ হইতে চুবি না কবিতেন তবে লেখকের মৌলিকতার প্রশংসা করিতাম। নিম্নে আমরা কয়েকটি চোবাই মালের মনুনা দিতেছি :—গিবন্ বলিয়াছেন ‘রাজ্যে রাজা না থাকিলে সমুহ বিশৃঙ্খলা ঘটে’,—গোবিন্দ লিখিয়াছেন ‘একে অরাজকতা তাহাতে অনাবৃষ্টি—গণ্ডতোপরি বিক্ষোভকং।’ সংস্কৃত শ্লোকটিও কালিদাস হইতে চুবি!

রাষ্ট্রকিমে একটি বর্ণনা আছে ‘আকাশে পূর্ণচন্দ্র উঠিয়াছে—সমুদ্রের জলে তাহার জ্যোৎস্না পড়িয়াছে।’ গোবিন্দবাবু লিখিয়াছেন—‘পঞ্চমীষ চাঁদের আলো রামধনবাবুর টাকের উপর চিক্‌চিক্‌ করিতেছে।’ কি আশ্চর্য্য চুরি! কি অদ্ভুত প্রতারণা !! কি অপূর্ণ দুঃসাহসিকতা !!!

সংবাদসাব বলেন “রামধনবাবু যে নেউগিপাড়ার শ্রামাচরণ ব্রিবেদী তাহাতে সন্দেহ নাই। শ্রামাচরণবাবুর টাক নাই বটে কিন্তু আমরা সন্ধান লইয়াছি তাঁহার মধ্যম ভাতুপুত্রের মাথায় অল্প অল্প টাক পড়িতে আরম্ভ করিয়াছে। এক্ষণ ব্যক্তিগত উল্লেখ অতিশয় নিন্দনীয়।”

আমার নিজেরই গোলমাল ঠেকিতেছে। আমার প্রবন্ধ যে হরিহরপুর ম্যুনিসিপালিটির বিরুদ্ধে লিখিত তৎসম্বন্ধে “সম্বার্ত্তনীর” যুক্তি একেবারে অকাটা। হরিহরপুর চব্বিশ পরগণায় না ভিত্তিতে, না হাঁসিখালি সর্বাভিজনের অন্তর্গত আমি কিছুই অবগত নহি; সেখানে যে ম্যুনিসিপালিটি আছে বা ছিল, বা ভবিষ্যতে হইবে তাহা আমার স্বপ্নের অগোচর।

অপর পক্ষে, আমাব প্রবন্ধে আমি নেউগিপাড়ার শ্রামাচরণ ত্রিবেদী মহাশয়ের প্রতি অশ্রায় কটাক্ষপাত করিয়াছি এ সম্বন্ধেও সন্দেহ করা কঠিন। সংবাদসার এমনি নিবিড়ভাবে প্রমাণ প্রয়োগ করিয়াছেন যে তাহাব মধ্যে ছুঁচ ঢালাইবার জো নাই। আমি একজনকে চিনি বটে কিন্তু সে বেচারী ত্রিবেদী নয় মজুমদার,—তার বাড়ি নেউগিপাড়ার নয়, বিনিদহে; আর তার ভ্রাতৃপুত্রের মাথায় টাক থাকা চুলায় যাক তাহার ভ্রাতৃপুত্রই নাই। দুইটি ভাগিনেয় আছে বটে।

যাঁহারা বলেন আমি বরাকরের পাথুরিয়া কয়লার খনির মালেকদের চরিত্রের কালিমার সহিত উক্ত কয়লার তুলনা করিয়াছি তাঁহারা অল্পগ্রহ করিয়া, উক্ত খনি আছে কিনা এবং কোথায় আছে এবং থাকিলেই বা কি, যদি খোলসা করিয়া সমস্ত আমাকে লিখিয়া পাঠান তবে খনি-রহস্য সম্বন্ধে আমার অজ্ঞতা দূর হইয়া যায়। যিনি বাহাই বলুন “লুনের ট্যাক্স” “ক্ৰিষাবা বিবাহ” কিম্বা “গাওয়া যি” সম্বন্ধে যে আমি কিছুই বলি নাই তাহা শপথ করিয়া বলিতে পারি।

এদিকে ঘরেও গোল বাড়িয়াছে। গভীর চিন্তাশীলতার পরিচয় স্বরূপ আমি এক জায়গায় লিখিয়াছিলাম “এ জগৎটা পণ্ডশালা।” আমার ধারণা ছিল যে পাঠকেরা হাসিবে। অন্তত তিন জন পাঠক যে হাসেন নাই তাহার প্রমাণ পাইয়াছি। প্রথমত শ্রালক আসিয়া আমাকে গাল পাড়িল—সে কহিল, নিশ্চয়ই আমি তাহাকেই পত বলিয়াছি;—আমি কহিলাম “বলিলে

অপরাধ হয় না, কিন্তু তোমার দিব্য, বলি নাই।” ভ্রাতার অপমানে ব্রাহ্মণী পিতার ঘরে যাইবেন বলিয়া শাসাইতেছেন। জমিদার পুণ্ডপতিবাবু থাকিয়া থাকিয়া রাগে তাঁহার গোঁফ জোড়া বিড়ালের ছায় ফুলাইয়া তুলিতেছেন। তিনি বলেন তাঁহাকে শ্রালক সম্বোধন করিয়া অনধিকার-চর্চা করিয়াছি এবং লোকসমাজে তিনি আমার সম্বন্ধে যে সকল আলোচনা করিতেছেন তাহা স্মরণ্য নয়। এদিকে পাকড়াশি বাড়ির জগৎবাবু চা খাইতে খাইতে আমার প্রবন্ধ পড়িয়া অট্টহাস্তের সঙ্গে মুখভ্রষ্ট চায়েব ও কুটির কণায় বজ্রবিদ্যুৎটির কৃত্রিম দৃষ্টান্ত রচনা করিতেছিলেন এমন সময় ঘের্মান পড়িলেন “জগৎটা পশুশালা” অমনি হাস্তের বেগ হঠাৎ থামিয়া গিয়া গলায় চা বাধিয়া গেল; লোকে ভাবিল ডাক্তার ডাকিবার সবুর সহিবে না।

পাড়াশ্রদ্ধ লোকের ধারণা যে আমার প্রবন্ধে আমি তাহাদেরই পবন-পূজনীয় জ্যাঠা, খুড়খণ্ডের অথবা ভাণ্ডিজামাই সম্বন্ধে কোনো-না-কোনো সত্য কথার আভাস দিয়াছি; তাহারাও আমার ক্ষণভঙ্গুর মাথার খুলিটার উপরে লক্ষ্যপাত করিবে এমন কথা প্রকাশ করিতেছে। আমার প্রবন্ধে গভীর অভিপ্রায়টি যে কি তৎসম্বন্ধে আমার কথা তাহারা বিশ্বাস করিতেছে না, কিন্তু আমার প্রতি তাহাদের অভিপ্রায় যে কি তৎসম্বন্ধে তাহাদের কথা অবিশ্বাস করিবার কোনো হেতু আমার পক্ষে নাই। বস্তুত তাহাদের ভাষা উত্তরোত্তর অত্যন্ত স্পষ্ট হইয়া উঠিতেছে। মনে করিয়াছি বাসা বদলাইতে হইবে—আমার রচনার ভাষাও বদলানো আবশ্যক। আর বাহাই করি লোককে হাসাইবার চেষ্টা করিব না।

ডেঞে পিপড়ের মন্তব্য ।

দেখ দেখ, পিপড়ে দেখ ! ক্ষুদ্রে ক্ষুদ্রে রাঙা রাঙা লক্ক লক্ক সব আমাগোনা করিতেছে—ওরা সব পিপড়ে, বা'কে সংকুত ভাবায় বললে পিপীলিকা । আমি চচ্চি ডেঞে, সমুচ্চ ডাঁইবংশসম্বৃত, ওই পিপড়েশুলোকে দেখলে আমার অত্যন্ত হাসি আসে !

হা হা হা, রকম দেখ, চল্চে দেখ, বেন ঘুলোয় সঙ্গে মিশিয়ে গেছে ! আমি যখন দাঁড়াই তখন আমার মাথা আকাশে ঠেকে ; সূর্য যদি মিছরির টুকরো হত আঁধার মনে হয় আমি দাঁড়া বাড়িয়ে ভেঙে ভেঙে এনে আমার বাসায় জমিয়ে রাখতে পারতুম । উঃ, আমি এত বড় একটা ঝড় এতখানি রাস্তা টেনে এনেছি, আর ওরা দেখ কি করচে—একটা মরা ফড়িং নিয়ে তিন জনে মিলে টানাটানি কর্চে ! আমাদের মধ্যে এত ভয়ানক তফাৎ ! সত্যি বল্চি আমার দেখতে ভারি মজা লাগে !

আমার পা দেখ আর ওদের পা দেখ—যতদূর চেয়ে দেখি আমার পায়ের আর অস্ত্র দেখিনে—এত বড় পা । পদ-মর্যাদা এম চেয়ে আর কি আশা কবা যেতে পারে ! কিন্তু পিপড়েরা আপনাদের ক্ষুদ্রে ক্ষুদ্রে পা নিয়েই সম্পূর্ণ সন্তুষ্ট আছে ! দেখে আশ্চর্য্য বোধ হয় ! হাজার হোক, পিপড়ে কি না !

ওবা একে ক্ষুদ্র, তাতে আবার আমি বিস্তর উঁচু থেকে দেখি—ওদের সবটা আমার নজরে আসে না ! কিন্তু আমি আমার অতি দীর্ঘ ছ' পায়ের উপরে দাঁড়িয়ে কটাক্ষে দৃকপাত করে আন্দাজে ওদের আগাগোড়াই বুঝে নিয়েছি । কারণ পিপড়ে এত ক্ষুদ্র যে ওদের দেখে ফেলতে অধিকক্ষণ লাগে না । পিপড়ে জাতি সম্বন্ধে আমি ঊঁচু ভাবায় একটা কেতাব লিখিব এবং বক্তৃতাও দেব ।

পিপ্‌ড়ে সমাজ সম্বন্ধে আমার বিস্তর অসুখামলক অভিজ্ঞতা আছে । ডেকেদের সন্তানস্নেহ আছে অতএব পিপ্‌ড়েদের তা কখনই থাকতে পারে না, কারণ তারা পিপ্‌ড়ে, কেবল মাত্র পিপ্‌ড়ে, পিপ্‌ড়ে ব্যতীত আর কিছুই নয় । খোলা বার, পিপ্‌ড়েরা মাটিতে বাসা বানাতে পারে—স্পষ্টই বোধ হচ্ছে তারা ডেকে জাতির কাছে থেকে স্থপতি বিদ্যা শিক্ষা করেছে—কারণ তারা পিপ্‌ড়ে—সামান্য পিপ্‌ড়ে, সংস্কৃত ভাষায় যাকে বলে পিপীলিকা !

পিপ্‌ড়েদের দেখে আমার অত্যন্ত মার্য হয়—ওদের উপকার করবার প্রবৃত্তি আমার অত্যন্ত বলবতী হয়ে ওঠে । এমন কি আমার ইচ্ছা করে, সমস্ত ডেকেসমাজ কিছু দিনের জন্ত ছেড়ে, দলকে-দল ডেকে ভ্রাতৃবৃন্দকে নিয়ে পিপ্‌ড়েদের বাসার মধ্যে বাসস্থাপন করি এবং পিপ্‌ড়ে-সংস্কার কার্যে ব্রতী হই—এতদূর পর্য্যন্ত ত্যাগস্বীকার কর্তে আমি প্রস্তুত আছি । তাদের শর্করকণা গলাধঃকরণ করে এবং তাদের বিবরের মধ্যে হাত পা ছড়িয়ে কোন ক্রমে আমরা জীবনযাপন করতে রাজি আছি, যদি এতেও তারা কিছু মাত্র উন্নত হয় !

তারা উন্নতি চায় না—তারা নিজের শর্করা নিজে খেতে এবং নিজের বিবরে নিজে বাস করতে চায়—তার কারণ, তারা পিপ্‌ড়ে, নিতান্তই পিপ্‌ড়ে ! কিন্তু আমরা যখন ডেকে, তখন আমরা তাদের উন্নতি দেবই, এবং তাদের শর্করা আমরা খাব ও তাদের বিবরে আমরা বাস করব ! আমরা এবং আমাদের ভাইপো, ভাগনে, ভাইঝি ও শ্যালকবৃন্দ ।

যদি জিজ্ঞাসা কর তাদের শর্করা আমরা কেন খাব এবং তাদের বিবরে কেন বাস করব তবে তার প্রধান কারণ এই দেখাতে পারি যে তারা পিপ্‌ড়ে এবং আমরা ডেকে । দ্বিতীয়, আমরা নিঃস্বার্থ ভাবে পিপ্‌ড়েদের উন্নতিসাধনে ব্রতী হয়েছি, অতএব আমরা তাদের শর্করা খাব এবং বিবরেও বাস করব । তৃতীয় আমাদের প্রিয় ডাঁই ভূমি ত্যাগ করে আসতে হবে, সেই জন্ত সেই হুঃখ-নিবারণের জন্ত শর্করা কিছু অধিক পরিমাণে

খাওয়া আবশ্যক । চতুর্থ, বিদেশে বিজ্ঞান্টির মধ্যে বিচরণ কর্ত্তে হবে, নানা রোগ হতে পারে—তাহলে বোধ করি, আমরা বেশী দিন বাঁচবনা—হায় আমাদের কি শোচনীয় অবস্থা ! অন্তঃখ শর্করা খেতেই হবে, এবং বিবরেও যতটা স্থান আছে সমস্ত আমরা এবং আমাদের জালকেরা মিলে ভাগাভাগি করে দেব !

পিপ্‌ড়েরা যদি আপত্তি করে—তবে তাদের বল্ব অকৃতজ্ঞ । যদি তারা শর্করা খেতে এবং বিবরে স্থান পেতে চায় তবে ডাঁই ভাষায় তাদের স্পষ্ট বল্ব তোমরা পিপ্‌ড়ে, কুদ্ৰ, তোমরা পিন্‌মিকি । এর চেয়ে আর প্রবল যুক্তি কি আছে !

তবে পিপ্‌ড়েরা খাবে কি ? জা জানিনে । হয়ত আহাৰ এবং বাস-স্থানের অকুলান হতেও পারে, কিন্তু এটা তাদের ধৈর্য ধরে বিবেচনা করা উচিত যে, আমাদের দীর্ঘপদম্পর্শে ক্রমে তাদের পদবৃদ্ধি হবার সম্ভাবনা আছে । শৃঙ্খলা এবং শান্তির কিছুমাত্র অভাব থাকবে না । তারা ক্রমিক উন্নতি লাভ করুক এবং আমরা ক্রমিক শর্করা থাই, এমনি একটা বন্দোবস্ত থাকলে তবেই শৃঙ্খলা এবং শান্তিরক্ষা হবে, না হলে তুমুল বিবাদের আটক কি ? মাথায় গুরুভার পড়লে এতই বিবেচনা করে চলতে হয় !

শর্করাভাবে এবং অতিরিক্ত শান্তি ও শৃঙ্খলার ভারে যদি পিপ্‌ড়েরাতি মারা পড়ে ? তা হলে আমরা অন্তত উন্নতি প্রচার করতে যাব—কারণ আমরা ডেঞ্জে জাতি ; উচ্চ পদের প্রভাবে অভ্যস্ত উন্নত ।



প্রত্নতত্ত্ব ।

প্রাচীন ভারতে গ্যালভ্যানিক ব্যাটারি ছিল কি না ও
অক্সিজেন বাষ্পের কি নাম ছিল ?

১

বিষয়টি অত্যন্ত গুরুতর সন্দেহ নাই, কিন্তু তাই বলিয়া যে একেবারেই এ সম্বন্ধে কোন প্রমাণ সংগ্রহ করা যাইতে পারে না, ইহা আমরা স্বীকার করি না। প্রাচীন-ভারতে ইতিহাস ছিল না, এ কথা অশ্রদ্ধেয়। প্রকৃত কথা, আধুনিক ভারতে অমুসন্ধান ও গবেষণায় নিতান্ত অভাব। বর্তমান প্রবন্ধ পাঠ করিলেই পাঠকেরা দেখিবেন, আমাদের অমুসন্ধানের ত্রুটি হয় নাই, এবং তাহাতে যথেষ্ট ফললাভও হইয়াছে।

প্রাচীন-ভারতে গ্যালভ্যানিক ব্যাটারি ছিল কি না ও অক্সিজেন বাষ্পের কি নাম ছিল, তাহার মীমাংসা করিবার পূর্বে কীটুক ভট্ট ও পুণ্ড্র-বর্দ্ধন মিশ্রের জীবিতকাল নির্ধারণ করা বিশেষ আবশ্যক।

প্রথমতঃ, কীটুক ভট্ট কোন্ .রাজার রাজত্বকালে বাস করিতেন, সেইটি নিঃসংশয়রূপে স্থির করা যাউক। এ সম্বন্ধে মতভেদ আছে। কেহ বলেন, তিনি পুরন্দর সেনের মন্ত্রী, অতঃ মতে তিনি বিজয় পালের সভাপতিও ছিলেন। দেখিতে হইবে, পুরন্দর সেন কয় জন ছিলেন, এবং তাঁহাদের মধ্যে কে মিথিলায়, কে উৎকলে এবং কেই বা কাশ্মীরে রাজত্ব করিতেন। এবং তাঁহাদের মধ্যে কাহার রাজত্বকাল খ্রীষ্ট শতাব্দীর পাঁচ শত বৎসর পূর্বে, কাহার নয়শত বৎসর পরে এবং কাহারই বা খ্রীষ্ট শতাব্দীর সম-সাময়িক কালে। বোধনাত্যর্থা তাঁহার রাজাবলী গ্রন্থে লিখিয়াছেন,—
“পরম্পরাশ্রয়িতপথিকো (মধ্যে পুঁথির দুই পাতা পাওয়া যায় নাই

লসত্যসৌ।” এই শ্লোকের অর্থসম্বন্ধে পুরাতত্ত্বকোবিদ পণ্ডিত প্রবর মধুসূদন শাস্ত্রী মহাশয়ের সহিত আমাদের মতের ঠিক হইতেছে না ।

কুৰুণ, নৃপতি-নির্ধাট গ্রায়ে উক্তক স্থরি লিখিতেছেন,—“নিগনন্দ ...পরন্তু...জং ।” ইহার মধ্যে যেটুকু অর্থ ছিল, তাহার অধিকাংশই কীটে নিঃশেষপূর্ব্বক পরিপাক করিয়াছে । যতটুকু অবশিষ্ট আছে, তাহা বোধনাচার্য্যের লেখনের কোন সমর্থন করিতেছে না, ইহা নিশ্চয় ।

কিন্তু উভয়ের লেখার প্রামাণিকতা তুলনা করিতে গেলে, বোধনাচার্য্য ও উক্তক স্থরির জন্মকালের পূৰ্ব্বাগততা স্থির করিতে হয় ।

দেখা যাউক, চীন-পরিব্রাজক নিন্-ফু বোধনাচার্য্য সম্বন্ধে কি বলেন । হুৰ্ভাগ্যক্রমে কিছুই বলেন না ।

আমরা আরব ভ্রমণকারী আল্‌করীম, পটুগীজ-ভ্রমণকারী গঞ্জলিস্ ও গ্রীক-দার্শনিক ম্যাকডীনসের সমস্ত গ্রন্থ অল্পসন্ধান করিলাম । প্রথমতঃ ইহাদের তিন জনের ভ্রমণকাল নির্ণয় করা ঐতিহাসিকের কর্তব্য । আমরাও তাহাতে প্রস্তুত আছি । কিন্তু প্রবন্ধ সংক্ষেপের উদ্দেশে তৎপূৰ্বে বলা আবশ্যক যে, উক্ত তিন ভ্রমণকারীর কোন রচনাও, বোধনাচার্য্য অথবা উক্তক স্থরির কোন উল্লেখ নাই । নিন্-ফুর গ্রন্থে “ফ্লাও-কো” নামক এক ব্যক্তির নির্দেশ আছে । পুরাতত্ত্ববিদ্যাজ্ঞেই “ফ্লাও-কো” নাম বোধনাচার্য্য নামের চৈনিক অপভ্রংশ বলিয়া স্পষ্টই বুঝিতে পারিবে । কিন্তু “ফ্লাও-কো” বোধনাচার্য্যও হইতে পারে, শব্দর দত্ত হইতেও আটক নাই ।

অতএব পুরন্দর সেন এক জন ছিলেন, কি অনেক জন ছিলেন, কি ছিলেন না, প্রথমতঃ তাহার কোন প্রমাণ নাই । দ্বিতীয়তঃ, উক্ত সংশ্লিষ্ট পূৰ্ব্বক সেনের সহিত কীটক ভট্ট অথবা পুণ্ড বর্দ্ধন মিশ্রের কোন যোগ ছিল কি না ছিল, তাহা নির্ণয় করা কাহারও সাধ্য নহে ।

অতএব, উক্ত কীটকভট্ট ও পুণ্ড বর্দ্ধন মিশ্রের রচিত মোহান্তক ও

জ্ঞানাজ্ঞান নামক গ্রন্থে যদি গ্যালভ্যানিক ব্যাটারি ও অক্সিজেন বাষ্পের কোন উল্লেখ না পাওয়া যায়, তবে তাহা হইতে কি প্রমাণ হয়, বলা শক্ত । শুদ্ধ এই পর্য্যন্ত বলা যায় যে, উক্ত পণ্ডিতদ্বয়ের সময়ে গ্যালভ্যানিক ব্যাটারি ও অক্সিজেন আবিষ্কৃত হয় নাই । কিন্তু সে সময়টা কি, তাহা আমি অহুমান করিলে মধুসূদন শাস্ত্রী মহাশয় প্রতিবাদ করিবেন, এবং তিনি অহুমান করিলে আমি প্রতিবাদ করিব, তাহাতে সন্দেহ নাই ।

অতএব, কীটিক ও পুণ্ড্র বর্দ্ধনের নিকট এইখানে বিদায় লইতে হইল । তাঁহাদের সঙ্ক্ষে আলোচনা অত্যন্ত সংক্ষিপ্ত হইল, এ জগৎ পাঠকদিগের নিকট জমা ভিক্ষা করি । কিন্তু তাঁহাদিগকে বিবেচনা করিয়া দেখিতে হইবে যে, প্রথমতঃ নন্দ, উপনন্দ, আনন্দ, বোমপাল, ক্ষেমপাল, অনঙ্গপাল প্রভৃতি আঠারো জন নৃপতির কাল ও বংশাবলী-নির্ণয় সঙ্ক্ষে মধুসূদন শাস্ত্রীর মত খণ্ডন করিয়া সোমদেব, চৌলুকভট্ট, শঙ্কর, কুপানন্দ, উপমহ্মা প্রভৃতি পণ্ডিতের জীবিতকাল নির্দ্ধারণ করিতে হইবে ; তাহার পর, তাঁহাদের রচিত বোধপ্রদীপ, আনন্দসরিং, মুদ্রচৈতন্যলহরী প্রভৃতি পঞ্চাশতখানি গ্রন্থের জীর্ণাবশেষ আলোচনা করিয়া দেখাইব, উহাদের মধ্যে কোন গ্রন্থেই গ্যালভ্যানিক ব্যাটারি অথবা অক্সিজেনের নাম গন্ধ নাই । উক্ত গ্রন্থসমূহে ষড়চক্রভেদ, সর্পদংশন মন্ত্র, রক্ষাবীজ আছে এবং এক জন পণ্ডিত এমনও মত ব্যক্ত করিয়াছেন যে, স্বপ্নে নিজের গাঙ্গুল দর্শন করিলে ব্রাহ্মণকে ভূমিধান ও কুণ্ডপতনক নামক চাতুর্শাস্ত্র ব্রতপালন আবশ্যক ; কিন্তু ব্যাটারি ও বাষ্প বিষয়ে কোন বর্ণনা বা বিধান পাওয়া গেল না । আমরা ক্রমশঃ ইহার বিস্তারিত সমালোচনা করিয়া, ইতিহাসহীনতা সঙ্ক্ষে ভারতের দুর্নাম দূর করিব ;—প্রাচীন গ্রন্থ হইতেই স্পষ্ট প্রমাণ করিয়া দিব যে, পুরাকালে গ্যালভ্যানিক ব্যাটারি ভারতখণ্ডে ছিল না এবং সংস্কৃত ভাষায় অক্সিজেন বাষ্পের কোন নাম পাওয়া যায় না ।

মধুসূদন শাস্ত্রী মহাশয় কর্তৃক উক্ত প্রবন্ধের প্রতিবাদ ।

২

আমাদের ভারত-ইতিহাস-সমুদ্রের পাতিহাঁস, বঙ্গসাহিত্যকুঞ্জের গুঞ্জোন্মত্ত কুঞ্জবিহারী বাবু কলম ধরিরছেন ; অতএব প্রাচীন ভারত, সাবধান ! কোথায় খোঁচা লাগে কি জানি ! অপোগণ্ডের যদি কাণ্ডজ্ঞান থাকিবে, তবে নিজের স্বধাভাণ্ডে দণ্ডপ্রহার করিতে প্রবৃত্তি হইবে কেন ? অথবা বহুদর্শী প্রাচীন ভারতকে সাবধান করা বাহুল্য, উচ্চতলেখনী কুঞ্জবিহারীকে দেখিয়া তিনি পবিত্র উত্তরীয়ে সর্কাজ আবৃত করিয়া বসিয়া আছেন ! তাই আমাদের এই আমড়াতলার দাম্ভাবাহুরটি প্রাচীন ভারতে গ্যালভ্যানিক ব্যাটারি এবং অক্সিজেনের সংস্কৃত নাম খুঁজিয়া পাইলেন না । ধস্তাধার স্বদেশ-হিতৈষিতা ।

আমাদের দেশে যে এককালে গ্যালভ্যানিক ব্যাটারি এবং অক্সিজেন বাষ্প আবিষ্কৃত হইয়াছিল, তাই বাঙ্গালী, এ কথা তুমি বিশ্বাস করিবে কেন ? তাহা হইলে তোমার এমন দশা হইবে কেন ? আজ যে তুমি লাক্ষিত, গঞ্জিত, তিরস্কৃত, পরপদানত, অন্নবস্ত্রহীন দাসামুদাস ভিক্ষুক, জগতে তোমার এমন অবস্থা হয় কেন ? কোন্ দিন তুমি এবং তোমাদের সাহিত্য-সংসারের এই সার সংটি বলিয়া বসিবেন, অসভ্য ভারতের বাতাসে অক্সিজেন বাষ্পই ছিল না, এবং বিদ্যায় খেলাইতে পারে, ভারতের অশিক্ষিত আকাশ এমন এন্লাইটেণ্ড ছিল না ।

তাই বাঙ্গালী, তুমি এন্লাইটেণ্ড, বাতাসের সঙ্গে তুমি অনেক অক্সিজেন বাষ্প টানিয়া থাক এবং তোমার চোখে মুখে বিদ্যায় খেলে, আমি মূৰ্খ—আমি কুসংসারাজ্বর, তাই, তাই আমি বিশ্বাস করি, প্রাচীন ভারতে গ্যালভ্যানিক ব্যাটারি ছিল এবং অক্সিজেন বাষ্পের অস্তিত্বও অবিস্মৃত ছিল না । কেন বিশ্বাস করি ? আগে নির্ভার সহিত কুর্ষ, ককি ও স্বন্দ

পুরাণ পাঠ কর, গো এবং ব্রাহ্মণের প্রতি তত্ত্ব স্থাপন কর, স্নেহের অন্ন যদি খাইতে ইচ্ছা হয় ত গোপনে খাইয়া সমাজে অস্বীকার কর, মৃত্যুকু নব্য শিক্ষা হইয়াছে সম্পূর্ণ ভুলিয়া যাও, তবে বৃষ্টিতে পারিবে, কেন বিশ্বাস করি! আজ তোমাকে বাহা বলিব, তুমি হাসিয়া উড়াইয়া দবে। আমার যুক্তি তোমার কাছে অজ্ঞের প্রলাপ বলিয়া প্রতীয়মান হইবে।

তবু একবার জিজ্ঞাসা করি, কীটে যতটা খাইয়াছে এবং মুসলমানে যতটা ধ্বংস করিয়াছে, তাহার কি একটা হিসাব আছে! যে পাপিষ্ঠ যবন ভারতের পবিত্র স্বাধীনতা নষ্ট করিয়াছে, ভারতের গ্যালভ্যানিক ব্যাটারির প্রতি যে তাহার মমতা প্রদর্শন করিবে, ইহাও কি সম্ভব! যে স্নেহগণ শত শত আর্য্যসন্তানের পবিত্র মস্তক উন্মীষ ও শিখা সমেত উড়াইয়া দিয়াছিল, তাহার যে আমাদের পবিত্র দেবভাষা হইতে অক্লিঞ্জন বাষ্পটুকু উড়াইয়া দিবে, ইহাতে কিছু বিচিত্র আছে?

এই ত গেল প্রথম যুক্তি। দ্বিতীয় যুক্তি এই যে, যদি যবনগণের দ্বারা গ্যালভ্যানিক ব্যাটারি ও অক্লিঞ্জনের প্রাচীন নাম লোপ না হইবে, তবে তাহা গেল কোথায়—তবে কোথাও তাহার কোন চিহ্ন দেখা যায় না কেন? প্রাচীন শাস্ত্রে এত শত ঋষি মুনির নাম আছে, তন্মধ্যে গন্ধন ঋষির নাম বহু গবেষণাতেও পাওয়া যায় না কেন? যে পবিত্র ভারতে দধীচি বজ্রনির্মাণের জন্ত নিজ অস্থি ইন্দ্রকে দান করিয়াছেন, ভীমসেন গদাঘাতের দ্বারা জরাসন্ধকে নিহত করিয়াছেন, এবং জঙ্ঘু মুনি গন্ধাকে এক গাওঁ ঘে পান করিয়া জাম্বু দিয়া নিঃসারিত করিয়াছেন, যে ভারতে ঋষিবাক্যপালনের জন্ত বিদ্যা পরীত আজিও নতশির, সেই ভারতের সাহিত্য হইতে অক্লিঞ্জন বাষ্পের নাম পর্য্যন্ত যে লুপ্ত হইয়াছে, সর্কসংহারক যবনের উপদ্রবই যদি তাহার কারণ না হয়, তবে হে ভাই বাঙ্গালি তাহার কি কারণ আছে জিজ্ঞাসা করি?

তৃতীয় যুক্তি এই যে, ইতিহাসের দ্বারা সম্পূর্ণ প্রমাণ হইয়া গিয়াছে যে, যবনেরা প্রাচীন ভারতের বহুতর কীর্তি লোপ করিয়াছে । এ কথা আজ কেহই অস্বীকার করিতে পারিবেন না । আজ যে আমরা নিন্দিত অপ-মানিত ভীত ব্রহ্ম ভয়গ্রস্ত রিক্তহস্ত অন্তঃকমিত-মহিমা পরাধীন হইয়াছি, ভারতে যবনাধিকারই তাহার একমাত্র কারণ ।—এতটা দূরই যদি স্বীকার করিতে পারিলাম, তবে আমাদের গ্যালভ্যানিক ব্যাটারি ও অক্সিজেনের নামও যে সেই ছুরাশ্বারাই লোপ করিয়াছে, এটুকু যোগ করিয়া দিতে কুণ্ঠিত হইবার তিলমাত্র কারণ দেখি না ।

চতুর্থ যুক্তি—যখন এক সময়ে যবন ভারত অধিকার করিয়াছিল এবং নির্বিচারে বহুতর পুত মন্তক ও মন্দিরচূড়া ভগ্ন করিয়াছিল, যখন অনায়াসে যবনের স্বল্পে সমস্ত দোষারোপ করা যাইতে পারে এবং সে জ্ঞাত কেহ লাই-বেলের মকদ্দমা আনিবে না, তখন যে ব্যক্তি সভ্যতার কোন উপকরণ সম্বন্ধে প্রাচীন ভারতের দৈন্ত স্বীকার করে, সে পাষাণ হৃদয়হীন, বিকৃত-মস্তিষ্ক এবং স্বদেশদ্রোহী । অতএব, তাহার কথার কোন মূল্য থাকিতে পারে না ; সে যে সকল প্রমাণ আহরণ করে, কোন প্রকৃত নিষ্ঠাবান ধর্ম্মপ্রাণ হিন্দুসন্তান তাহাকে প্রমাণ বলিয়া গণ্য করিতেই পারেন না ।

এমন যুক্তি আমরা আরও অনেক দিতে পারি । কিন্তু আমরা হিন্দু, পৃথিবীতে আমাদের মত উদার, আমাদের মত সহিষ্ণু জাতি আর নাই । আমরা পরের মতের উপর কোন হস্তক্ষেপ করিতে চাহি না । অতএব আমাদের সর্বপ্রধান যুক্তি, বাপাস্ত, অন্ধচন্দ্র এবং ধোপা-নাপিত-রোধ ।

লেখার নমুনা ।

সম্পাদক মহাশয় সমীপেষু—

ধৃষ্টতা মার্জনা করিবেন, কিন্তু না বলিয়া থাকিতে পারি না, আপনারা এখনো লিখিতে শিখেন নাই। অমন মৃদুসত্ত্বাধেণে কাজ চলে না। গলায় গামছা দিয়া লোক টানিতে হইবে। কিন্তু উপদেশের অপেক্ষা দৃষ্টান্ত অধিক ফলপ্রদ বলিয়া, আমাদের এজেন্সি আকিস হইতে একটা লেখার নমুনা পাঠাইতেছি। পছন্দ হইলে ছাপাইবেন, দাম দিতে ভুলিবেন না। যিনি লিখিয়াছেন, তিনি সাহিত্যসংসারে একজন সুপরিচিত ব্যক্তি। বাঙ্গালার ভূগোলে সাহিত্য-সংসার কোথায় আছে, ঠিক জানি না; এই পর্য্যন্ত জানি, আমাদের বিখ্যাত লেখককে তাঁহার ঘরের লোক ছাড়া আর কেহই চেনেন না। অতএব অনুমান করা বাইতে পারে, সাহিত্যসংসার বলিতে তিনি, তাঁহার বিধবা পিসি, তাঁহার স্ত্রী এবং ছই বিবাহযোগ্য কন্যা বুঝায়। এই ক্ষুদ্র সাহিত্যসংসারটির জীবিকা, আমাদের খ্যাতনামা লেখকটির উপরেই সম্পূর্ণ নির্ভর করিতেছে, সুতরাং সকল সময়ে রুচিরক্ষা করিয়া, সত্য রক্ষা করিয়া, ভদ্রতা রক্ষা করিয়া লিখিলে, ইহার কোনও মতে চলে না, অতএব উপযুক্ত লেখক এমন আর পাইবেন না।

তবু কেন বলি ?

“দেখিয়া বিস্মিত আশ্চর্য্য এবং চমৎকৃত হইতে হয়, কি বলিব, চক্ষে জল আসে, কান্না পায়, অশ্রু-সলিলে বক্ষ ভাসিয়া যায়, যখন দেখিতে পাই, যখন প্রত্যহ এমন কি প্রতিদিন প্রত্যক্ষ দেখা যায়,—কি দেখা যায়! পোড়া মুখে কেমন করিয়া বলিব, কি দেখা যায়! বলিতে লজ্জা হয়, সরম আসে, মুখ ঢাকিতে ইচ্ছা হয়, উঠে-স্বরে ডাক ছাড়িয়া বলিতে ইচ্ছা করে,

মাতঃ বহুকরে, জননী, মা, মাগো, একবার দ্বিধা হও মা—একবার ছুঁখানা হইয়া ভাঙ্গিয়া যা মা, সন্তানের লজ্জা নিবারণ কর জননি ! তাই বঙ্গবাসী, বুঝিয়াছ কি, কোন্ কলঙ্কের কথা, কোন্ লাঞ্ছনার কথা, কোন্ দুঃসহ লজ্জার কথা বলিতেছি, ব্যক্ত করিতেছি, প্রকাশ করিতে গিয়া কণ্ঠ রুদ্ধ হইয়া যাইতেছে ? না, বোঝ নাই, তোমরা বুঝবে কেন ভাই ! তোমরা মিল্ বোঝ, স্পেন্সর বোঝ, তোমরা শেলিয় আধ-আধ ছায়া-ছায়া ভাঙ্গা-ভাঙ্গা কবিত্ত বোঝ, তোমরা গরিবের কথা বুঝবে কেন, দরিদ্রের কথা শুনিবে কেন, এ অকিঞ্চনের ভাষা তোমাদের কানে যাইবে কেন ? কিন্তু ভাই একটি প্রশ্ন আছে, একটি কথা জিজ্ঞাসা করিব, গুণমণি, ঐ মুখের একটি উত্তর শুনিতে চাই—আচ্ছা ভাই, পরের কথা বোঝ, আর আপনার লোকের কথা বোঝ না, বাহিরের কথা বোঝ, আর ঘরের কথা বুঝিতে পার না, যে আপনার নয়, তাহার কথা বোঝ, যে আপনার, তাহার কথা বোঝ না ? বোঝ না তাহাতেও দুঃখ নাই, তাহাতেও খেদ নাই, তাহাতেও তিলাঙ্ক-মাত্র শোকের কারণ নাই, কিন্তু ভাই কথাটা যে একেবারে হৃদয়ঙ্গমই হয় না, একেবারে বেন অবোধের মত বসিয়া থাক ! সেই ত আমাদের দৃষ্টশ্য, সেই ত আমাদের দুরদৃষ্ট ! ভাই বাঙ্গালী, জিজ্ঞাসা করিতে পার বটে, যে কথা আজিকার দিনে কেহ বুঝবে না, সে কথা তুলিলে কেন, উত্থাপন করিলে কেন ? যে কথা সবাই ভুলিয়াছে, সে কথা মনে করাইয়া দাও কেন ? যে হুর্কিসহ অসহ বেদনা, যে দুঃসহ ব্যথা, যে অসহ যন্ত্রণা নাই, তাহাতে আঘাত দাও কেন ? আমিও ত সেই কথা বলি ভাই ! এই ভাঙ্গা মন্দিরে এই ভাঙ্গা কণ্ঠের প্রতিধ্বনি কেন তুলি ! এই শ্মশানের চিত্তানলে আবার কেন নৃতন করিয়া নয়নজল নিক্ষেপ করি ! আৰ্য্য জননীর সমাধিক্ষেত্রে এই ঊনবিংশ শতাব্দীর সভ্যশাসিত সভ্য-চালিত নব সভ্যতার দিনে আবার কেন নৃতন করিয়া নীরবতার তরঙ্গ উত্থিত করি ! কেন করি ! তোমরা কি করিয়া বুঝবে ভাই কেন করি !

তুমি যে ভাই সভ্য, তুমি কি করিয়া বুঝিবে কেন করি ! তুমি যে ভাই নব সভ্যতার নূতন বিদ্যালয়ে নূতন শিক্ষা লাভ করিয়া নূতন ভানে নূতন গান ধরিয়াছ, নূতন রসে নূতন মজিয়া নূতন ভাবে নূতন ভোর হইয়াছ, তুমি কি করিয়া বুঝিবে কেন করি ! তুমি যে এ কথা কখন কিছু শোন নাই এবং আজ সম্পূর্ণ ভুলিয়া গিয়াছ, তুমি যে এ কথা কখন কিছু বোঝ নাই এবং আজ একেবারেই বোঝ না, তুমি কি করিয়া বুঝিবে কেন করি ! তবু জিজ্ঞাসা করিবে কেন করি ? আমি যে ভাই তোমাদের মিল পড়ি নাই, তোমাদের স্পেন্সর পড়ি নাই, তোমাদের ডাকিয়ন্ পড়ি নাই, আমি যে ভাই তোমাদের হক্‌সলি এবং টিণ্ডাল্, রস্কিন্ এবং কার্লাইল্ পড়ি নাই, এবং পড়িয়া বুঝিতে পারি নাই, আমি যে ভাই কেবলমাত্র ষড়দর্শন এবং অষ্টাদ্ধ বেদ, সংহিতা এবং পুরাণ, আগম এবং নিগম, উপক্রমণিকা এবং ঋজুপাঠ প্রথম ভাগ পড়িয়াছি—ঐ সকল গ্রন্থ এই পতিত ভারতে আমি ছাড়া আর যে কেহ পড়ে নাই এবং বুঝে নাই ভাই ! তবু আবার জিজ্ঞাসা করিবে কেন করি ! প্রাণের ভাই সকল ! আমি যে পাগল, বাতুল, উন্মাদ, বায়ুগ্রস্ত, আমার মাথার ঠিক নাই, বুদ্ধির স্থিরতা নাই, চিত্ত উদ্‌ব্রান্ত !

“ভাই বান্ধালি, এখন বুঝিলে কি, কেন করি, অবোধ অশ্রু কেন পড়ে, পোড়া চখের জল কেন বারণ মানে না, কেন মিছে অরণ্যে রোদন, অস্থানে ক্রন্দন করিয়া মরি ! নীরব হৃদয়ের জালা ব্যক্ত হইল কি, এই ভ্রমীভূত প্রাণের শিখা দেখিতে পাইলে কি, শুষ্ক অশ্রুধারা দুই কপোল বাহিয়া কি প্রবাহিত হইল ? যে ধ্বনি কখন শোন নাই তাহার প্রতিধ্বনি গুনিলে কি, যে আশা কখন হৃদয়ে স্থান দাও নাই, তাহার নৈরাশ্র তিলমাত্র অনুভব করিলে কি, যাহা বুঝাইতে গেলে বুঝান যায় না এবং যাহা বুঝিতে চেষ্টা করিলে বুঝা উত্তরোত্তর অসাধ্য হইয়া উঠে, তাহা কি আজ তোমাদের এই উন্নবংশ শতাব্দীর সভ্যতারুদ্ধ বধির কর্ণকূহরে প্রবেশ করিল ?”

* * *

সম্পাদক মহাশয় ! আজ এই পর্য্যন্ত প্রকাশ করা গেল। কারণ, ইহার পরের প্যারাগ্রাফেই আমাদের লেখক আরম্ভ করিয়াছেন, “যদি না করিয়া থাকে, তবে আমি ক্ষান্ত হইলাম, নীরব হইলাম, তবে আমি মুখ বন্ধ করিলাম, তবে আমি আর একটি কথাও কহিব না—না, একটিও না !” এই বলিয়া কেন কথা কহিবেন না, আশানক্ষেত্রে কথা বলিলেই বা কিরূপ ফল হয়, এবং সমাধিক্ষেত্রে কথা বলিলেই বা কিরূপ নিষ্ফল হয়, এবং কথা না বলিলেই বা কিরূপ হৃদয় বিদৌর্ণ হয়, এবং হৃদয় বিদৌর্ণ হইলেই বা কিরূপ কথা বাহির হইতে থাকে, তাহাই ভাই বাঙ্গালীকে পুনরায় বুঝাইতে প্রবৃত্ত হইয়াছেন এবং কিছুতেই কৃতকার্য হইতে পারিতেছেন না। এই অংশটি এত দীর্ঘ যে, আপনার কাগজে স্থান হইবে না। পাঠকদিগকে আশ্বাস দেওয়া যাইতেছে, প্রবন্ধটি অবিলম্বে পুস্তকাকারে প্রকাশিত হইবে। মূল্য ৫৮০ মাত্র, কিন্তু যাহারা ডাকমাণ্ডল স্বরূপে উক্ত ৫৮০ পাঠাইবেন, তাঁহাদিগকে বিনামূল্যে গ্রন্থ উপহার দেওয়া যাইবে।

সাহিত্য এজেন্সির কাৰ্য্যাধ্যক্ষ ।

সারবান সাহিত্য ।

নাটক ।

সম্পাদক মহাশয়,

আজকাল বাঙ্গালা সাহিত্যে রাশি রাশি নাটক নভেলের আমদানী হইতেছে। কিন্তু তাহাতে সার পদার্থ কিছুমাত্র নাই। না আছে তত্ত্বজ্ঞান, না আছে উপদেশ। কি করিলে দেশের ধনবৃদ্ধি হইতে পারে, গো-জাতির রোগ-নিবারণ করিবার কি কি উপায় আছে ; দ্বৈত, ত্রৈত-দ্বৈত এবং শুদ্ধদ্বৈতবাদের মধ্যে কোন ব্যাদ শ্রেষ্ঠ ; কফ পিত্ত ও বায়ু বৃদ্ধির পক্ষে দিশিকুম্ভা ও বিলাতী কুম্ভার মধ্যে কোন প্রভেদ আছে

কিনা, অশোক এবং হর্ষবর্দ্ধনের মধ্যে কে আগে কে পরে আমাদের অগণ্য কাব্যনাটকের মধ্যে এসকল সারগর্ভ বিখ্যাতকর প্রসঙ্গের কোন মীমাংসা পাওয়া যায় না। একবার কল্পনা করিয়া দেখুন, যদি কোন নাটকের পঞ্চমাস্কের সর্বশেষভাগে এমন একটি তত্ত্ব পাওয়া যায় যদ্বারা জৈব-শক্তি ও দৈবশক্তির অত্যাশ্চর্য সম্বন্ধ নিরূপিত হয় অথবা সৃষ্টি বিকাশের ক্রম-পর্যায় নাটকের অঙ্কে অঙ্কে বিভক্ত হইয়া জগৎ জ্ঞান শিখরের মরুত-সোপান-পরম্পরা রচিত হয়, তবে রসগ্রাহী সঙ্কদয় পাঠকেরা কিরূপ পুলকিত ও পরিভূপ্ত হইতে পারেন। এখন যে সকল অসার, রেচ্ছভাবসংস্পর্শ-দূষিত গ্রন্থ বাহির হইতেছে তাহা পাঠ করিয়া বাবুয়া সাহেব এবং ঘরের গৃহিণীরা বিবি হইতেছেন। বঙ্গসাহিত্যের এই কলঙ্ক অপনোদন করিবার মানসে আমি নাটক উপজ্ঞাসের ছলে কতকগুলি জ্ঞানগর্ভ গ্রন্থ প্রণয়ন করিতে প্রবৃত্ত হইয়াছি। প্রথম সংখ্যায় পঞ্জিকা নাট্যাকারে বাহির করিব স্থির করিয়াছি। গ্রহ ফলাফলের প্রতি বর্তমান কালের ইংরাজি-শিক্ষিত বাবু-বিবিদিগের বিশ্বাস ক্রমশঃ হ্রাস হইতেছে। সেই নষ্ট বিশ্বাস উদ্ধার করিবার জন্য আমি এই কৌশল অবলম্বন করিয়াছি। সাধারণের চিত্ত আকর্ষণের অভিপ্রায়ে এই নাটকের কিঞ্চিৎ নমুনা মহাশয়ের জগদ্বিখ্যাত পত্রের এক পার্শ্বে প্রকাশ করিতে ইচ্ছা করি।

নাটকের পাত্রগণ।

হর।

পার্কীতী।

প্রথম অঙ্ক। দৃশ্য কৈলাস পর্বত।

হর পার্কীতী।

পার্কীতী। নাথ!

হর। কেন প্রিয়ে?

পার্কী। ষ্ঠেতবরাহ কল্লাব হইতে করজন মন্থর আবির্ভাব হইয়াছে, সেই মনোহর প্রসঙ্গ শুনিবার জন্য আমার একান্ত বাসনা হইতেছে ।

হর । (সহাস্তে) প্রিয়ে, পঞ্জিকার প্রথম সৃষ্টিকাল হইতে আজ পর্যন্ত প্রত্যেক বর্ষারম্ভ দিনে এই পরম জিজ্ঞাস্ত প্রশ্নের উত্তরে তোমার কোতূহল নিবৃত্ত করিয়া আসিতেছি । জীবিতবল্লভে, আজও কি এসম্বন্ধে তোমার ধারণা জন্মিল না ?

পার্কী। প্রাণনাথ, জানইত আমরা বুদ্ধিহীন নারীজাতি বিশেষতঃ অজ্ঞকালকার বিবিদের মত কিমেল ইঙ্কলে পড়ি নাই । (বোধ করি সকলে বুঝিতে পারিয়াছেন এইখানে বর্তমান শিক্ষিতা মহিলাদের প্রতি তীব্র বিদ্বেষ করা হইল । ইহাতে জ্ঞানীশিক্ষা অনেকটা নিবারণ হইবে । লেখক) হৃদয়নাথ, অহর্নিশি একমাত্র পতিচিন্তা ব্যতীত যাহার আর কোন চিন্তা নাই তাহার স্মৃতিপটে অতশুলা মন্থর কথা কিরূপে অঙ্কিত হইবে ? হাজার হোক, তাহারা ত পরপুরুষ বটে ! (বর্তমান কালের পাঠিকারা এইস্থল হইতে পতিভক্তির সুন্দর উপদেশ পাইবেন । লেখক]

হর । প্রিয়তমে, তবে অবহিত হইয়া মনোহর কথা শ্রবণ কর । ষ্ঠেত-বরাহ কল্লাবের পর হইতে ছয় জন মন্থ গত হইয়াছেন । প্রথম সায়ম্ভুব মন্থ । দ্বিতীয় স্বারোচিষ মন্থ । তৃতীয় ঔত্তমজ মন্থ । চতুর্থ তামস মন্থ । পঞ্চম রৈবত মন্থ । ষষ্ঠ চাক্ষুষ মন্থ । সপ্তমি সপ্তম মন্থ বৈবস্বতের অধিকার চলিতেছে । সপ্তবিংশতিযুগ গত হইয়াছে । অষ্টবিংশতি যুগে কলিযুগের প্রারম্ভ । তত্র চতুর্যুগের পরিমাণ বিংশতি-সহস্রাধিক ত্রিচক্ষারিংশলক্ষ পরিমিত বর্ষ ।

পার্কী। (স্বগত) অহো কি ক্রটিমনোহর ! (প্রকাশ্যে) প্রাণেশ্বর ! এবার সত্য যুগোৎপত্তির কাল নিরূপণ করিয়া দাসীর কর্ণকুহর সুধাসিক্ত কর !

হর। প্রিয়ে, তবে শ্রবণ কর। বৈশাখ শুক্লপক্ষ অক্ষয় তৃতীয়া রবিবারে সত্যযুগোৎপত্তি। ইত্যাदि।

(এইরূপে কাব্যকৌশল সহকারে প্রথম অঙ্কে একে একে চারি-
যুগের উৎপত্তি-বিবরণ বর্ণিত হইবে। লেখক)

দ্বিতীয় অঙ্ক। দৃশ্য কৈলাস।

বৃষস্কন্ধে মহেশ এবং শিলাতলে হৈমবতী আসীনা। নাটকের মধ্যে বৈচিত্র্য সাধনের জন্ত হর পার্শ্বতীর নাম পরিবর্তন করা গিয়াছে এবং দ্বিতীয় দৃশ্যে বুধের অবতারণা করা হইয়াছে। যদি কোন রঙ্গভূমিতে এই নাটকের অভিনয় হয় নিশ্চয়ই বুধ সাজিবার লোকের অভাব হইবে না। বক্ষ্যমাণ অঙ্কে পার্শ্বতী মধুর সন্তাষণে মহেশ্বরের নিকট হইতে বর্ষফল জানিয়া লইতেছেন। এই অঙ্কে প্রসঙ্গক্রমে সোনার ভারতের দুর্দশায় পার্শ্বতীর বিলাপ এবং রেলগাড়ী প্রচলিত হওয়াতে আর্থ্যাবশেষের কি কি অনিষ্ট ঘটিয়াছে, তাহা কোশলে বর্ণিত হইয়াছে। অবশেষে আটকেশ ফল, কুড়বেশ ফল এবং গোটকাপাত ফল নামক সুখশ্রাব্য প্রসঙ্গে এই অঙ্কের সমাপ্তি।

তৃতীয় অঙ্ক এবং চতুর্থ অঙ্ক। দৃশ্য কৈলাস।

গজচর্শ্বে ত্র্যম্বক ও অম্বিকা আসীনা।

নাট্যশালায় গজচর্শ্বের আয়োজন যদি অসম্ভব হয়, কার্পেট পাতিয়া দিলেই চলিবে। এই দুই অঙ্কে বারবেলা, কাণ বেলা, পরিষযোগ, বিফল যোগ, অস্বক যোগ, বিষ্টিভঙ্গা, মহাদঙ্কা, নক্ষত্রফল, রাশিফল, ববকরণ, বালবকরণ, তৈতিলকরণ, কিস্তয়করণ, ঘাতচন্দ্র, তারার প্রতিকার, গোচরফল প্রভৃতির বর্ণনা আছে। অভিনেতাদিগের প্রতি লেখকের সবিনয় অম্লরোধ, এই দুই অঙ্কে তাঁহারা যথায়থ ভাব রক্ষা করিয়া যেন অভিনয় করেন—কারণ অরিদ্বিংশ এবং মিত্রষড়ষ্টক কথনে যদি অভিনয়

নেতার কণ্ঠস্বর ও অঙ্গভঙ্গীতে ভিন্নতা না থাকে, তবে দর্শকগণের চিত্তে কখনই অমুরূপ ভাব উচ্ছসিত হইয়া উঠিবে না । লেখক ।

পঞ্চমাস্ক । দৃশ্য কৈলাস ।

সিংহের উপর ত্রিপুরারি ও মহাদেবী আগীন ।

(সিংহের অভাবে কাঠের চৌকি হইলে ক্ষতি নাই । লেখক)

মহাদেবী । প্রভু, দেবদেব, তুমিত ত্রিকালজ্ঞ, ভূতভবিষ্যৎ বর্তমান তোমার নথ্যদর্পণে ; এইবার বলদেখি ১৮৭৯ সালের এক আইনে কি বলে ?

ত্রিপুরাবি । মহাদেবি, শুভনিশ্চিন্তবাতিনি, তবে অবধান কর । কোন একটি বিষয়ের অনেকগুলি দলিল হইলে তাহার মধ্যে প্রধান থানিতে নিয়মিত ষ্টাম্প অপরগুলিতে এক টাকা অনুসারে দিতে হয় ।

ইহার পর দলিল রেজেষ্টরীর খরচা, তামাদির নিয়ম, উকিল খরচা, খাজানা বিষয়ক আইন, ইন্সকমট্যাক্স, বাঙ্গিডাক, মণিঅর্ডার ; সর্বশেষ সাউথ ইষ্টারণ ষ্টেট রেলওয়ের তৃতীয় শ্রেণীর ভাড়ার কথা বিবৃত করিয়া যবনিকা পতন । এই অঙ্কে যে ব্যক্তি সিংহ সাজিবে তাহার কিঞ্চিৎ আপত্তি থাকিতে পারে,—অতক্ষণ দুই জনকে স্বন্ধে করিয়া হামাগুড়ির ভঙ্গিতে নিশ্চল দাঁড়াইয়া থাকা কঠিন ব্যাপার । সেই জন্ত উকিল-খরচা কখনের মধ্যে সিংহ একবার গর্জন করিয়া উঠিবে, “মা আমার ক্ষুধা পাইয়াছে ।” মা বলিবেন “তা যাও বাছা, সাহারা মরুতে তোমার শিকার ধরিয়া খাওগে, আমরা নীচে নামিয়া বসিতেছি ।” হামাগুড়ি দিয়া সিংহ নিষ্ক্রান্ত হইবে । এই সুযোগে দর্শকেরা সিংহের আবাসস্থলের পরিচয় পাইবেন ।—আমার কোন কোন নবাবজু পরামর্শ দিয়াছিলেন ইহার মধ্যে মধ্যে নন্দী ভৃঙ্গীর হাঙ্গরসের অবতারণা করিলে ভাল হয় । কিন্তু তাহা হইলে নাটকের গৌরব লাবণ্য হয় । এই জন্ত হাঙ্গর প্রগল্ভতা আমি সযত্নে ঘুরে পরিহার করিয়াছি । ভবিষ্যতে

সুদ্রুত ও চরক সংহিতা নাট্যাকারে রচনা করিবার অভিলাষ আছে এবং উপজ্ঞাসের জ্ঞান লঘু সাহিত্যকে কতদূর পর্য্যন্ত সারবান করিয়া তোলা যাইতে পারে, পাঠকদিগকে তাহারও কিঞ্চিৎ নমুনা দিবার সঙ্কল্প করিয়াছি ।

ভবদীয় একান্ত অমুগত শ্রীজনহিতৈষী
সাহিত্য প্রচারক ।

১২৯৮ ।

মীমাংসা ।

আমাদের বাড়ির পাশেই নবীন ঘোষের বাড়ি । একেবারে সংলগ্ন বলিলেই হয় ।

আমি কখনও আমাদের বাড়ির ছাদে উঠি না, জানালায়ও দাঁড়াই না । আপন মনে গৃহকার্য্য করিয়া যাই ।

নবীন ঘোষের বড় ছেলে মুকুন্দ ঘোষকে কখনও চক্ষে দেখি নাই ।

কিন্তু মুকুন্দ ঘোষ কেন বাঁশি বাজায় ! সকালে বাজায়, মধ্যাহ্নে বাজায়, সন্ধ্যাবেলায় বাজায় । আমার ঘর হইতে স্পষ্ট শোনা যায় ।

আমি কবি নই, মাসিক পত্রের সম্পাদক নই, মনের ভাব সম্পূর্ণ ব্যক্ত করিয়া উঠিতে পারি না । কেবল সকালে কাঁদি, মধ্যাহ্নে কাঁদি, সন্ধ্যাবেলায় কাঁদি এবং ইচ্ছা করে ঝর ছাড়িয়া বাহির হইয়া যাই ।

ঝুঝিতে পারি রাধিকা কেন তাঁহার সখীকে সন্মোহন করিয়া কাতর স্বরে বলিয়াছিলেন “বারণ করলো সই, আর যেন শ্রামের বাঁশি বাজে না বাজে না ।”

বুঝিতে পারি চণ্ডীদাস কেন লিখিয়াছেন,

“যে না দেশে বাঁশির স্বর সেই দেশে যাব,
ডালে মূলে উপাড়িয়া সাগরে ভাসাব ।”

কিন্তু পাঠক, আমার এ হৃদয়বেদনা তুমি কি বুঝিয়াছ ?—

উত্তর ।

আমি বুঝিয়াছি । যদিও আমি কুলবধু নই । কারণ, আমি পুরুষ মানুষ । কিন্তু আমার বাড়ির পাশেও একটি কন্সটের দল আছে । তাহার মধ্যে একটি ছোকরা নূতন বাঁশি অভ্যাস করিতে আরম্ভ করিয়াছে—প্রত্যুষ হইতে .অন্ধারাত্রি পর্যন্ত সারিগম্ সাধিতেছে । পূর্বাপেক্ষা অনেকটা সড়গড় হইয়াছে ; এখন প্রত্যেক সুরে কেবলমাত্র আধস্তর শিকিস্তর তফাৎ দিয়া যাঠতেছে । কিন্তু আমার চিত্ত উদাসীন হইয়া উঠিয়াছে—যেরে আর কিছুতে মন টেঁকে না । বুঝিতে পারিতেছি রাধিকা কেন বলিয়াছিলেন “বারণ করলো, সহি, আর যেন শ্রামের বাঁশি বাজে না বাজে না ।” শ্রাম বোধ করি তখন নূতন সারিগম্ সাধিতে ছিলেন । বুঝিতে পারিতেছি চণ্ডীদাস কেন লিখিয়াছিলেন—

“যে না দেশে বাঁশির স্বর সেই দেশে যাব,
ডালে মূলে উপাড়িয়া সাগরে ভাসাব ।”

বোধ হয় চণ্ডীদাসের বাসার পাশে কন্সটের দল ছিল ।

আমার বাড়ির পাশে যে ছোকরা বাঁশি অভ্যাস করে, বোধ হয় তাহারি নাম মুকুন্দ ঘোষ ।

ত্রীসঙ্কীতপ্রিয় ।

আমার এ কি হইল ! এ কি বেদনা ! নিজা নাই, আহাৰ নাই, মনে স্তম্ভ নাই । থাকিয়া থাকিয়া “চমকি চমকি উঠি” ।

কমলপত্র বীজন করিলে অসহ্য বোধ হয়, চন্দনপঙ্ক লেপন করিলে উপশম না হইয়া বিপরীত হয় ।

শীতল সমীরণে সমস্ত জগতের তাপ নিবারণ করে, কেবল আমি হতভাগিনী, সখাকে ডাকিয়া বলি “উছ উছ, সখি, দ্বার রোধ করিয়া দাও।”

সখীয়া! মেহভরে দেহ স্পর্শ করিলে চমকিয়া হাত ঠেলিয়া দিই। না জানি কোন স্পর্শে আরাম পাইব!

মনোহরা শারদ পূর্ণিমা কাহার না আনন্দদায়িনী—কেবল আমার কষ্ট কেন দ্বিগুণ বাড়াইয়া তোলে!

আমার স্থায় আর কোন হতভাগিনী সঙ্কল্পে জয়দেব লিখিয়াছেন,—

“নিব্ধতি চন্দনমিন্দুকিরণমমুর্বাণ্ধতি প্লেদমধীরং।

ব্যালনিলয়মিলনেন গরলমিব কলয়তি মলয়সমীরং।”

অত্ৰ লিখিয়াছেন “নিশি নিশি রুজমুপযাতি।” আমারও সেই দশা। রাত্রেই বাড়িয়া উঠে।

আমার এ কি হইল?

উত্তর।

তোমার বাত হইয়াছে। অতএব পূবে হাওয়া বহিলে যে দ্বাররোধ করিয়া দাও সেটা ভালই কর। পরীক্ষাস্বরূপে চন্দনপঙ্ক লেপন না করিলেই উত্তম করিতে। পূর্ণিমার সময় যে বেদনা বাড়ে সে তোমার একলার নহে, রোগটার ঐ এক লক্ষণ। চাঁদের সহিত বিরহ, বাত, পয়ার এবং জোয়ার ভাঁটার একটা যোগ আছে।

রাধিকার স্থায় রাত্রে তোমার রোগ বৃদ্ধি হয়। কিন্তু রাধিকার সময় ভাল ডাক্তার ছিল না তোমার সময়ে ডাক্তারের অভাব নাই। অতএব আমার ঠিকানা সম্পাদকের নিকট জানিয়া লইয়া অবিলম্বে চিকিৎসা আরম্ভ করিয়া দিবে।

নূতন উত্তীর্ণ ডাক্তার।

পয়সার লাঞ্ছনা ।

আমাদের আপিসের সাহেব বলে, বাঙালীর বেশি বেতনের আবশ্যক নাই। সে স্থির করিয়া রাখিয়াছে ভদ্র বাঙালীর ছেলের পক্ষে মাসিক পঁচিশ টাকা খুব উচ্চ বেতন। আমাদের অবস্থা এবং আমাদের দেশের সম্বন্ধে সাহেবরা যখন একটা মত স্থির করে তখন তাহার উপর আমাদের কোন কথা বলা প্রগল্ভতা। কেবল সাহেবের প্রতি একটা অত্যন্ত ঘনিষ্ঠ কুটুম্বিতানুচক বিশেষণ প্রয়োগপূর্বক মনের ক্ষোভে আপনা-আপনির মধ্যে বলাবলি করি—সাহেব সবই ত জানেন।

শোনা যায় জগতে হরণ-পূরণের একটা নিয়ম আছে। সে নিয়মের অর্থ এই—যাহার একটার অভাব তাহার আর একটার বাহুল্য প্রায়ই থাকে। আপিসেও তাহার প্রমাণ পাওয়া যায়। আমাদের যেমন বেতন অল্প, তেমনি খাটুনি এবং লাঞ্ছনা অধিক এবং সাহেবের ঠিক তাহার বিপরীত।

কিন্তু জগতের এ নিয়ম কোন কোন জগদ্বাসীর পক্ষে যেমনই আনন্দজনক হোক আমাদের পক্ষে ঠিক তেমন সুবিধার বোধ হয় নাই। কেবল অগত্যা সহিয়া ছিলাম, কিন্তু যেদিন আমাদের উপরে একটা কর্ম্ম খালি হইল, এবং বাহির হইতে একটা কাঁচা ইংরাজের ছেলেকে সেই কর্ম্মে নিযুক্ত করিয়া আমাদের প্রোমোশন্ বন্ধ করা হইল, সেদিন আমাদের ক্ষোভের আর সীমা রহিল না। ইচ্ছা হইল তখন কাজ ফেলিয়া দিয়া চলিয়া যাই, একটা মিউটিনী করি, ইংরাজকে দেশ হইতে দূর করিয়া দিই, পার্লামেন্টে একটা দরখাস্ত করি, ষ্টেটসম্যান কাগজে একটা বেনামী পত্র লিখি। কিন্তু তাহার কোনটা না করিয়া বাড়িতে চলিয়া গিয়া সে দিন আর জলখাবার খাইলাম না, খোকার সর্দি হইয়াছে

বলিয়া ত্রীকে বৎপরোনাস্তি লাঞ্ছনা করিলাম, ত্রী কঁাদিতে লাগিল, আমি সকাল সকাল শুইয়া পড়িলাম। শুইয়া শুইয়া ভাবিতে লাগিলাম, হায়রে পয়সা তোর জন্ত এত অপমান !

ত্রী অভিমান করিয়া আমার কাছে আসিলেন না, কিন্তু মিশক চরণে নিত্বাদেবী আসিয়া উপস্থিত হইলেন। হঠাৎ কখন দেখিতে পাইলাম—আমি একটি পয়সা। কিছু আশ্চর্য্য বোধ হইল না। কবে কোন্ সনাতন টাঁকশাল হইতে বাহির হইয়াছি যেন মনেও নাই। এই পর্য্যন্ত অবগত আছি যে, ব্রহ্মার পা হইতে যেমন শূদ্রের উৎপত্তি, সেইরূপ টাঁকশালের অত্যন্ত নিম্নবিভাগেই আমাদের জন্ম।

সেদিন শিকি ছ-আনীর একটা মহতী সভা বসিবে কাগজে এইরূপ একটা বিজ্ঞাপন পড়া গিয়াছিল। হাতে কাজ ছিল না, কৌতূহলবশতঃ গড়াইয়া গড়াইয়া সেই সভায় গিয়া উপস্থিত হইলাম, এবং দেয়ালের কাছে একটা কোণে আশ্রয় লইলাম।

সুকুমারী সহধর্ম্মিণী ছ-আনীকে সবদে বামপার্শ্বে লইয়া শুভ্রকায় চার-আনীগুলি দলে দলে আসিয়া সভাপ্রস্থ আচ্ছন্ন করিয়া ফেলিল। তাহারা বাস করে কেহ বা কোটের পকেটে, কেহ বা চামড়ার থলিতে, কেহ বা টিনের বাক্সে। কেহ কেহ বা অদৃষ্টগতিকে আমাদের প্রতিবেশীরূপে আমাদের পাড়ায় ট্যাংকের মধ্যেও বদ্ধ হইয়া দিনযাপন করে।

সেদিনকার আলোচনার বিষয়টা এট যে, “আমরা পয়সার সহিত সর্ব্বতোভাবে পৃথক হইতে চাহি, কারণ, উহারা বড়ই হীন।” ছ-আনীরা হুতীক্ৰ উচ্চস্বরে কহিল “এবং উহারা তাম্রবর্ণ ও উহাদের গন্ধ ভাল নহে।” আমার পাশে একটি ছ-আনী ছিল, সে জঁয়ৎ বাকিয়া বসিয়া নাসাগ্র কুঞ্চিত করিল, তাহার পার্শ্ববর্ত্তী চার-আনী আমার দিকে কটমট্ করিয়া তাকাইল, আমি ত একেবারে সঙ্কোচে শিকি পয়সা হইয়া গেলাম। মনে মনে কহিলাম, আমাদেরই ত আটটা ষোলটা হজম করিয়া ভোমাদেশ

আজ এত মূল্য, সে জন্ত কি কিছু কৃতজ্ঞতা নাই ? মাটির নীচে ত উল্লসের সমান পদবী ছিল !

সেদিন প্রস্তাব হইল গৌরমুদ্রা এবং তাম্রমুদ্রার জন্ত স্বতন্ত্র টাঁকশাল স্থাপিত হউক। যদিও এক মহারাণীর ছাপ উল্লসের উপর মারা হইয়াছে, তাই বলিয়া কোনরূপ সাম্য আমরা স্বীকার করিতে চাহি না। আমরা এক ট্যাঁক, এক থলি, এক বাগ্লে বাস করিব না ; এমন কি, শিকি হু-আনৌ ভাড়াইয়া পরসা করা ও পরসা ভাড়াইয়া শিকি হু-আনৌ করা এরূপ অপমানজনক আইনও আমরা পরিবর্তন করিতে চাহি। সাম্যবাদের গৌরব আমরা অস্বীকার করি না, কিন্তু তাহার একটা সীমা আছে। গিনি মোহরের সহিত শিকি হু-আনৌ এক সাম্যসীমার অন্তর্গত, কিন্তু তাই বলিয়া শিকি হু-আনৌর সহিত পরসা !

সকলেই চীৎকার করিয়া বলিয়া উঠিল “কখনই নহে, কখনই নহে !” হু-আনৌর তীব্র কণ্ঠস্বর সর্বোচ্চে শুনা গেল। যে খনিতে আমার আদিম উৎপত্তি সেই খনির মধ্যে প্রবেশ করিবার ইচ্ছায় আমি বসুমতীকে দ্বিধা হইতে অহরোধ করিলাম, বসুমতী সে অহরোধ পালন করিল না—দেয়াল ঘেঁষিয়া রক্তবর্ণ হইয়া দাঁড়াইয়া রহিলাম।

এমন সময় এক ঝকঝকে নূতন আট-আনৌ গড়াইয়া এই শিকি-হু-আনৌর সভার মধ্যে আসিয়া প্রবেশ করিল। সে দেখিলাম সকলকে ছাড়াইয়া উঠিল। সতেজে বক্তৃতা দিতে লাগিল, ঝন্ঝন্ শব্দে চারিদিকে করতালি পড়িল।

কিন্তু আমি ঠাহর করিয়া শুনিলাম, বক্তৃতাটা যেমন হোক আওয়াজটা ঠিক রূপালি ছাঁদের নহে। মনে বড় সন্দেহ হইল। সভা যখন ভঙ্গ হইল, ধীরে ধীরে গড়াইয়া গড়াইয়া বহুসাহসপূর্বক তাহার গায়ের উপর গিয়া পড়িলাম—ঠন্ করিয়া আওয়াজ হইল, সে আওয়াজটা অত্যন্ত দিশি, এবং গন্ধটাও দেখিলাম, আমাদের স্বজাতীয়ের মত। মহা রাগিয়া উঠিয়া সে

কহিল “তুমি কোথাকার অসভ্য হে!” আমি কহিলাম “বংস, তুমিও যেথানকার আমিও সেথানকার!”—হোঁড়াটা আমাদেরই নিয়ন্তন কুট্টর—আধপয়সা। কোথা হইতে পারা মাথিয়া আসিয়াছে।

তাহার রকম-সকম দেখিয়া হা হাঃ শব্দে হাসিয়া উঠিলাম।

হাসির শব্দে জাগিয়া উঠিয়া দেখি, স্ত্রী পাশে শুইয়া কাদিতেছে। তৎক্ষণাৎ তাহার সঙ্গে ভাব করিয়া লইলাম। ঘটনাটা আত্মোপাস্ত বিবৃত করিয়া বলিলাম—বড় ধরা পড়িয়াছে! কিন্তু মনে করিতেছি আমিও কাল হইতে পারা মাথিয়া আপিসে যাইব!

আমার স্ত্রী কহিল, তাহার অপেক্ষা পারা থাইয়া মরা ভাল!

১৩০০

কথামালার নূতন-প্রকাশিত গম্প।

একদা কয়েকজন কাঠুরিয়া এক পার্শ্বত সুরল বৃক্ষের শাখাছেদনে মনোযোগী হইয়াছিল। শ্রম লাঘব করিবার অভিপ্রায়ে বিস্তর পরামর্শ পূর্বক তাহারা এক নূতন কোশল অবলম্বন করিল। যে শাখা ছেদনের আবশ্যক, কয়েকজনে মিলিয়া তাহারই উপর চড়িয়া বসিল এবং নিভূতে বসিয়া সতর্কতার সহিত অস্ত্রচালনা করিতে লাগিল।

যথা সময়ে শাখা ছিন্ন হইয়া পড়িল, এবং কাঠুরিয়া কয়েকটিও তৎসঙ্গে ভূতলে পড়িয়া পঞ্চত্ব প্রাপ্ত হইল।

কাঠুরিয়ার সর্দার এই সংবাদ শ্রবণে অধীর হইয়া সেই তরু সমীপে উপস্থিত হইল এবং কুঠার আশ্ফালন করিয়া কহিল, “তুমি যে অপরাধ করিয়াছ আমি তাহার বিচার করিতে চাহি।”

বনস্পতি সাতিশয় বিস্মিত হইয়া কহিল, “হে জনপূজব! আমার

স্বপ্নের উপর আরোহণ করিয়া আমারই শাখাচ্ছেদন করিয়াছ, এক্ষণে কে কাহার বিচার করিবে ?”

মানব আরক্তলোচনে কহিল, “আমার কয়েকজন কাঠুরীয়া যে অকালে কালগ্রাসে পতিত হইল, তাহার জন্ত কেহই দণ্ড পাইবে না, এ কখনও হইতে পারে না।”

বনস্পতি ভীত হইয়া কম্পিত মর্ম্মর স্বরে কহিল, “প্রভু, তাঁহার অসুখি সহকারে মানব চাতুরী অবলম্বন করিয়া ঘেরূপ কাণ্ড করিয়াছিলেন, আশ্চর্য্য কার্য্যনৈপুণ্য বশতঃ অবিলম্বেই তাহার ফললাভ করিয়াছেন ;—আমি মৃত বৃক্ষ, তাহার প্রতিবিধান করি এমন সাধ্য ছিল না।”

মানব কহিল “কিন্তু তোমারই শাখা ভাঙিয়া পড়িয়াছিল, তাহাতে কোন সন্দেহ নাই।”

বনস্পতি কহিল “সে কথা যথার্থ, কারণ আমান্নই শাখায় তাঁহার কুঠারাঘাত করিয়াছিলেন, এবং প্রকৃতির নিয়ম অনিবার্য্য।”

মানব অসুখি সহকারে কহিল “অতএব তোমাকেই দণ্ড স্বীকার করিতে হইবে। তোমার যাহা কিছু বক্তব্য আছে বলিতে থাক আমি এক্ষণে কুঠারে শাণ দিতে চললাম।”

তাৎপর্য্য।—অনবধান বশতঃ যদি ছঁট খাইয়া থাক, চৌকাঠকে পদাঘাত করিবে। সেই জড় পদার্থের পক্ষে এই একমাত্র সুবিচার।

প্রাচীন দেবতার নূতন বিপদ ।

মোটংয়ে প্রায় সকল দেবতাই একযোগে স্ব স্ব কর্শে রিজাইন্ দিতে উজ্জত হইলেন ।

পিতামহ ব্রহ্মা বৈদিক ভাষায় উদাত্ত অমূল্য এবং স্বরিত সংযোগ-পূরক করিলেন; ভো ভো দেবগণ শৃগুস্ত !

আমার কথা স্বতন্ত্র । আমি ত এই বিশ্ব সৃষ্টি এবং বেদরচনা সমাপ্ত করিয়া সমস্ত কাজকর্ম ছাড়িয়া দিয়া পেন্সন্ লইয়াছি । এমন কি, আমার কাছে আর কোন প্রত্যাশা নাই বলিয়া সকলে আমার পূজা পর্যন্ত বন্ধ করিয়াছে । এবং আমার প্রথম বয়সের বিশ্ব এবং বেদ নামক দুটো রচনা লইয়া লোকে নির্ভয়ে স্ব স্ব ভাষায় অমূল্যবাদ এবং সমালোচনা করিতে আরম্ভ করিয়াছে । কেহ বলে রচনা মন্দ হয় নাই কিন্তু আরও ঢের ভাল হইতে পারিত, কেহ বলে আমাদের হাতে যদি প্রকৃৎ সংশোধনের ভার থাকিত তাহা হইলে ছত্রে ছত্রে এত মুদ্রাকর প্রমাদ থাকিত না । আমি চুপ করিয়া থাকি, মনে মনে তাহাদের সম্বোধন করিয়া বলি, “বাবা, ঐ আমার প্রথম রচনা । তোমরা অবশ্য আমার চেয়ে অনেক পাকা হইয়াছ, কিন্তু তখন যে বিশ্ববিদ্যালয় ছিল না ; একেবারে সমস্তই মন হইতে গড়িতে হইয়াছিল । তৎপূর্বে তোমরা যদি একটু মনোযোগ করিয়া জন্মগ্রহণ করিতে তাহা হইলে সমালোচনা শুনিয়া অনেক জ্ঞানলাভ করিতাম, একটা মস্ত ‘ষ্ট্যাণ্ডার্ড’ পাওয়া যাইত । ছর্ভাগ্যক্রমে তোমরা বড়ই বিলম্বে জন্মিয়াছ । যাহা হউক, যখন দ্বিতীয় সংস্করণ আরম্ভ হইবে তখন তোমাদের কথা স্মরণ রাখিব ।”

আবার কেহ কেহ, রচনা দুটো যে আমার তাহা একেবারে অস্বীকার করে । হয় ত অনায়াসে প্রমাণ করিতে পারিত ওটা তাহাদেরই নিজের,

কিন্তু তাহা হইলে তাহাদের কল্পনাশক্তি ও প্রতিভার ধ্বংস স্বীকার করা হয় বলিয়া ক্ষান্ত আছে । হরি হরি, এই দীর্ঘ জীবনে ঐ দুটো বই আর কোন দুষ্কর্ম করি নাই ইহাতেই এত কথা শুনিতে হইল !

যাহা হউক এত গেল আমার আক্ষেপের কথা । কিন্তু তোমরা কি মনোহুঃখে, মর্ত্যালোকের প্রাতি কি অভিমানে তোমাদের বহুকালের পদ পরিত্যাগ করিতে প্রবৃত্ত হইয়াছ ?

তখন দেবতার কেহ বা বৈদিক, কেহ বা পৌরাণিক ভাষায়, কেহ বা ত্রিষ্টুভ্ কেহ বা অমুষ্টুভ্ ছন্দে, দস্ত্য ন মুর্দ্ধন্ত্ণ, অন্তঃস্থ ব বর্গীয় ব এবং তিন সয়ের উচ্চারণ রক্ষা করিয়া বলিলেন—“ভগবন্, সায়াম্, নামক একটা দানব অত্যন্ত জুলুম আরম্ভ করিয়াছে । ইহার নিকটে বৃত্ত প্রভৃতি প্রাচীন অম্বরদিগকে গণাই করি না !”

বৃদ্ধ পিতামহ মনে মনে হাসিলেন, ভাবিলেন, কোন মতে মানে মানে তাহার হাত হইতে উদ্ধার পাঁহিয়াছ এখন তাহাকে গণ্য না করিলেও চলে, কিন্তু তখন যে নাকালটা হইয়াছিল সে বেশ মনে আছে !—কিন্তু সে কথা আর উত্থাপন না করিয়া গভীরভাবে চারিটি মস্তক নাড়িয়া কহিলেন, “অবশ্য অবশ্য !”

সুরগুরু বৃহস্পতি কহিলেন, আৰ্য্য, শত্রুটাকে তত ডরাই না, কিন্তু মিত্রদের উপদ্রবে অতিষ্ঠ হইয়াছি । এতদিন আমরা ছিলাম মানুষের হৃদয়লোকে বিশ্বাসের স্বর্গধামে ; এখন তাহারা সায়াম্বের সহিত গোপন সন্ধি স্থাপনপূর্বক সেখান হইতে নির্বাসিত করিয়া আমাদিগকে মাথার পুলির এক কোণে অত্যন্ত শুষ্ক সঙ্কীর্ণ জায়গায় একটুখানি স্থান দিতে চায় । সেখানে একফোঁটা বিশ্বাসের অমৃত নাই । বলে, “দেখ, তোমাদের কত গৌরব বাড়িল ! ছিলে অজ্ঞানাক্ষ হৃদয়গহবরে, এখন উঠিলে মস্তকযুতআলিত জ্ঞানালোকিত মস্তকচূড়ায় ! ভাগ্যে আমরা কল্পজনা বুদ্ধিমান ছিলাম, নতুবা স্বর্গে মর্ত্যে কোথাও তোমাদের স্থান হইত না !

আমরা সকলের কাছে প্রমাণ করিয়াছি যে, তোমরা আর কোথাও যদি না থাক, 'নিদেন, আমাদের বৈজ্ঞানিক ব্যাখ্যার মধ্যে আছ—প্রতিবাদ করিয়া সেখান হইতে তোমাদিগকে বিচলিত করে এমন বুদ্ধিমান এখনও কেহ জন্মগ্রহণ করে নাই। বিষ্ণুর মৌন কৃষ্ণ বরাহ প্রভৃতি অবতারগুলিকে আমরা এভোল্যুশন্ থিওরি বলিয়া প্রচার করিয়াছি! দেবতাদের উদ্ধারের জন্ত আমরা এত প্রাণপণ চেষ্টা করিতেছি!"

ভগবন্, যথার্থ আন্তরিক ভক্তি কখনই নিজের দেবতাকে লইয়া একরূপ ছেলে ভুলাইবার চেষ্টা করে না। দেব চতুরানন, এতকাল দেবতা ছিলাম, কেবল মাঝে মাঝে দৈত্যদের উপদ্রবে অর্গছাড়া হইয়াছি, কিন্তু এ পর্য্যন্ত আমাদিগকে কেহ এভোল্যুশন্ থিওরি করিয়া দেয় নাই। প্রভু, তুমি যদি আমাদিগকে সৃষ্টি করিয়া থাক তুমি জান আমরা কি, কিন্তু আজকাল তোমার অপেক্ষা যাহারা কিঞ্চিৎ বেশি শিথিয়াছে তাহাদের হাত হইতে আমাদিগকে রক্ষা কর! বড় আশা দিয়াছিলে তোমার দেবতার। অমর, কিন্তু এইভাবে যদি কিছুদিন চলে, আমাদের মানববন্ধুরা যদি সাংঘাতিক স্নেহভরে আরো কিছুকাল আমাদের ব্যাখ্যা করিতে থাকেন, তবে সে আশা সম্পূর্ণ বার্থ হইবে।

বৃহস্পতির মুখে এই সমস্ত সংবাদ শ্রবণ করিয়া পিতামহ ব্রহ্মা আর উত্তর করিতে পারিলেন না, চারিটি স্তম্ভ মস্তক নত করিয়া চিস্তিত-ভাবে বসিয়া রহিলেন।

তখন দেবতাগণ স্বয়ং পদ সম্বন্ধে পরিবর্তন প্রার্থনা করিলেন। বিজ্ঞ দেবতা প্রজাপতি এবং বালক দেবতা কন্দর্প সুরসভায় দাঁড়াইয়া কহিলেন, সকলেই জানেন, বিবাহ-ডিপার্টমেন্টে বহুকাল আমাদের কিঞ্চিৎ কর্তৃত্ব ছিল; সেজন্ত আমাদের কোনরূপ নিয়মিত নৈবেদ্য অথবা উপরি পাওনা ছিল না বটে, কিন্তু কৌতুক যথেষ্ট ছিল। সম্প্রতি টাকা নামক একটা চক্রমুখো হঠাৎদেবতা টঙ্কশালা হইতে নিষ্ফলক পূর্ণচন্দ্রাকারে আবিভূত

হইয়া একপ্রকার গায়েব জোরে আমাদের সে কাজ কাড়িয়া লইয়াছে । অতএব উক্ত ডিপার্ট্মেন্ট হইতে আমাদের নাম কাটিয়া আজ ইহাতে সেই প্রবলী শক্তি নূতন দেবতার নাম বাহাল হউক !

সর্বসম্মতিক্রমে তাহাই স্থির হইল ।

তখন যম উঠিয়া কহিলেন, এতকাল আমিই নরলোকের সর্বাপেক্ষা ভয়ের কারণ ছিলাম, কিন্তু এখন সেখানে আমা অপেক্ষা ভয় করে এমন সকল প্রাণীর উদ্ভব হইয়াছে । অতএব, পুলিশ দারোগাকে আমার যমদণ্ড ছাড়িয়া দিয়া আমি অগ্ন হইতে কাজে ইস্তফা দিতে চাই ।

অধিকাংশ দেবতার মতে যমরাজের প্রস্তাব নিতান্ত অসঙ্গত না হইলেও ব্যাপারটা গুরুতর বিষয় আগামী মীটিংয়ে চূড়ান্ত নিষ্পত্তির অপেক্ষায় আপাততঃ স্থগিত রহিল ।

কাঙ্ক্ষিক উঠিয়া কহিলেন, গুরুদেবের বক্তৃতার পর আনাকে আর অধিক কিছু বলিতে হইবে না । আমি দেবসেনাপতি । কিন্তু দেবগণকে রক্ষা করা আমার অসাধ্য হইয়া উঠিয়াছে, অতএব, হয় আমার পোষ্ট্-এবলিশ্ করিয়া এষ্টাব্লিশ্‌মেন্ট্ কমানো হোক, নয় কোন সাময়িক পত্রের সম্পাদকের উপর স্বর্গরক্ষাকার্যের ভার দেওয়া হোক । এমন কি, আমার বহুকালের ময়ূরটিও আমি বিনামূল্যে তাঁহাদিগকে ছাড়িয়া দিতে প্রস্তুত আছি । ইহার পেশম ছড়াইলে তাঁহাদের অনেকটা বিজ্ঞাপনের কাজ হইবে !

দেবতাদের সম্মতিক্রমে সেনাপতির পোষ্ট্-এবলিশ্ হইল, এখন হইতে ময়ূরের খোঁরাকী তাঁহার নিজের তহবিল হইতে পড়িবে ।

বরুণ উঠিয়া অশ্রুজল বর্ষণ করিয়া কহিলেন—নরলোকে আমার কি আর কোন আবশ্যক আছে ? খোলাভাঁটিবাহিনী বারুণী আমাকে উচ্ছেদ করিবার সঙ্কল্প করিয়াছে । এই বেলা মানে মানে সময় থাকিতে সরিতে ইচ্ছা করি ।

দেবতাগণ বহুল চিন্তা ও তর্কের পর ষ্ট্যাটিষ্টিক্স দেখিয়া অবশেষে স্থির করিলেন, এখনো সময় হয় নাই। কারণ, এখনো সময়ে সময়ে বাকুলীর প্রার্থন্য নিবারণের জন্য দুর্বল মানব বক্রণের সহায়তা প্রার্থনা করিয়া থাকে।

তখন ধর্ম বলিলেন, লোকাচারকে আমার অধীনস্থ কর্মচারী বলিয়া জানিতাম, কিন্তু সে ত আমার সঙ্গে পরামর্শমাত্র না করিয়া আপন ইচ্ছামত যাহা-তাহা করে, তবে সেই ছোঁড়াটাকেই সিংহাসন ছাড়িয়া দিলাম। বায়ু কহিলেন, পৃথিবীতে এখন উনপঞ্চাশ দিকে উনপঞ্চাশ বায়ু বহিতেছে, চাই কি, এখন আমি অবসর লইতে পারি। আদিত্য কহিলেন, মানবসমাজে বিস্তর খন্তোত উঠিয়াছে, তাহার মনে করিতেছে, স্বর্ঘ্য না হইলেও আমরা একলা কাজ চালাইতে পারি, জগৎ আলোকিত করিবার ভার তাহাদের উপর দিয়া আমি অন্তাচলে বিশ্রাম করিতে ইচ্ছা করি। ভগবান চন্দ্রমা গুরুপ্রতিপদের কৃশমূর্তি ধারণ করিয়া কহিলেন, নরলোকে কবির্য্য তাঁহাদের প্রেমসীর পদনখরকে আমা অপেক্ষা দশগুণ প্রাধান্য দিয়া থাকেন, অতএব, যে পর্য্যন্ত কবিরমণীমহলে পাদুকার সম্পূর্ণ প্রচলন না না হয়, সে পর্য্যন্ত আমি অন্তঃপুরে যাপন করিতে চাই। এমন কি, ভোলানাথ শিব অর্দ্ধনির্মীলিত নেত্রে কহিলেন, আমা অপেক্ষা বেশি গাঁজা টানে পৃথিবীতে এমন লোকের ত অভাব নাই, সেই সমস্ত সংস্কারকদিগের উপর আমার প্রলয়কার্য্যের ভার দিয়া আমি অনান্যাসে নিশ্চিন্ত থাকিতে পারি। এমন কি, আমি নিশ্চয় জানি, আমার ভূত-শুলারও কোন আবশ্যক হইবে না!

সর্বশেষে যখন শুভ্রবসনা অমলকমলাসনা সরস্বতী উঠিয়া বীণানিন্দিত মধুরস্বরে দেবসমাজে তাঁহার নিবেদন আরম্ভ করিলেন, তখন দেবগণ দীর্ঘনিশ্বাস ফেলিলেন এবং মহেশ্বরের সহস্র চক্ষের পল্লব সিক্ত হইয়া উঠিল।

দেবী कहিলেন, অত্যাশ্চর্য নানা কার্যের মধ্যে বালকদিগকে শিক্ষাদানের ভার এতদিন আমার উপর ছিল, কিন্তু সে কার্য আমি কিছুতেই চালাইতে পারিব না। আমি রমণী, আমার মাতৃস্বদয়ে শিশুদিগের প্রতি কিছু দয়ামায়া আছে—তাহাদের পাঠের জন্ত আজকাল যে সকল পুস্তক নির্বাচিত হয়, সে আমি কিছুতেই পড়াইতে পারিব না। আমার হৃদয় বিদীর্ণ হয় এবং তাহাদের ক্ষুদ্র শক্তি ভাঙিয়া পড়ে। এ নির্ভর কার্য একজন বলিষ্ঠ পুরুষের প্রতি অর্পিত হইলেই ভাল হয়। অতএব সুরসভায় আমি সান্নিধ্য প্রার্থনা করি, যমরাজেব প্রতি উক্ত ভার দেওয়া হউক।

সমরাজ তৎক্ষণাৎ উঠিয়া প্রতিবাদ করিলেন, আমার কোন আবশ্যক নাই, কারণ, ইস্কুলের মাষ্টার এবং ইন্স্পেক্টর আছে।

শিশুশিক্ষা বিভাগে যমরাজের বিশেষ নিয়োগ যে বাহুল্য, এ সম্বন্ধে দেবতাদের কোন মতভেদ রহিল না।

বিনিপয়সায় ভোজ ।

আপিসের বেশে অক্ষয় বাবু।

(হাসিতে হাসিতে) আজ আচ্ছা জন্ম কবেছি। বাবু রোজ আমাদের স্বন্ধে বিনামূল্যে বিনামাণ্ডলে ইয়ার্কি দিয়ে বেড়ান আর লম্বা চণ্ডা কথা কন! মশায়, আজ বছর খানেক ধরে' রোজ বলে আজ খাওয়াব কাল খাওয়াব, খাওয়াবার নাম নেই! যতখানি আশা দিয়েছে তার শিকি পরিমাণ যদি আহা'র দিত তা' হ'লে এত দিনে তিনটে রাজস্বয় বজ্র হতে পারত। যা হোক আজ ত বহু কষ্টে একটা নিমন্ত্রণ আদায় করা গেছে। কিন্তু ছুটি ঘণ্টা বসে' আছি এখনো তার দেখা নেই। কাকি দিলে না

ত ? (নেপথ্যে চাহিয়া) ওরে কি তোর নাম, জুতো, না মোধো, না হরে ? ০

চন্দ্রকান্ত ? * আচ্ছা বাপু তাই সই ! তা ভাল চন্দ্রকান্ত, তোমার বাবু কখন আসবে বল দেখি ?

কি বলি ? বাবু হোটেল থেকে খাবার কিনে আনতে গেছেন ? বলিস্ কিরে ? আজ তবে ত রীতিমত খানা ! ক্ষিদেটিও দিব্যি জমে' এসেচে ! মটনচপের হাড়গুলি একেবারে পালিশ করে' হাতির দাঁতের চুষিকাটির মত চক্চকে করে' রেখে দেব। একটা মৃগির কারি অবিষ্টি থাক্বে—কিন্তু কতক্ষণই বা থাক্বে ? আব ছুরকমের ছুটো পুড়িং যদি 'দেয় তা' হলে চেঁচেপুঁচে চীনের বাসনগুলোকে একেবারে কাঁচের আয়না বানিয়ে দেব ! যদি মনে করে' ডজনভুত্তিন অয়ষ্টার প্যাটি তানে তা' হলে ভোজনটি বেশ পরিপাটি রকমের হয় ! আজ সকাল থেকে ডান চোখ নাচছে, বোধ হয় অয়ষ্টার প্যাটি আস্বে ! ওহে ও চন্দ্রকান্ত, তোমার বাবু কখন গেছেন বল দেখি ?

অনেকক্ষণ গেছেন ? তবে আর বিস্তর বিলম্ব নেই। ততক্ষণ একছিলিম তামাক দাও না ! অনেকক্ষণ ধরে' বলচি কিন্তু তোমার কোন গা দেখচিনে !—

তামাক বাইরে নেই ? বাবু বন্ধ করে' রেখে গেছেন ? এমন ত কখন শুনিনি ! এ ত কোম্পানির কাগজ নয় ! কি করা যায় ! আমি একটু-আধটু আফিম খাই তামাক না হলে ত আর বাঁচিনে ! ওহে মোধো, না না চন্দ্রকান্ত, কোন মতে মালিদের কাছ থেকে হোক্ যেখান থেকে হোক্ এক ছিলিম যোগাড় করে' দিতে পার না ?

বাজার থেকে কিনে আনতে হবে ? পরসী চাই ? আচ্ছা বাপু তাই সই ! এই নাও, এক পরসার তামাক চট্ করে' কিনে নিয়ে এস।

এক পরসায় তামাক হ'বে না ? কেন হবে না ? বাপু আমাকে

কি মুচিখোলার নবাব বলে' হঠাৎ তোমার ভ্রম হয়েছে ? ষোলো টাকা ভরির অধুরি তামাক না হলেও আমার কষ্টেস্থটে চলে' যায়—এক পরসাতেই ঢের হবে ।

হঁকো কল্কেও কিনে আনতে হবে ? সেও তোমার বাবু লোহার সিদ্ধকে পুরে রেখে গেছেন না কি ? বাঙাল ব্যাঙ্কে সেফ্ ডিপজিট করে আসেন্নি কেন ? ওরে বাসরে ! এ ত ভাল জায়গায় এসে পড়া গেছে দেখচি ! তা' নাও, এই ছ'টি পরস ট্যামের জন্তে রেখেছিলুম । উদয় ফিরে এলে তার কাছ থেকে সুদসুদ আদায় করে' নিতে হবে !—এই বুঝি বাবুর বাগানবাড়ি, তা' হলে ঐর ভদ্রাসন বাড়ী কি রকম হবে না জানি ! কর্ণাগুলো মাথায় ভেঙে না পড়লে বাঁচি । এই ত একখানি ভাঙা চৌকি আস্বাবের মধ্যে ! এ আমার ভর সহাবে না ! সেই অবধি দাঁড়িয়ে দাঁড়িয়ে ঘুরে ঘুরে পা ব্যথা হয়ে গেল—আর ত পারিনে—এই মাটিতেই বসা বাক্ !

(কৌচা দিয়া ধূলা ঝাড়িয়া একটা খবরের কাগজ নাটিতে পাতিয়া উপবেশন ও গুন্ গুন্ স্বরে গান)

যদি জোটে রোজ

এম্নি বিনি পয়সায় ভোজ !

ডিশেব পরে ডিশ্

(শুধু) মটন্ কারি ফিশ্,

সঙ্গে তারি হইকি সোডা ছচার রয়াল ভোজ !

পরের তহবীল্

চোকাই উইল্‌সনের বিল্ ;

থাকি মনের স্রুথে হস্তমুখে কে কার রাখে খোঁজ !—

কইরে ! তামাক এল ? ও কিরে ! শুধু কলকে ? হঁকো কই ?

এখানে ছ পরসায় হঁকো পাওয়া যায় না ? কল্কেটার দাম ছ আনা !

হা ছাধ বাপু চন্দ্রকান্ত, বাইরে থেকে আমাকে দেখে যতটা বোকা মনে হয় আমি ততটা নই ! শরীরটা যেমন মোটা বুদ্ধিটা তার চেয়ে ক্লিষ্ণ হুন্দ ! তোমার বাবু যে, হুঁকোটা কল্কেটা তামাকটা পর্যন্ত আয়ত্ত-চেষ্টে তুলে রেখে দেন এতক্ষণে তার কারণ বোঝা গেল। কেবল তোমার মত রত্নটিকে বাইরে রাখাই তাঁর ভুল হয়েছে। বোধ হয় বেশি দিন বাইরে থাকতেও হবে না ! কোম্পানি বাহাদুর একবার খবরটি পেলেই পাহারা বসিয়ে খুব হেপাজতের সঙ্গেই তোমাকে রাখবেন ! যা হোক তামাক না খেয়ে ত আর বাঁচিনে ! (কলিকায় মুখ দিয়া তামাক টানিয়া কাশিতে কাশিতে) ওরে বাবা, এ কোথাকার তামাক ! এ যে উইল করে' টানতে হয় ! এর দু'টান টানলে স্বয়ং বাবা ভোলানাথের মাথার চাঁদি ফট করে' ফেটে যায়, নন্দীভূঙ্গীর ভীষ্মি লাগে ! কাজ নেই বাপু, থাক ! বাবু আগে আসুন ! কিন্তু বাবু আসবার জন্তে ত কোন রকম তাড়া দেখচিনে ! সে বোধ হয় প্যাটিগুলো একটি একটি করে' শেষ করচে ! এ দিকে আমার পেট এমন জলে উঠেছে যে, মনে হচ্ছে যেন এখনি কৌচায় আগুন ধরে' যাবে ! তরগাও পেয়েছে। কিন্তু জল চাইলেই আমাদের চন্দ্রকান্ত বলে' বসবেন গেলান্ কিনে আনতে হবে, বাবু বন্ধ করে' রেখে গেছেন। কাজ নেই, বাগানের ডাব খাওয়া যাক্ !

ওহে বাপু চন্দ্র, একটি কাজ করতে পার ? বাগান থেকে চট করে' একটি ডাব পেড়ে আনতে পার ? বড় তেষ্ঠা পেয়েচে !—

কেন ? ডাব পাওয়া যাবে না কেন ? বাগানে ত ডাব বিস্তর দেখে এলুম ?

সব গাছ জমা দেওয়া হয়েছে ? তা হোক না বাপু, একটি ডাবও মিলবে না ? .

পয়সা চাই ? পয়সা ত আর নেই ! তবে থাক, বাবু আসুন তার

পরে দেখা যাবে !—সঙ্গে মাইনের টাকা আছে কিন্তু ওকে ভাঙাতে দিতে সাহস হয় না । এখনো কোম্পানির মুল্লকে যে, এত বড় একটি ডাকাত বাইরে ছাড়া আছে তা' আমি জানতুম না !—যাই হোক এখন উদয় এলে যে বাঁচি !

ঐ বুঝি আসছে ! পায়ের শব্দ শুনছি । আঃ বাঁচা গেল । ওহে উদয়, ওহে উদয় ! কই, না ত । তুমি কে হে ?—

বাবু তোমাকে পাঠিয়ে দিলেন ? তার চেয়ে নিজে এলেই ত ভাল করতেন ! ক্ষিদেয় যে মারা গেলুম !

হোটেলের বাবু ? কেরানী বাবু ? কই, তাঁর সঙ্গে আমার ত কোন আত্মীয়তা নেই । কিছু খাবার পাঠিয়েচেন বলতে পার ? অয়ষ্টার প্যাটি ?

পাঠানু নি ? বিল পাঠিয়েচেন ? কৃতার্থ করেচেন আর কি ? যে বাবুটির নামে বিলু তিনি এখানে উপস্থিত নেই !

আরে না রে না ! আমি না ! এও ত ভাল বিপদে পড়লুম !—আরে মাইরি না ! কি গেরো ! তোমাকে ঠকিয়ে আমার লাভ কি বাপু ? আমি নিমন্ত্রণ খেতে এসে তিন ঘণ্টা এখানে বসে' আছি—তুমি হোটেল থেকে আস্চ, তবু তোমাকে দেখেও অনেকটা তৃপ্তি হচ্ছে ! বোধ হয় তোমার ঐ চাদরখানা সিদ্ধ করলে ওর থেকে নিদেন—ভয় নেই, আমি তোমার চাদর নেব না, কিন্তু বিলুটিও চাইনে !

এ ত ভাল মুষ্কিল দেখ্‌চ্‌চি ! ওগো না গো না ! আমি উদয় বাবু নই, আমি অক্ষয় বাবু ! কি গেরো ! আমার নাম আমি জানিনে তুমি জানো ! অত গোলে কাজ কি বাপু, তুমি নীচে গিয়ে একটু বোসো উদয় বাবু এখনি আসবেন ।

বিধাতা সকাল বেলায় এই জন্তেই কি ডান চোখ নাচিয়েছিলে ? হোটেল থেকে ডিনার না এসে বিল এসে উপস্থিত ?

“সখি, কি মোর করম ভেল !

পিরাস লাগিয়া জলদ সেবিয়া, বজর পড়িয়া গেল !”

হে বিধি, তোমারই বিচারে সমুদ্রমহানে একজন পেলে স্নান আর একজন পেলে বিষ, হোটেলমহানেও কি একজন পাবে মজা আর একজন পাবে তার বিল ! বিলটাও ত কমদিনের নয় দেখ্‌চি !

তুমি আবাব কে হে ? বাব পাঠিয়ে দিলে ? বাব যথেষ্ট অনুগ্রহ ! কিন্তু তিনি কি মনে করেছেন তোমার মুখখানি দেখেই আমার ক্ষুধাহুতা দূর হবে ? তোমার বাব ত বড় ভদ্রলোক দেখ্‌চি হে ?

কি বল্লে ? কাপড়ের দাম ? কার কাপড়ের দাম ?

উদয় বাব কাপড় কিনবেন আর অক্ষয়বাব তার দাম দেবে ! তোমারও ত বিবেচনাশক্তি বেশ দেখ্‌চি !

সত্যি না কি ? কিসে ঠাওবালে আমারই নাম উদয় বাব ? কপালে কি সাইনবোর্ড টাঙিয়ে বেখেচি ? আমার অক্ষয় বাব নানটা কি তোমার পছন্দ হল না ?

নাম বদলোছ ? আচ্ছা বাবু শরীরটি ত বদলানো সহজ ব্যাপার নয় ? উদয় বাবু সঙ্গে কোন্‌খানটা মেলে বল দেখি ?

উদয় বাবু'ক কখনো চাক্ষুষ দেখনি ?—আচ্ছা একটু সবার কর তোমার মনের আক্ষেপ নিটিয়ে দেব। বিস্তর দেরি হবে না, তিনি এলেন বলে !

আরে মোলো ! আবাব কে আসে ? মশায়ের কোথেকে আসা হল ? মশায়েরও এখানে নিমন্ত্রণ আছে বুঝি ?

বাড়িভাড়া ? কোন্‌ বাড়ির ভাড়া মশায় ? এই বাড়ির ? ভাড়াটা কত হিসেবে ?

মাসে সতেরো টাকা ? তা হলে হিসেব করুন দেখি সাড়ে তিন ঘণ্টায় কত ভাড়া হয় ?

ঠাটা করচিনে মশায়—মনের সে রকম প্রফুল্ল অবস্থা নয় ! এ বাড়িতে নিমন্ত্রিত হয়ে আমি সাড়ে তিন ঘণ্টা কাল আছি। সে জন্তেও যদি ভাড়া দিতে হয় ত ত্রায্য হিসেব করে' নিন্ ! তামাকটা পর্য্যন্ত পরসা দিয়ে থেয়েছি !

আজ্ঞে না, আপনি ঠিকটি অনুমান করতে পারেন নি—আপনার জীবৎ ভুল হয়েছে—আমার নাম উদয় নয়, অক্ষয় ! এ রকম সামান্য ভুলে অল্প সময় বড় একটা কিছু আসে যায় না কিন্তু বাড়ি ভাড়া আদায়ের সময় বাপ মায়ে যার যে নাম দিয়েচেন সেইটে বাঁচিয়ে কাজ করলেই সুবিধে হয় !

আমাকে বাড়ি থেকে বেরিয়ে যেতে বলচেন ? মাপ করবেন, ঐটি পারব না ! সাড়ে তিন ঘণ্টা পরে' পেটের জ্বালায় মরচি, ঠিক যেই খাবারটি আসবাব সময় হল অর্মান আপনি গাল দিচ্ছেন বলেই যে বাড়ি ছেড়ে চলে যাব আমাকে তেমন গান্ধ ঠাওবাবেন না ! আপনি ঐখানেই বসুন, যা যা বলবার অভিপ্রায় আছে বলে যান্, আমি আহাঃক্ষে বাড়ি ছেড়ে যাব !

বকে বকে আমার গলা শুকিয়ে এল, আর ত বাঁচিনে ! ক্ষিধের নাড়িগুলো বেবাক্ হজম হয়ে গেল ! ঐ যে পায়ের শব্দ ! ওহে উদয়, আমার অন্ধের নড়ি, আমার সাগবর্সে'চা সাত রাজার ধন মাণিক, একবার উদয় হও হে ! আর ত প্রাণ বাঁচে না !

তুসি আবার কে হে ? যদি গালমন্দ দেবার থাকে ত ঐখানে বসে আরম্ভ করে দাও ! দোহাব্'কি করবার অনেকগুলি লোক উপস্থিত আছেন !

হরি বাবু আমাকে ডেকে পাঠিয়েচেন ? শুনে বড় সন্তোষ লাভ করলুম ! তিনি আমাকে খুব ভালবাসেন সন্দেহ নেই কিন্তু আমার পরম-বন্ধু যারা আমাকে নিমন্ত্রণ করে' পাঠিয়েছেন তাঁদের কোন দেখা সাক্ষাৎ

নেই আর যাদের সঙ্গে আমার কোন কালে কোন পরিচয় নেই, তাঁরা যে আজ প্রাতঃকাল থেকে আমাকে এত ঘন ঘন খাতির করছেন এর কারণ কি? আচ্ছা মশায় হরি বাবু নামক কোন একটি ভদ্রলোক আমাকে কেন এমন অসময়ে স্মরণ করলেন, এবং হঠাৎ এতই অধৈর্য্য হয়ে উঠলেন বলতে পারেন কি?

কি! আমি আমার জীবী বালা গড়াবার জন্তে তাঁর কাছ থেকে নমুনারূপ গহনা এনে ফিরিয়ে দিচ্চিনে?—দেখ, এ সম্বন্ধে আমার অনেকগুলি কথা বলবার ছিল কিন্তু আপাততঃ একটি বল্লই যথেষ্ট হবে— আমি কারো কাছে থেকে কোন গহনা আনি নি এবং আমার জীবীই নেই। প্রধান প্রধান কথা আর যা' বলবার ছিল সে আজকের মত মাপ করবেন—গলা শুকিয়ে তৃষ্ণায় ছাতি ফেটে মরচি! আপনি আর আধ ঘণ্টা কাল অপেক্ষা করুন সমস্ত সনাতার অবগত হবেন! (উচ্চৈঃস্বরে) ওরে উদয়, ওরে উদো, ওবে লক্ষ্মীছাড়া হতভাগা পাজি ছুঁচো ডাম গুয়ার ইষ্টুপিড—ওবে পেট যে জ্বলে গেল, গলা যে শুকিয়ে যায়, মাথা যে ফেটে যাচ্ছে—ওরে নরাদম, কুলাঙ্গার!

আরে না মশায়—আপনাদের সম্ভাষণ করচিনে! আপনারা হঠাৎ চঞ্চল হবেন না। আমি পেটের জ্বালায় মনের খেদে আমার প্রাণের বন্ধুকে ডাক্চি। আপনারা বসুন!

আর বসতে পারচেন না? অনেক দেরি হয়ে গেছে? সে কথা আর আমাকে বলতে হবে না! দেরি হয়েছে সন্দেহ নেই! তা' হলে আপনাদের আর পীড়াপীড়ি করে ধরে' রাখতে চাইনে! তবে আজকের মত আপনারা আসুন! আপনাদের সঙ্গে মিষ্টালাপে এতক্ষণ সময়টা বেশ সুখে কেটেছিল!

কিন্তু এখন যে কথাগুলো বলছেন ওগুলো কিছু অধিক পরিমাণেই বলছেন! খুব পরম বন্ধুকেও মাহুষ ভালবেসে শালক সম্ভাষণ কর্তে হঠাৎ

কুণ্ঠিত হয়, কিন্তু আপনাদের সঙ্গে অতি অল্পক্ষণের আলাপেই যে আপনারা এতটা বেশি ঘনিষ্ঠতা আত্মীয়তা করছেন সে জ্ঞাত্রে আমি মনে মনে কিছু লজ্জাবোধ করচি ! জানবেন আপনাদের প্রতি আমার আন্তরিক কৌল রকম অসন্তোষ নেই কিন্তু আপনারা আমার কাছে যতটা প্রত্যাশা করছেন আমি ততটা দিতে একেবারে অক্ষম !

মশায়রা আর বাড়াবাড়ি করবেন না । আপনারা বোধ হয় ছুবেলা নিয়মিত আহাৰ করে' থাকেন, ক্ষিদে পেলে মানুষের মেজাজটা কি রকম হয় ঠিক জানেন না, তাই আমাকে এমন অবস্থায় ঘেঁটাতে সাহস করছেন !

আবার ! ফের ! দেখ বাপু, আমার সঙ্গে পারবে না ! শরীরটা দেখেই বুঝতে পারচ না ! বহু কষ্টে রাগ চেপে আছি পাছে একটা খুনোখুনি কাণ্ড করে' বসি ! আচ্ছা, আমাকে রাগাও দেখি ! দেখি তোমাদের কত ক্ষমতা ! কিছুতেই রাগাতে পারবে না ! এই দেখ আমি খুব গম্ভীর হয়ে ঠাণ্ডা হয়ে বস্লাম । ও বাবা ! এরা যে সবাই মিলে মারধোর করবার জোগাড় কবে ! খালিপেটে ক্ষিদের উপর মারটা সয় না দেখচি ! আচ্ছা বাপু, তোমরা সবাই বোস ! তোমাদের কার কত পাওনা আছে বল । ভাগিয়া মাইনের টাকাটা পকেটে ছিল নইলে আজ নিতান্তই ধনঞ্জয়কে স্মরণ করে' একপেট ক্ষিদে স্নান দৌড় মারতে হত ! আপাততঃ প্রাণটা বাঁচাই তার পর টাকাটা উদয়ের কাছ থেকে আদায় করে' নিলেই হবে !

তোমার পাঁচ টাকা বই পাওনা নয় কিন্তু তুমি পঞ্চান্ন টাকার গাল পেড়ে নিয়েচ বাপু - এই লও তোমার টাকা !

ওহে বাপু, তোমার হোটেলের বিল এই গুণে দিচ্ছি, যদি কখনো অসময়ে তোমাদের শরণাগত হতে হয় তা' হলে স্মরণ রেখো !

তোমার তিনমাসের বাড়িভাড়া পাওনা ? একমাসের টাকাটা আজ

দ্বিচ্ছি বাকি পরে নিয়ে। তুমি ত ভাই তোমার গালমন্দ আমাকে মৌল আঁনাই চুকিয়ে দিয়েচ, তাতে বোধ করি তোমার মনটা কতকটা খোঁলসা হয়েছে এখন আশীর্বাদ কবে' বাড়ি চলে যাও !

ওহে বাপু, তোমার গহনা ফিরিয়ে দেওয়া সহজ নয়। যদি আমার জী থাকতেন আর তোমার গহনা তাঁকে দিতুম তা' হলেও ফিরিয়ে আনা শক্ত হত; আব যখন তিনি বর্তমান নেই এবং তোমার গহনা তাঁকে দিইনি তখন ফিরিয়ে আনা আরো কত কঠিন তা' একটুখানি ভেবে দেখলে তুমিও হয় ত বুঝতে পারবে। তবু যদি পাড়াপীড়ি কর তা' হলে কাজেই তোমার হরিবানব ওখানে আমাকে যেতে হবে, কিন্তু খাবারটা আসে কি না আব একটু না দেখে যেতে পারচিনে!—উঃ! আর ত পারবিনে! চন্দ্র, ওহে চন্দ্র! এখানে উদয়েন ত কোন সম্পর্ক নেই, এখন তুমি সুদূর অন্ত গেলো আমি যে অন্ধকার দেখি! চন্দ্র! ওহে চন্দ্রকান্ত! এই যে এসেছ! চন্দ্র, তুমি ত তোমার বাবুকে চেন, সত্য করে' বল দেখি আজ কাল এবং পরশুবার মধ্যে তিনি কি হোটেল থেকে ফিববেন?

বোধ হয় ফিববেন না? এতক্ষণ পরে তোমার এই কথাটি আমার সম্পূর্ণ বিশ্বাস হচ্ছে। যা' হোক বড্ড ক্ষিপে পেয়েচে এখন আর গাল দেবার সময় নেই, এই আধুলিটি নিয়ে যদি চট করে' কিছু খাবার কিনে আন তা' হলে প্রাণ রক্ষে হয়।

লোকটা নবাবী কবে' বেড়ায় অথচ কাজকর্ম কিছু নেই, আমরা ভাবতুম চালায় কি কবে! এখন ব্যাপারটা বুঝতে পারচি! কিন্তু প্রত্যাহ এতগুলি গাল হজম করে', এতগুলি বিল্ ঠেকিয়ে, এতগুলো লোক খেদিয়ে রাখা ত কম কাণ্ড নয়! এতে মজুরি পোষায় না, এর চেয়ে খানি ঠেলেও সুখ আছে!

কি হে! শুধু মুড়ি নিয়ে এলে? আর কিছু পাওয়া গেল না? পয়সা কিছু ফিরেচে?

না ? আচ্ছা, তবে দাও মুড়িই দাও ! (আহার)

ওহে চন্দ্র, কি বল্‌ব, ক্ষুধার চোটে এই বাসি মুড়ি যেন স্ন্যাস বলে' বোধ হচ্ছে ! অনেক নিমন্ত্রণ খেয়েচি কিন্তু এমন স্ন্যাস পাইনি ! চন্দ্র ! তুমিই স্ন্যাসের বটে কিন্তু আজকে কলঙ্কের ভাগটাই কিছু বেশি দেখা গেল ! ডাবও একটা এনেচ দেখ'চি, এর জন্তেও স্বতন্ত্র কিছু দিতে হবে না কি ?

হবে না ? শরীরে দয়ানামা কিছু আছে বোধ হচ্ছে, এখন যদি একটি গাড়ি ডেকে দাও ত আস্তে আস্তে বিদায় হই !

গাড়ি এখানে পাওয়া যায় না ? তবে ত বড় বিপদে ফেল্‌বে ? আমি এখন না খেয়ে কাহিল শরীরে দেড়কোশ রাস্তা হাঁটতে পারবো না ; যখন সম্মুখে আহারের আশা ছিল তখন পেরেছিলুম। কি করব ! বেরিয়ে পড়া যাক্‌ ।

কি সৰ্কিনাশ ! এই সময়ে আবার হরিবাবুর ওখানে যেতে হবে ! চন্দ্র, তুমি আজ আমার বিস্তর উপকার করেচ এখন আর কিছু করতে হবে না, এই ভদ্রলোকের ছেলোটকে বুঝিয়ে দাও আমি উদয়বাবু নই, আমি আহিরিটোলার অক্ষয়বাবু ।

ও তোমার কথা বিশ্বাস করবে না ? সে জন্তে ওকে আমি বেশি দোষ দিতে পারিনে, বোধ হয় তোমাকে ও অনেক দিন থেকে চেনে ! যা' হোক আর ঝগড়া করবার সামর্থ্য নেই, আস্তে আস্তে হরিবাবুর ওখানেই যাওয়া যাক্‌ । বাপু, যে রকম অবস্থা দেখ'চ পথে যদি একটা কিছু ঘটে দাছ করবার ব্যয়টা তোমার ঋক্‌ পড়বে—আগে থাক্‌তে বলে' রাখ'লুম ।

চন্দ্র, তুমি আবার হাত বাড়াত কেন হে ? তোমাদের কল্যাণে যে রকম সস্তায় আজ নৈমন্ত্র্য খেয়ে গেলুম বহুকাল আমার আর ক্ষিদে থাক্‌বে না ! আরও কি চাও ?

ও ! বক্ষিষ্ ! সেটা ঝুকিয়ে দেওয়াই ভাল ! যখন এতই করলুম

তখন সর্বশেষে ঐ খুঁটুকু আর রাখব না। কিন্তু আমার কাছে আর একটিমাত্র টাকা বাকি আছে। তার মধ্যে বারো আনা আমি গাড়ি ভাড়ার জন্তে রেখে দিতে চাই। তোমার কাছে খুঁটুরো যদি কিছু থাকে তা' হলে ভাঙিয়ে—

খুঁটুরো নেই? (পকেট উল্টাইয়া শেষ টাকাটি দিয়া) তবে এই লও বাপু! তোমাদের বাড়ি থেকে বেরলুম একেবারে “গজভূক্ত কপিথবৎ!”

কিন্তু এই যে টাকাগুলি দিলুম উদয়ের কাছ থেকে ফিরে আদায় করবার কি উপায় করা যায়? একটা দামি জিনিষ যদি কিছু পাওয়া যায় ত আটক করে রাখি! দামী জিনিষের মধ্যে ত দেখুচি ঐ চন্দ্রকান্ত! কিন্তু যে রকম দেখলুম গুঁকে সংগ্রহ করা আমার কৰ্ম নয়, আমাকে উনি ট্যাকে গুঁজে নিতে পারেন।

(কোণে একটা দেবরাজ সবলে খুলিয়া) বাঃ, এই ত ঠিক হয়েছে! চেনটিও দিবি! তা' হলে বড়িসুদ্ধ এইটি দখল করা যাক!

কি হে চন্দ্র, এত ব্যস্ত কেন?

পুলিশ? পুলিশ আসচে?

আমাকে পালাতে হবে? কেন, কি হুমকি করেচি? কেবল এক ভদ্রলোকের নিমন্ত্রণ রক্ষা করতে এসেচি, তার যা' শাস্তি যথেষ্ট হয়েছে!

তাই ত সত্যিই দেখুচি! চন্দ্র কোথায় গেল? হরিবাবুর সেই লোকটিকেও যে দেখুচিনে! সবাই পালিয়েচে।

দেখ বাপু গায়ে হাত দিয়ো না! ভাল হবে না! আমি ভদ্রলোক! চোর নই জালিয়াৎ নই।

উঃ কর কি! লাগে যে! বাবা আজ সমস্ত দিন কেবল মুড়ি খেয়ে গথ চেয়ে আছি, আজ তোমাদের এ সব ঠাট্টা আমার ভাল লাগচে না।

পেয়ারা বাবা, বরঞ্চ কিছু জলপানী নাও! (পকেটে হাত দিয়ে) হায় হায় একটি পরসো নেই! দারোগা সাহেব, যদি চোর ধরতে চাও, চল

আমি তোমাকে দেখিয়ে দিচ্ছি ! জেল স্রষ্টা হয়ে পর্য্যন্ত এত বড় চোর পৃথিবীতে দেখা দেয় নি ।

কি করেচি বল দেখি ? জীবনবাবুর নাম সই করে হামিলটনের দোকান থেকে ঘড়ি এনেচি ? পেয়াদা সাহেব, ভদ্রলোক হয়ে ভদ্রলোকের নামে ফস্ করে' এত বড় অপবাদটা দিলে ?

ওকি ও ! ওটা ধরে' টেনো না ! ও আমার ঘড়ি নয় ! শেষ কালে যদি চেনমেন্ ছিঁড়ে যায় তা' হলে আবার মুষ্কিলে পড়তে হবে ।

কি ! এই সেই হামিলটনের ঘড়ি ? ও বাবা ! সত্যি নাকি ! তা' নিয়ে যাও নিয়ে যাও এখন নিয়ে যাও ! কিন্তু ঘড়ির সঙ্গে আমাকে স্কন্ধ টান কেন ? আমি ত সোনার চেন নই ! আমি সোনার অক্ষয় বটে, কিন্তু সেও কেবল বাপ মায়ের কাছে ।

তা' নিতান্তই যদি না ছাড়তে পার ত চল । বাবা, আমাকে সবাই ভালবাসে, আজ তার বিস্তর পরিচয় পেয়েচি, এখন তোমার ম্যাজিষ্ট্রেটের ভালবাসা কোন মতে এড়াতে পারলে এ যাত্রা রক্ষে পাই ।

যদি জোটে রোজ

এমনি বিনি পয়সায় ভোজ !

নূতন অবতার ।

প্রথম অঙ্ক ।

নন্দকৃষ্ণ মুখোপাধ্যায় ।

(স্বগত) তুমি রুদ্দুর বক্শি ব্রাহ্মণের ব্রহ্মোত্তর পুষ্করিণীটি কেড়ে নিয়ে খিড়কির পুকুর করেছ ! আচ্ছা দেখা বাবে তুমি ভোগ কর কেমন করে ! ঐ পুকুরে হুবেলা ছত্রিশ জাতকে স্নান • করার তবে আমি ব্রাহ্মণের

ছেলে ! (সমাগত প্রতিবেশীবর্গের প্রতি) তা, তোমরা ত সব শুনেছ দেখছি ! সে স্বপ্নের কথা মনে হলে এখনো গা শিউরে ওঠে । ভাই, উল্লুরি উপরি তিন রাত্রির স্বপ্ন দেখলুম—মা গঙ্গা মকরের উপর চড়ে আমার শিরের কাছে এসে বসেন, ওরে বেটা নন্দ, তোর কুবুদ্ধি ধরেছিল তাই তুই রুদ্র বক্শির সঙ্গে পুষ্করিণী নিয়ে মামলা করতে গিয়েছিলি ! রুদ্র বক্শি কে তা জানিস্ ? সত্য যুগে যে ছিল ভগীরথ সেই আজ বক্শির ঘরে আবির্ভাব কবেছে । হুগ্গি, পুলের উপর দিয়ে যে দিন থেকে গাড়ি চলেছে সেই দিন থেকে আমিও তোদের ঐ পুষ্করিণীতে এসে অধিষ্ঠান হয়েছি ।—তখন আমাব মনে হল, ওরে বাপ্পে ! কি কাণ্ডই করেছি ! যিনি স্বয়ং কলিযুগের ভগীরথ তাঁরই সঙ্গে কি না গঙ্গার দখল নিয়ে আদালতে মকদ্দমা ! এমন পাপও করে ! এখন বুঝতে পারছি মকদ্দমায় কেন হার হল এবং তোমরা পাড়ার সকলেই বা আদালতে হালফ্ নিয়ে কেন পরিষ্কার মিথ্যা সাক্ষী দিয়ে এলে ! এ সমস্তই দেবতার কাণ্ড ! তোমাদের মুখ দিয়ে অনর্গল মিথ্যা কথা একেবারে যেন গোমুখী থেকে গঙ্গাস্রোতের মত বেবতে লাগল—আমি নিতান্ত মুচমতি পাপিষ্ঠ বলে প্রকৃত তত্ত্ব তখনও বুঝতে পারলুম না—মায়াতে অন্ধ হয়ে রহলুম এবং টাকাগুলো কেবল উকীলে লুটে থেলে ! (অশ্রুবিসর্জন । এবং ভক্তিবিশ্বল নরনারীগণের হরিশ্বমি সহকারে কলিযুগের ভগীরথ দর্শনে গমন ।)

দ্বিতীয় অঙ্ক ।

রুদ্রনারায়ণ বক্শী ।

(স্বগত) তাই বটে !—ছেলেবেলা থেকে বরাবর স্বকারণে কেমন আমার একটা ধারণা ছিল, যে, আমি বড় কম লোক নই । এত দিনে তার কারণটা বোঝা বাচ্ছে । ‘ আর এও দেখেছি ব্রাহ্মণের ঐ পুষ্করিণীটির

প্রতি আমার অনেক দিন থেকে লোভ পড়েছিল—থেকে থেকে আমার কেবলই মনে হত ও পুকুরটা কোনমতে ঘিরে না নিতে পারলে মেরে-ছেলেদের ভারি অসুবিধে হচ্ছে ! একেবারে সাক্ষর মনেই ছিল না, যে, আমি ভগীরথ, আর মা গঙ্গা এখনো আমাকে ভুলতে পারেন নি ! উঃ, সে জন্মে যে তপিস্বেটা করেছিলুম এ জন্মেকার মিথ্যে মকদ্দমা শুলো তার কাছে লাগে কোথায় !

(ভক্তমণ্ডলীর প্রতি ঈষৎ সহাস্তে) তা কি আর আমি জানুতেম না ? কিন্তু তোমাদের কাছে কিছু ফাঁস করি নি—কি জানি পাছে বিশ্বাস না কব । কলিকালে দেবতা ব্রাহ্মণের প্রতি ত কারো ভক্তি নেই । তা ভয় নেই, আমি তোমাদের সব অপরাধ মাপ করলুম ।—কে গো তুমি ? পায়ের ধূলো ? তা এই নাও ! (পদ প্রসারণ) তুমি কি চাপুসা ? পদোদক ? এস, এস ! নিয়ে এস তোমার বাটি—এই নাও—থেকে ফেল ! ভোরবেলা থেকে পদোদক দিতে দিতে আমার সর্দি হয়ে মাথা ভার হয়ে এল ।—বাছা, তোমরা সব এস কিছু ভয় নেই ! এতদিন আমাকে চিনতে পার নি সে ত আর তোমাদের দোষ নয় ! আমি মনে করেছিলুম কপাটা তোমাদের কাছে প্রকাশ করব না ; যেমন চলচে এমনিই চলবে—তোমরা আমাকে তোমাদের মাধব বক্শির ছেলে রুদ্দুর বক্শি বলেই জানবে ! (ঈষৎ হাস্ত) কিন্তু মা গঙ্গা যখন স্বয়ং ফাঁস করে' দিলেন তখন আর হুকোতে পারলুম না । কথাটা সর্বত্রই রাষ্ট্র হয়ে গেছে ! ও আর কিছুতে ঢাকা রইল না । এই দেখ না হিন্দু প্রকাশে কি লিখেছে । ওরে তিনকড়ি, চট্ করে' সেই কাগজখানা নিয়ে আয়ত ! এই দেখ—“কলি-বুগের ভগীরথ এবং ফজুগঞ্জের ভাগীরথী”—লোকটার রচনাশক্তি দিবা আছে । আর সেই পশুদিনকার বঙ্গতোষিনীখানা আন দেখি তাতেও বড় বড় দুখানা চিঠি বেরিয়েছে । কি ! খুঁজে পাচ্চিস্ নে ? হারিয়েছিস্ বুঝি ? হারায় যদি ত তোমার দুখানা হাঁড় আস্ত রাখব না তা

জানিস্! সে দিন যে তোর হাতে দিয়ে বলে' দিলুম আলমারীর ভিতর তুলে রেখে দিস্! পাজি বেটা নচ্ছার বেটা! হারামজাদা বেটা! কোথায় আমার কাগজ হারালি, বের করে' দে! 'দে বের করে'! বেখান থেকে পাস্ নিয়ে আয় নইলে তোকে পুঁতে ফেলব বেটা!—ওঃ, তাই বটে, আমার ক্যাশ্বাক্সের ভিতরে তুলে রেখেছিলুম। ওহে হরিভূষণ, পড়ে' শুনিরে দাও ত, আমার আবার বাংলা পড়াটা ভাল অভ্যাস নেই।—কে গা? মতি গয়লানী বুঝি? তা এস এস—আমি পায়ের ধুলো দিচ্ছি—হুধের দাম নিতে এসেছ?—এখনো শোন নি বুঝি? নন্দ মুখ্যবোকে মা গঙ্গা কি স্বপন দিয়েচেন সে সব খবর রাখ না! বেটি, তুই আমার পুকুরের জল হুধের সঙ্গে মিশিয়ে আমাকে বিক্রি করোছস্—সে জলের মাহাত্ম্য জানিস্? কেমন? সবার কাছে কথাটা গুলি ত? এখন হিসেবটা রেখে পায়ের ধুলো নিয়ে আমার খিড়কির ঘাটে চট্ করে' একটা ডুব দিয়ে আয়গে যা!—

এই এখান যাচ্ছি। বেলা হয়েছে সে কি আর জানিনে? ভাত ঠাণ্ডা হয়ে গেল? তা কি কর্ব বল? লোক জন সব অনেক দূর থেকে একটু পায়ের ধুলোর প্রত্যাশায় এসেছে এরা কি সব নিরাশ হয়ে যাবে? আচ্ছা উঠি। ওরে তিনকড়ে, তুই এখানে হাজির থাকিস্—যারা আমাকে দেখতে আসবে সব বসিয়ে রাখিস্ আমি এলুম বলে'। খবরদার দেখিস্ যেন কেউ দর্শন না পেয়ে ফিরে না যায়! বলিস্ ভগীরথ ঠাকুরের ভোগ হচ্ছে। বুঝলি? আমি দুটো ভাত মুখে দিয়েই এলুম বলে'।

রেখো, তুই যে একেবারে সীধে খাড়া হয়ে দাঁড়িয়ে রইলি? তোর কি মাথা নোয় না নাকি? তোর ত ভারি অহঙ্কার দেখুচি! বেটা তোর ভক্তির লেশমাত্র নেই! পাজি বেটা তোকে জুতো মেরে বিদায় করে' দেব তা জানিস্! সবাই আমাকে ভক্তি করচে আর তুই বেটা এত বড়

খুঁটান্ হয়েছিল যে, আমাকে দেখে প্রণাম করিস্ নে ! তোর পরকালের ভয় নেই ? বেরো আমার বাড়ি থেকে !

ছি বাবা উমেশ, তোমার এত বয়স হল, তবু কার সঙ্গে কি লক্ষ্য ব্যবহার করতে হয় শিখলে না ? যে ভগীরথ মর্ত্যে গঙ্গা এনেছিলেন তাঁর গল্প মহাভারতে পড়েছ ত ? ভুল করচ—ঐরাবত নয়, সে ভগীরথ । আমাকে সেই ভগীরথ বলে' জেনো ! বুঝেছ ? মনে থাকবে ত ? ভগীরথ,—ঐরাবত নয় । সেই জায়গাটা মাষ্টারের কাছে পড়ে' নিয়ো ! এসো বাবা, তোমার মাথায় পায়ের ধুলো দিয়ে দিই !

কই ! ভাত কই ! আমি আর সবুর করতে পারচিনে—দেশবিশেষ থেকে সব লোক আসচে ! কি গো গিরি, এত রাগ কিসের ? হয়েছে কি ? খিড়কির পুকুরে লোকজনের তিড় হয়েছে ? নাওয়া, কাপড় কাচা, বাসন মাজা, জলতোলা সমস্ত বন্ধ হয়েছে ? কি করব বল ! আমি স্বয়ং ভগীরথ হয়ে গঙ্গা থেকে ত কাউকে বঞ্চিত করতে পারিনে ! তা হলে আমি এত তপস্যো করে' এত কষ্ট করে' গঙ্গা আনলুম কেন ? তোমাদের ময়লা কাপড় কাচবার জন্তে—বটে ! যখন ব্রাহ্মণের সঙ্গে মকদ্দমা করছিলুম তখন তোমরা সেই আশায় বসেছিলে, আসল কথাটা কেবল আমি জানতুম আর না গঙ্গাই জানতেন !—কি ! এত বড় আশ্পর্ক—তুই বিশ্বাস করিসনে ! জানিস্, তোকে বিয়ে করে' তোর চোদপুরুষকে আমি উদ্ধার করেছি ! বাপের বাড়ি যাবে ! যাওনা ! মরবার সময় আমার এই গঙ্গায় আস্তে দেব না ! সেটা মনে রেখো ! ভাত আর আছে ত ? নেই ? আমি যে তোমাকে বেশি করে' রাখতে বলে' দিয়েছিলুম ! আমার প্রসাদ নিয়ে যাবে বলে' যে দেশ বিদেশ থেকে লোক এসেছে ! যা! রেখেছ, এর একটা একটা ভাত খুঁটে দিলেও যে কুলবে না ! রান্নাঘরে যত ভাত আছে সব নিয়ে এস—তোমরা সব টিঁড়ে আনতে দাও—পুকুর থেকে গঙ্গাজল এনে ভিজিয়ে খেয়ো ! কি করব বল ! দূর থেকে না

শুনে প্রসাদ নিতে এসেছে তাদের ফেরাতে পারব না ! কি বল্লো ? আমার হাতে পড়ে' তোমার হাড় জ্বালাতন হয়ে গেল ? কি বলব, তুমি মুখুমেয়েমানুষ ; ঐ কথাটা একবার দেশের ভাল ভাল পণ্ডিতদের কাছে বল দেখি ! তারা তখনি মুখের উপর গুনিয়ে দেবে, যাট হাজার সগরসন্তান জলে ভস্ম হয়ে গিয়েছিল সেই ভস্মে যিনি প্রাণ দিয়েছেন, তিনি যে তোমার হাড় জ্বালাবেন একথা কোন শাস্ত্রের সঙ্গেই মিলে না ! তুমি গাল দাও, আমি আমার ভক্তদেব কাছে চল্লুম ! (বাহিরে আসিয়া) দেরি হয়ে গেল । বাড়ীর মধ্যে এঁয়ারা সব আবার কিছুতেই ছাড়েন না, পায়ের ধূলো নিয়ে পূজা করে' বেলা করে' দিলেন । আমি বলি, থাক থাক আর কাজ নেই—তারা কি ছাড়ে !—এস, তোমরা একে একে এস—যার যার ধূলো নেবার আছে নিরে বাড়ি যাও !—কিহে বিপিন ? আজ মকদ্দমার দিন ? তা ত যেতে পারচিনে । দর্শন করতে সব লোকজন আসূচে । একতরফা ডিক্রি হবে ? কি করব বল ! আমি উপস্থিত না থাকলে এখানেও যে এক-তরফা হয় । বিপিনে ! তুই যাবার সময় প্রণাম করে গেলিনে ? এমনি করেই অধঃপাতে যাবে ! আয়, এইখানে গড় কর, এই নে, ধূলো নে ! যা !

তৃতীয় অঙ্ক ।

ওহে মুখুয্যে, মা গঙ্গা ঠিক আমার এই খিড়কির কাছটায় না এসে আর রাসি ছুয়েক তফাতে এলোই ভাল করতেন । তুমি ত দাদা স্বপ্ন দেখেই সারলে, আমাকে, বে, দিনরাত্তির অসহ ভোগ ভুগুতে হচ্ছে । এক ত, পুকুরের জল হুধে বাতাসায় ডাবে আর পায়ের পাতায় পচে' ছুর্গন্ধ হয়ে উঠেছে—মাছগুলো মরে' মরে' ভেসে উঠে—যেদিন দক্ষিণের বাতাস দেয় সে দিন মনে হয় যেন নরককুণ্ডের দক্ষিণের জান্না দরজাগুলো সব কে খুলে দিয়েছে—সাতজন্মের পেটের ভাত উঠে আসবার জো হয় ।

ছেলেগুলো যে কটা দিন ছিল কেবল ব্যামোয় ভুগেছে ; কলিযুগের ভগীরথ হয়ে ডাক্তারের কি দিষ্ট দিতেই সর্বস্বান্ত হতে হল—তার সব বসন্ত, ভক্তির ধার ধারে না, স্বয়ং মা গঙ্গাকে দেখতে এলে পুরোভিজিট আদায় করে' ছাড়ে। সেও সহ হয়—কিন্তু খিড়কির ধারে ঐ যে দেশবিদেশের মড়া পুড়তে আরম্ভ হয়েছে ঐটেতে আমাকে কিছু কাবু করেছে। অহর্নিশ চিতা জ্বলছে—কাছাকাছি যে সমস্ত বসতি ছিল সে সমস্তই উঠে গেছে—রাতিবে যখন হরিবোল হরিবোল শব্দ ওঠে, এবং শ্যালগুলো ডাক্তার থাকে তখন রক্ত শুকিয়ে যায়। স্ত্রী ত বাপের বাড়ি চলে' গেছেন। বাড়িতে চাকরদাসী টিকতে পারে না। ভুতের ভয়ে দিনে দুপরে দাঁতকপাটি খেয়ে খেয়ে পড়ে। চারটি বেঁধে দেয় এমন লোক পাইনে। রাতিবে নিজের পায়ে শব্দ শুনে বুকের মধ্যে ছড়ছড় করতে থাকে—বাড়িতে জনমানব নেই—গঙ্গাযাত্রীর ঘর থেকে কেবল থেকে থেকে তারকরক্ষ নাম শুনি, আর গা ছমছম করতে থাকে ! আবার হয়েছে কি—ছেড়েও যেতে পারি নে। আমার ভগীরথ নাম চতুর্দিকেই রাষ্ট্র হয়ে গেছে—সকলেরই দর্শন করতে ইচ্ছা হয়—সে দিন পশ্চিম থেকে হুজুন এসেছিল তাদের কথাই বুঝতে পারিনে। বেটারা ভক্তি করলে বটে কিন্তু আমার খালাসটিগুলো চুরিও করে গেছে ! এখান থেকে উঠে গেলে হয় ত ঠিকানা না পেয়ে অনেকে ফিরে যেতে পারে। এ দিকে আবার বিষয় কর্ম দেখতে সময় পাচ্চিনে—আমার পত্তনী তালুকটার খাজানা বাকী পড়েছে ; শুনেছি জমিদার অষ্টম করবে। শরীর ভয়ে অনিয়মে এবং ব্যামোয় রোজ শুকিয়ে যাচ্ছে। ডাক্তারের ভয় দেখাচ্ছে এ জায়গা না ছাড়লে আমি আর বেশি দিন বাঁচব না। কি করি বল ত দাদা ! রুদ্রুর বক্শি ছিলুম, সুরে ছিলুম, কোন ল্যাঠাই ছিল না—ভগীরথ হয়ে কোন দিক সামলে উঠতে পারচিনে—আমার সোনার পুরী একেবারে অশান হয়ে গেছে।—

আবার কাগজগুলো আজকাল আমার সঙ্গে লেগেছে—তারি বলে সব মিথ্যে। তাদের নামে লাইবেল্ আনবার জঙ্কী উকীলের পরামর্শ নিতে গিয়েছিলুম—উকীল বলে তুমিই যে ভগীরথ সেটা প্রমাণ করতে গেলে সত্য যুগ থেকে সাক্ষী তলব করতে হয়—স্বয়ং ব্যাসদেবের নামে শমন জারি করতে হয়। শুনে আমার ভরসা হল না। এখানকার লোকের মনেও ক্রমে সন্দেহ জন্মে’ গেছে ;—মতি গয়লানীর সঙ্গে এক-রকম ঠিক হয়েছিল আমি পদোদক দেব আর সে দুধ দেবে—আজ দুদিন থেকে সে মাগী আবার তার হিসেব নিয়ে এসে উপস্থিত হয়েছে ; ভাবে গতিকে স্পষ্ট বুঝতে পারছি টাকার বদলে আমি তাকে পায়ের ধূলা দিতে গেলে সেও আমার উপরে পায়ের ধূলা ঝেড়ে যাবে, ভয়ে কিছু বলতে পারচিনে। পুকুরটাতে গেছেই, আমার স্ত্রী পুত্র কত্তারাও ছেড়ে গেছে, চাকর দাসীও পালিয়েছে, প্রতিবেশীরাও গ্রাম ছেড়ে নতুন বসতি করেছে, আমার ভগীরথ নামটাও টেকে কি না সন্দেহ, কেবল কি একা মা গঙ্গা আমাকে কিছুতেই ছাড়বেন না ? মা গঙ্গাকে নিয়ে কি আমাব সংসাব চলবে ? রাত্তার বেরলৈ আজকাল ছেলেগুলো ঠাট্টা করতে আরম্ভ করেছে, যে, রুদ্র বক্শির গঙ্গা প্রাপ্তি হয়েছে।—এই ত বিপদে পড়া গেছে ! দাদা, আবার একবার তোমাকে স্বপন দেখতে হচ্ছে ! দোহাই তোমাব, দোহাই মা গঙ্গার, হুগলির পুলের নীচে যদি তাঁর বাসের অসুবিধে হয়, দেশে বড় বড় ঝিল খাল দিঘি রয়েছে, স্বচ্ছন্দে থাকতে পারবেন। আমার ঐ পুকুরের জল যে রকম হয়ে এসেছে আর দুদিন বাদে তাঁর মকরটা তার গুঁড়ুস্ক মরে’ ভেদে উঠবে ; আমার মত ভগীরথ ঢের মিলবে কিন্তু ব্রাহ্মণ কার্যের ঘরে অমন বাহন আর পাবেন না। এই নতুন গঙ্গার ধারে তাঁর মেহের ভগীরথও যে বেশি দিন টিকবে কোন ভক্তারেই এমন আশা দেয় না। সত্যযুগের নামটার জন্তে মায়া হয় বটে, কিন্তু আমি বেশ করে’ ভেবে দেখেছি, দাদা, এই কলিযুগের প্রাণটার মায়াও ছাড়তে পারিনে। তাই

স্থির করেছি পুষ্করিণীটি তোমাকেই ফিরিয়ে দেব কিন্তু গঙ্গা-মৃত্যুকে এখান থেকে একটু দূরে বসন্ত করতে হবে !

অরসিকের স্বর্গপ্রাপ্তি ।

৮গোকুলনাথ দত্ত । ইন্দ্রলোক ।

গোকুলনাথ । (স্বগত) আমি দেখ্চি স্বর্গটি স্বাস্থ্যের পক্ষে দিব্য জায়গা হয়েছে । সে সম্বন্ধে প্রশংসা না করে থাকা যায় না । অনেক উচ্চে থাকার দরুণ অক্সিজেন্ বাত্মাটি বেশ বিপুল পাওয়া যায়, এবং রাত্রিকাল না থাকাতে নন্দনবনের তরুলতাগুলি কার্বনিক অ্যাসিড্ গ্যাস পরিত্যাগ করবার সময় পায় না, হাওয়াটি বেশ পরিষ্কার । এদিকে ধূলো নেই, তাতে করে একেবারে রোগের বীজই নষ্ট হয়েছে । কিন্তু এখানে বিজ্ঞানচর্চার যে বকম অবহেলা দেখ্চি তাতে আমি সন্দেহ করি ধূলোয় রোগের বীজ উড়ে বেড়ায় এ সংবাদ এখনো এঁদের কানে এসে পৌঁচেছে কি না ! এঁরা সেই যে এক সামবেদের গাথা নিয়ে পড়েছেন এর বেশি আর ইণ্টেলেক্চুয়াল মূভমেন্ট্ অগ্রসর হল না । পৃথিবী দ্রুতবেগে চল্চে কিন্তু স্বর্গ যেমন ছিল তেমনিই রয়েছে, কনসার্ভেটিভ্ যতদূর হতে হয় !

(বৃহস্পতির প্রতি) আচ্ছা, পণ্ডিত মশায়, ঐ যে সামবেদের গান হচ্ছে, আপনারা ত বসে বসে মুগ্ধ হয়ে শুন্‌চেন, কিন্তু কোন্ সময়ে গুর প্রথম রচনা হয় তার কোন ঐতিহাসিক প্রমাণ সংগ্রহ করতে পেরেছেন কি ?—কি বজ্রেন ? স্বর্গে আপনাদের ইতিহাস নেই ? আপনাদের সমস্তই নিত্য ?—স্বর্গের বিষয় ! সুরবালকদের তারিখ মুখস্ত করতে হয় না—কিন্তু বিজ্ঞানচর্চা ওতে ক’রে কি অনেকটা অসম্পূর্ণ থাকে না ?

ইতিহাস শিক্ষার উপযোগিতা চার প্রধান শ্রেণীতে বিভক্ত করা যেতে পারে।—প্রথম, ক—

মনোযোগ দিচ্ছেন কি?—(স্বগত) গান শুনতেই মত্ত তার আর মন দেবে কি করে? পৃথিবী ছেড়ে অবধি এঁদের কাউকে যদি একটা কথা শোনাতে পেরে থাকি! শুনচে কি না শুনচে মুখ দেখে কিছু বোঝবার জো নেই—একটা কথা বললে কেউ তার প্রতিবাদও করে না, এবং কারো কথার কোন প্রতিবাদ করলে তার একটা জবাব পাওয়াই যায় না। শুনেছি এইখানেই আমাকে সাড়ে পাঁচ কোটি সাড়ে পনের লক্ষ বৎসর কাটাতে হবে। তা হলেইত গেছি! আত্মহত্যা করে যে নিষ্কৃতি পাওয়া যাবে সে সুবিধাও নেই—এখানকার সাপ্তাহিক মৃত্যু-তালিকা অন্বেষণ করিতে গিয়ে শুনলুম এখানে মৃত্যু নেই। আশ্বিনীকুমার নামক ছোট বৈষ্ণব যে পদটি পেয়েছেন ওঁদের যদি বাঁধা খোরাক বরাদ্দ না থাকত তা হলে সমস্ত স্বর্গ ঝেঁটিয়ে এক পয়সা ভিজিট জুটত না। তবে কি করতে যে ঠাণ্ডা এখানে আছেন তা আমাদের মানুষের বুদ্ধিতে বুঝতে পারিনে! কাউকে ত খরচের হিসাব দিতে হয় না যার বা খুসি তাই হচ্ছে! থাকত একটা ম্যুনিসিপ্যালিটি, এবং নিয়মমত কাজ হত, তা হলে আমিই ত সর্বাঙ্গে ঐ দুইটি হেলথ অফিসারের পদ উঠিয়ে দেবার জন্তে লড়তুম। এই যে রোজ্ সভার মধ্যে অমৃত ছড়াছড়ি যাচ্ছে, তার একটা হিসেব কোথাও আছে? সে দিন ত শচী ঠাকরণকে স্পষ্টই মুখের উপর জিজ্ঞাসা করলুম, স্বর্গের সমস্ত ভাঁড়ার ত আপনাব জিন্মায় আছে—পাকা খাতার হোক খসড়ায় হোক তার কোন একটা হিসাব রাখেন কি—হাতচিঠা, কি, রসিদ, কি, কোন রকমের একটা নিদর্শন রাখা হয়? শচীঠাকরণ বোধ করি মনে মনে রাগ করলেন—স্বর্গ সৃষ্টি হয়ে অবধি এ রকম প্রশ্ন তাঁকে কেউ জিজ্ঞাসা করে নি। বা পাব্লিকের জিনিষ তার একটা রীতিমত জবাবদিহি থাকা চাই, সে বোধটা এঁদের কারো

দেখতে পাইনে। অজস্র আছে বলেই কি অজস্র খরচ করতে হবে ? যদি আমাকে বেশি দিন এখানে থাকতেই হয় তা হলে স্বর্গের সমস্ত ঋণোবস্ত আগাগোড়া রিফর্শ্ না করে আমি নড়চিনে। আমি দেখছি, গোড়ায় দরকার অ্যাজিটেশন্—ঐ জিনিষটা স্বর্গে একেবারেই নেই—সব দেবতাই বেশ সমুদ্র হয়ে বসে আছেন। এঁদের এই তেজস্কোটিকে একবার রীতিমত বিচলিত করে তুলতে পারলে কিছু কাজ হয়। এখানকার লোকসংখ্যা দেখেই আমার মনে হয়েছিল এখানে একটি বড় রকমেব দৈনিক কিস্বা সাপ্তাহিক খবরের কাগজ বেশ চালানো যেতে পারে। আমি যদি সম্পাদক হই, তা হলে আর দুটি উপযুক্ত সাব-এডিটর পেলেই কাজ আরম্ভ করে দিতে পারি। প্রথমতঃ নারদকে দিয়ে খুব এক চোচ্চ বিজ্ঞাপন বিলি করতে হয়। তার পরে বিশ্বলোক ব্রহ্মলোক চন্দ্রলোক সূর্য্যলোকে গুটিকতক নিয়মিত সংবাদদাতা নিযুক্ত করতে হয়—আহা, এই কাজটি যদি আমি করে যেতে পারি তা হলে স্বর্গেব এ চেহারা আর থাকে না। যাঁরা সব, দেবতাদের ঘুৰ দিয়ে দিয়ে স্বর্গে আসেন, প্রতি সংখ্যায় তাঁদের একটি করে সংক্ষেপ মর্ন্তজীবনী বের করতে পারি তা হলে আমাদের স্বর্গীয় মহাস্বাদের মধ্যে একটা সেশেশন্ পড়ে যায়!—একবার ইন্ডের কাছে আমার প্রস্তাবগুলো পেড়ে দেখতে হবে!

(ইন্ডের নিকট গিয়া) দেখুন মহেন্দ্র, আপনার সঙ্গে আমার গোপনে কিছু—(অঙ্গরাগণকে দেখিয়া) ও ! আমি জানতুম না এঁরা সব এখানে আছেন—মাপ করবেন—আমি যাচ্ছি !—এ কি, শচীঠাকরুণও যে বসে আছেন ! আর ঐ বড়ো বড়ো রাজর্ষি দেবর্ষিগুলোই বা এখানে বসে কি দেখ্চে ? দেখুন মহেন্দ্র, স্বর্গে স্বায়ত্ত শাসন প্রথা প্রচলিত করেননি বলে এখানকার কাজকর্ম তেমন ভাল রকম করে চল্চে না। আপনি যদি কিছুকাল এই সমস্ত নচ্চ বাজনা বন্ধ করে দিয়ে আমার

সঙ্গে আসেন তা হলে আমি আপনাকে হাতে হাতে দেখিয়ে দিতে পারি এখানকার কোন কাজেরই বিলি ব্যবস্থা নেই। কার ইচ্ছা কি করে যেকি হচ্ছে কিছুই দস্তখুট করবার জো নেই। কাজ এমনতর পরিষ্কার ভাবে হওয়া উচিত, যে, যন্ত্রের মত চলবে এবং চোখ বুলিয়ে দেখে-বা-মাত্রই বোঝা যাবে। আমি সমস্ত নিয়ম নম্বরওয়ারি করে লিখে নিয়ে এসেছি—আপনার সহস্র চক্ষুর মধ্যে একজোড়া চোখও যদি এদিকে ফেরান তা হলে—আচ্ছা তবে এখন থাক, আপনাদের গান বাজনাগুলো না হয় হয়ে যাক তার পরে দেখা যাবে।

(ভরত ঋষির প্রতি) আচ্ছা অধিকারী মশায়, শুনেছি গান বাজনার আপনি ওস্তাদ, একটি প্রশ্ন আপনার কাছে আছে। গানের সম্বন্ধে যে কটি প্রধান অঙ্গ আছে অর্থাৎ সপ্ত সুর, তিনগ্রাম, একুশ মুচ্চনা—কি বলেন? আপনারা এ সমস্ত মানেন না—আপনারা কেবল আনন্দটুকু জানেন! তাইত দেখি—এবং যত দেখি তত অবাক হয়ে যাচ্ছি! (কিয়ৎকণ শুনিয়া) ভরতঠাকুর—ঐ যে ভদ্র মহিলাটি—কি ঐর নান—রজ্জা? উপাধি কি বলুন? উপাধি বুঝেন না? এই যেমন রজ্জা চাটুযো কি রজ্জা ভট্টাচার্য্য—কিষ্কা ক্ষত্রিয় যদি হন ত রজ্জা সিংহ—এখানে আপনাদের ও সব কিছু নেই বুঝি?—আচ্ছা বেশ কথা—তা ত্রীমতৌ রজ্জা যে গানটি গাইলেন আপনারা ত তার যথেষ্ট প্রশংসা করলেন—কিন্তু ওর রাগিণীটি আমাকে অনুগ্রহ করে বলে দেবেন? একবার ত দেখি দৈবত লাগ্চে আবার দেখি কোমল দৈবতও লাগে—আবার গোড়ার দিকে—ওঃ, বুঝেছি আপনাদের কেবল ভালই লাগে, কিন্তু ভাল লাগবার কোন নিয়ম নেই। আমাদের ঠিক তার উল্টো, ভাল না লাগতে গান্নে কিন্তু নিয়মটা থাকবেই। আপনাদের স্বর্গে যেটি আবশ্যক সেটি নেই যেটা না হলেও চলে তার অনেক বাহ্য। সমস্ত সপ্তস্বর্গ খুঁজে কায়ক্লেশে যদি আধখানা নিয়ম পাওয়া যায় ত তখনি তার হাজারখানা ব্যতিক্রম বেরিয়ে

পড়ে। সকল বিষয়েই তাই দেখছি। ঐ দেখুন না ষড়ানন বলে
আছেন—ওঁর ছটার মধ্যে পাঁচটা মুণ্ডুর কোনই অর্থ পাবার জো নেই।
শরীরতত্ত্বের ক খও যে জানে সেও বলে দিতে পারে একটা কঙ্কের
উপরে ছটা মুণ্ডু নিতান্তই বাহুল্য!—হাঃ হাঃ হাঃ হাঃ! ওঁর ছয় মাতার
স্তন পান করতে ওঁকে ছটা মুণ্ডু ধারণ করতে হয়েছিল? ওটা হল
মাইথলজি আমি ফিজিয়লজির কথা বলছিলুম। ছটা যেন মুণ্ডুই ধারণ
করলেন—পাকযন্ত্র ত একটার বেশি ছিল না।—এই দেখুন না, আপনা-
দের স্বর্গের বন্দোবস্তটা। আপনারা শরীর থেকে ছায়াটাকে বাদ দিয়ে
দিয়েছেন—কিন্তু সেটা আপনাদের কি অপরাধ করেছিল? আপনারা
স্বর্গের লোক—বল্লে হয়ত বিশ্বাস করেন না, আমি জন্মকাল থেকে
মৃত্যুকাল পর্যন্ত ঐ ছায়াটাকে কখন পশ্চাতে, কখন সম্মুখে, কখনো
দক্ষিণে, কখনো বামে সঙ্গে করে নিয়ে কাটিয়েছি, ওটাকে পুষ্টে এক-
দিনের জন্তে শিকিপয়সা খরচ কবতে হয়নি এবং অত্যন্ত শ্রান্তির সময়ও
বহন করতে এক তিল ভার বোধ করিনি—ওটাকে আপনারা ছেঁটে
দিলেন, কিন্তু ছটা মুণ্ডু, চারটে হাত, হাজারটা চোখ, এতে খরচও আছে,
ভারও আছে—অথচ সেটা সম্বন্ধে একটু ইকনমি করবার দিকে নজর
নেই। ছায়ার বেলাই টানাটানি কিন্তু কায়ার বেলা মুকহস্ত!—সাধুবাদ
দিচ্ছেন? দেবতাদের মধ্যে আপনিই তা হলে আমার কথাটা বুঝেছেন!
সাধুবাদ আমাকে দিচ্ছেন না? শ্রীমতী রত্নাকে দিচ্ছেন? ওঃ! তাহলে
আপনি বহুন আমি কার্তিকের সঙ্গে আলাপ করে আসি।

(কার্তিকের পার্শ্বে বসিয়া) শুহ, আপনি ভাল আছেন ত? আপনাদের
এখানকার মিলিটারি ডিপার্টমেন্ট সম্বন্ধে আমার দুটে। একটা খবর
নেবাব আছে। আপনারা কি রকম নিয়মে—আচ্ছা তাহলে এখন থাক্
আগে আপনাদের অভিনয়টা হয়ে যাক্!, কেবল একটা কথা জিজ্ঞাসা
করি—এই যে নাটকটি অভিনয় হচ্ছে এর নাম ত ওন্টি, চিত্রলেখার

বিরহ—এর উদ্দেশ্যটা কি আমাকে বুঝিয়ে দিতে হবে। উদ্দেশ্য ছরকমের হতে পারে এক জ্ঞানশিক্ষা, আর এক নীতিশিক্ষা। কবি, হয়, এই গ্রন্থের মধ্যে কোন একটা জাগতিক নিয়ম আমাদের সহজে বুঝিয়ে দিয়েছেন, নয় স্পষ্ট করে দেখিয়ে দিয়েছেন যে, ভাল করলে ভাল হয়, মন্দ করলে মন্দই হয়ে থাকে। ভেবে দেখুন, বিবর্তনবাদের নিয়ম অনুসারে পরমাণুপুঞ্জ কি রকম করে ক্রমে ক্রমে বিচিত্র জগতে পরিণত হল—কিন্তু আমাদের ইচ্ছাশক্তি যে অংশে পূর্ববর্তী কর্মের ফল সেই অংশে বদ্ধ এবং যে অংশে পরবর্তী কর্মকে জন্ম দেয় সেই অংশে মুক্ত এই চিরস্থায়ী বিরোধের সামঞ্জস্য কোন্‌খানে—কাব্যে যখন সেই তত্ত্ব পরিস্ফুট হয় তখন কাব্যের উদ্দেশ্যটি হাতে হাতে পাওয়া যায়! চিত্রলেখার বিরহের মধ্যে এর কোনটুকু আছে? আপনি ত বিগলিতপ্রায় হয়ে এসেছেন; যে রকম দেখুঁচি দেবলোকে যদি ফিজিয়লজির নিয়ম বলে একটা কিছু থাকত তাহলে এখনি আপনার দ্বাদশ চক্ষু থেকে অশ্রুধারা প্রবাহিত হত! যাই হোক কান্তিক, এ বডু ছুঁথের বিষয় স্বর্গে আপনাদের রাশি রাশি কাব্য নাটকের ছড়াছড়ি যাচে কিন্তু যাতে গবেষণা কিম্বা চিন্তা-শীলতার পরিচয় পাওয়া যায় স্বর্গীয় গ্রন্থকারদের হাত থেকে এমন একটা কিছুই বেরচে না! (ঈষৎ হাস্যসহকারে) দেখুঁচি “চিত্রলেখার বিরহ” নাটকখানা আপনার বড়ই ভাল লেগে গেছে তাহলে অত্র প্রসঙ্গ থাক আপনি ঐটেই দেখুন!

(ইন্ডের নিকট গিয়া) দেখুন দেবরাজ, স্বর্গে পরস্পরের মতামত আলোচনার একটা স্থান না থাকাতে বড়ই অভাব বোধ করা যায়। আমার ইচ্ছা নন্দন কাননের পারিজাত কুঞ্জের মধ্যে যেখানে আপনাদের নৃত্যশালা আছে সেইখানে একটা সভাস্থাপন করি, তার নাম দিই, শতক্রতু ডিবেটিংক্লাব। তাতে আপনারও একটা নাম থাকবে আর স্বর্গেরও অনেক উপকার হবে। না, থাক, মাপ করবেন—আমার অভ্যাস

নেই—আমি অমৃত খাইনে—রাগ যদি না করেন ত বলি ও অভ্যাসটা আপনাদের ত্যাগ করা উচিত—আমি দেখেছি দেবতাদের মধ্যে পান-দোষটা কিছু প্রবল হয়েছে! অবশ্য ওটাকে আপনারা সূরা বলেন না, কিন্তু বলে কিছু অত্যাতি হয় না। পৃথিবীতেও দেখ্‌তুম অনেকে মদকে ওয়াইন্ বলে কিছু সম্ভোষণা করতেন। সুরেন্দ্র, আপনি ত্রীমন্তী মেনকাকে এই মাত্র যে সম্বোধনটা করলেন ওটা কি ভাল গুণতে হল? সংস্কৃত কাব্যে নাটকে দেখেছি বটে ঐ সকল সম্বোধন প্রচলিত ছিল, কিন্তু আপনি যদি বিশ্বস্তসূত্রে খবর নেন ত জানতে পারবেন, ওগুলো এখন নিম্ননীয় বলে গণ্য হয়েছে! আমরা কি রকম সম্বোধন কার জানতে চাচ্চেন? আমরা কখন বা মাতৃসম্বোধনও করে থাকি কখনো বা বাছাও বলি—আবার সময়বিশেষে ভালমাহুধের মেয়ে বলেও সম্ভাষণ করা যেতে পারে। এর মধ্যে কোনটিই আপনি এই সকল মহিলাদের প্রতি প্রয়োগ করতে ইচ্ছা করেন না? তা না করুন এটা স্বীকার করতেই হবে আপনারা ঔঁদের সম্বন্ধে যে বিশেষণগুলি উচ্চারণ করে থাকেন, তাতে রুচির পরিচয় পাওয়া যায় না। কি বলেন? স্বর্গে সুরুচিও নেই কুরুচিও নেই? প্রথমটি যে নেই সে বিষয়ে সন্দেহ করিনে—দ্বিতীয়টি যে আছে তা এখনি প্রমাণ করে দিতে পারি কিন্তু আপনারা ত আমার কোন আলোচনাতেই কর্ণপাত করেন না।

(শচীর নিকট গিয়া) দেখুন শচি আপনার কি মনে হয় না, স্বর্গ-সমাজের ভিতরে যে সমস্ত দোষ প্রবেশ করেছে সেগুলো দূর করবার জন্তে আমাদের বদ্ধপরিকর হওয়া উচিত। আপনারা স্বর্গাঙ্গনারাও যদি এ সকল বিষয়ে শৈথিল্য প্রকাশ করতে থাকেন তাহলে আপনাদের স্বামীদের চরিত্রের অবস্থা ক্রমশই শোচনীয় হতে থাকবে। ঔঁদের সম্বন্ধে যে সকল অপযশের কথা প্রচলিত আছে সে আপনাদের অবদিত নেই—মধ্যে মধ্যে যদি সভা আহ্বান করে এ সকল বিষয়ে আলোচনা হয়—

আপনারা যদি সাহায্য করেন তা হলে—কোথায় যান? গৃহকর্ম আছে বুঝি? (শটীকে উঠিতে দেখিয়া সকল দেবতার উত্থান এবং অকালে সম্ভ্রান্ত)। মহা মুঞ্চিলে পড়া গেল—কাউকে একটা কথা বললে কেউ শোনেও না—বুঝতেও পারে না। (ইন্দ্রের নিকট গিয়া কাতব স্ববে) ভগবান্ সহস্রলোচন শতক্রতো, আমার সাড়ে পাঁচ কোটি সাড়ে পনের লক্ষ শতাব্দীর মধ্যে আব কত দিন বাকি আছে?

ইন্দ্র। (কাতব স্ববে) সাড়ে পাঁচকোটি পনেরলক্ষ ঊনপঞ্চাশ হাজার নয় শ নিরেনব্বই বৎসব।

(গোকুলনাথ এবং তেত্রিশকোটি দেবতার এক সঙ্গে সুগভীর দীর্ঘ নিশ্বাস পতন)

স্বর্গীয় প্রহসন ।

ইন্দ্রসভা ।

বৃহস্পতি। হে সৌম্য, তেত্রিশকোটি দেবতাতেও কি ইন্দ্রলোক পূর্ণ হয় নাই? আরও কি নূতন দেবতা আমন্ত্রণের আবশ্যক আছে? হে প্রিয়দর্শন, স্মরণ রাখিও, অন্ন-মৃত্যুর দ্বারা মর্ত্যালোকে লোকসংখ্যা নিয়মশাসনে থাকে, কিন্তু স্বর্গলোকে মৃত্যুর অভাবে দেবসংখ্যা হ্রাস করিবার কোন উপায় নাই; অতএব সংখ্যা বৃদ্ধি করিবার পূর্বে সর্বিশেষ বিবেচনা করিয়া দেখা কর্তব্য।

ইন্দ্র। হে সুরগুরো, স্বর্গের পথ হ্রাস করিবার জন্য স্বর্গাধিপতির চেষ্টা করাট নাই এ কথা সর্বজনবিদিত।

বৃহস্পতি। পাকশাসন নাকপুতে, তবে কেন অধুনা দেবলোকে

মনসা শীতলা ষেঁটু নামধারী অজ্ঞাতকুলশীল নব নব দেবতার অভিষেক হইতেছে ?

ইন্দ্র। বিজ্ঞাতম, আমরা দেবতাগণ ত্রিভুবনের কর্তৃত্বভার গ্রহণ হইয়াছি বটে কিন্তু সে কেবল ত্রিভুবনের সম্মতিক্রমে। এ কথা গুরুদেবের অগোচর নাই, যে, মর্ত্যলোকেই দেবতাদের নির্বাচন হইয়া থাকে। এককালে আর্গ্যাভর্তের সমস্ত ব্রাহ্মণ হোতাগণ আমাকেই স্বর্গের প্রধান পদ দিয়াছিলেন এবং তৎকালে স্বরস্বতী দৃষদ্বতী তীরের প্রত্যেক বক্ষ হতাশনে আমার উদ্দেশে অহরহ যে হবি সমর্পিত হইত তাহার হোমধূমে আমার সহস্রলোচন হইতে নিরন্তর অশ্রু প্রবাহিত হইত। অশ্রু নরলোকে হবি যত কেবল মাত্র জঠরযজ্ঞে ক্ষুধাসূরের উদ্দেশেই উপহৃত হইয়া থাকে এবং গুনিতে পাই সে যতও বিগুহ নহে।

বৃহস্পতি। বৃত্র নিসূদন, সেই অপবিত্র বিমিশ্র যুতপানে, গুনিতে পাই, ক্ষুধাসূর যুতপ্রায় হইয়া আসিয়াছে। হে শত্রু, দেবতাদের প্রতি দেবদেবের বিশেষ রূপা আছে সেই জন্তই নরলোকে হোমায়ি নির্বাণিত হইয়াছে, নতুবা, নব্য গব্য পরিপাক করিতে হইলে, ভো পাকশাসন, দেব জঠরের সমস্ত অমৃতরস স্তূতীত্র অগ্নরসে পরিণত হইত, অগ্নিদেবের মন্দায়ি এবং বায়ুদেবের বায়ুপরিবর্তনের আবশ্যক হইত, এবং সমস্ত দেবতার অমরবক্ষে অসহ শূল বেদনা অমর হইয়া বাস করিত।

ইন্দ্র। হে জ্ঞানীশ্রেষ্ঠ, উক্ত যুতের গুণাগুণ আমার অবদিত নাই, যেহেতু ষমরাজের নিকট সর্বদাই তাহার বিবরণ গুনিতে পাই। অতএব হব্য পদার্থে আমার কিছুমাত্র লোভ নাই, এবং হোমায়ির তিরোধান সম্বন্ধেও আমি আক্ষেপ করিতেছি না। আমার বক্তব্য এই যে, যেমন পুষ্প হইতে সৌরভ উৎখিত হয় তেমনি মর্ত্যের ভক্তি হইতেই স্বর্গ উর্দ্ধলোকে উদ্ধাহিত হইতে থাকে। সেই ভক্তিপুষ্প যদি শুষ্ক হইয়া যায় তবে, হে দ্বিজসত্তম, তেত্রিশ কোটি দেবতাও আমার এই পারিজাতমোদিত, নন্দনবনবেষ্টিত

স্বর্গলোক রক্ষা করিতে পারিবে না। সেই কারণে, মর্ত্যের সহিত যোগ প্রবাহ রক্ষা করিবার জন্ত মাঝে মাঝে নরলোকের নব-নির্বাচিত দেবতা-গুলিকে সাদরে স্বর্গে আবাহন করিয়া আনিতে হয়। হে ত্রিকালজ্ঞ, স্বর্গের ইতিহাসে এমন ঘটনা ইতিপূর্বেও ঘটিয়াছে।

বৃহস্পতি। মেঘবাহন, সে সমস্ত ইতিহাস আমার অগোচর নাই। কিন্তু ইতিপূর্বে যে সকল নূতন দেবতা মর্ত্য হইতে স্বর্গলোকে উন্নীত হইয়াছিলেন তাঁহারা অভিন্যাসিত দেবগণের সহিত একাসনে বসিবার উপযুক্ত। সম্ভ্রান্ত ঘেঁটুপ্রমুখ যে সমস্ত দেবতাগণ তোমার নিমন্ত্রণে স্বর্গে আসিয়া আশ্রয় লইয়াছেন তাঁহারা সুরসভার দিব্যজ্যোতি স্নান করিয়া দিয়াছেন। অদিতিনন্দন, আমার প্রস্তাব এই যে, তাঁহাদের জন্ত একটি উপদেবলোক সৃজন করিবার জন্ত বিশ্বকর্ম্মার প্রতি বিশেষ ভারার্পণ করা হয়।

ইন্দ্র। বৃধপ্রবর, তাহা হইলে সেই উপস্বর্গই স্বর্গ হইয়া দাঁড়াইবে এবং স্বর্গ উপস্বর্গ হইবে মাত্র। একমাত্র বেদমন্ত্রের উপর আমাদের স্বর্গ প্রতিষ্ঠিত। জন্মের দেশীয় পণ্ডিতগণের বহুল চেষ্টা সত্ত্বেও সে মন্ত্র এবং তাহার অর্থ সকলে বিস্মৃত হইয়া আসিয়াছে। কিন্তু আমাদের নূতন আমন্ত্রিত দেবদেবীগণ, সায়নাচার্য্যের ভাষ্য, পাশ্চাত্য ঐতিহাসিকদের পুরাতত্ত্ব অথবা তাঁহাদের প্রাচ্যশিষ্যবর্গের বৈজ্ঞানিক ব্যাখ্যার উপর নির্ভর করিতেছেন না, তাঁহারা প্রতিদিনের সত্ত্ব আহরিত পূজা প্রাপ্ত হইয়া উপবাসী পুরাতন দেবতাদের অপেক্ষা অনেকগুণে প্রবল হইয়া উঠিয়াছেন। তাঁহাদিগকে স্বপক্ষে পাইলে আমরা নূতন বললাভ করিতে পারিব। অতএব, গুরুদেব, প্রসন্নচিত্তে তাঁহাদের কণ্ঠে দেবমালা অর্পণ করিয়া তাঁহাদিগকে স্বর্গলোকে বরণ করিয়া লউন!

বৃহস্পতি। অহো ছর্ব্বভা নিয়তি! মর্ত্যলোকের 'প্রসাদলাভলালসায়' কত পুরাতন দেবকুল প্রদীপ-ক্রমশঃ আপন দেবমর্যাদা বিসর্জন দিয়াছেন।

দেবসেনাপতি .কার্তিকেয় বীরবেশ পরিত্যাগ করিয়া স্তম্ভবন লম্বকচ্ছে কামিনীমনোমোহন নির্লজ্জ নাগরমূর্ত্তি ধারণ করিয়াছেন । গম্ভীর প্রকৃতি গণপতি কদলী তরুর সহিত গোপন পরিণয়পাশে বদ্ধ হইয়াছেন এবং মহাযোগী মহেশ্বর গঞ্জিকা ধুতুর সিদ্ধি পানে উন্মত্ত হইয়া মহাদেবীর সহিত অশ্রাব্য ভাষায় কলহ করিয়া নীচ জাতীয় স্ত্রীপল্লীর মধ্যে আপন বিহারক্ষেত্র বিস্তার করিয়াছেন ! সে সমস্তই যখন একে একে সহ্য করিতে পারিয়াছি তখন, বোধ করি, দেবাসনে উপদেবতাগণের অধিরোহণ দৃশ্যও এই বৃদ্ধ ব্রাহ্মণের ধৈর্য্যকঠিন বক্ষ-স্থল বিদীর্ণ করিতে পারিবে না !

চন্দ্রের প্রবেশ ।

ইন্দ্র । ভগবন্ উড়ুপতে ! স্বর্গলোকে ত কৃষ্ণপক্ষের প্রভাব নাই তবে অত্ৰ কেন তোমার সৌম্যমুন্দর প্রফুল্ল মুখচ্ছবি অন্ধকার দেখিতেছি ?

চন্দ্র । দেব সহস্রলোচন, স্বর্গে কৃষ্ণপক্ষ থাকিলে অমাবস্তার ছায়ায় আমি আনন্দে আশ্রয় গ্রহণ করিতে পারিতাম । দেবরাজ, দেবী শীতলার প্রসন্নদৃষ্টি হইতে আমাকে নিষ্কৃতি দান কর ! তিনি স্বর্গে পদার্পণ করিয়া অবধি আমার প্রতি যে বিশেষ পক্ষপাত প্রকাশ করিতেছেন, আমি একাকী তাহার যোগ্য নহি । তাঁহার সেই প্রচুর অমুগ্রহ দেবসাধারণের মধ্যে সমভাগে বিভক্ত হইলে কাহারও প্রতি অত্যন্ত হয় না ।

ইন্দ্র । সুধাংগুমালিন্, সুহৃদগণের সহিত ভাগ করিয়া ভোগ করিলে অধিকাংশ আনন্দই বৃদ্ধি পাইয়া থাকে সন্দেহ নাই কিন্তু রমণীর অমুগ্রহ সে জাতীয় নহে ।

চন্দ্র । ভগবন্, তবে সে আনন্দ তুমিই সম্পূর্ণ গ্রহণ কর । তুমি সুরশ্রেষ্ঠ, এ সুধাবেগ তুমি ব্যতীত আর টুকেহ একাকী সম্বরণ করিতে পারিবে না ।

ইন্দ্র । প্রিয়নখে, অস্ত্রের নিকট যাহা পাওয়া যায় তাহা বন্ধুকে দান করা কঠিন নহে ; কিন্তু প্রেম সেরূপ সামগ্রী নহে ; তুমি যাহা পছিয়াছ তাহা তুমি অনাদরে ফেলিয়া দিতে পার কিন্তু প্রিয়তম বন্ধুর অত্যাশঙ্কক পূরণ করিবার জন্তও তাহা দান করিতে পারনা ।

চন্দ্র । যদি ফেলিয়া দিতে পারিতাম, তবে, বিপন্নভাবে তোমার দ্বারস্থ হইতাম না । সুরপতে অনেক সৌভাগ্য আছে যাহা দূরে নিক্ষেপ করিলেও নিকটে সংলগ্ন হইয়া থাকে ।

ইন্দ্র । শশলাঙ্ঘন, তুমি কি অপবশেষ ভয় করিতেছ ?

চন্দ্র । সখে, সত্য বলিতেছি কলঙ্কের ভয় আমাব নাই ।

ইন্দ্র । কলানাথ, তবে কি তুমি তোমার অন্তঃপুরলক্ষ্মী প্রিয়তমার অসুখা আশঙ্কা করিতেছ ?

চন্দ্র । বন্ধো, তোমার অবিদিত নাই, সপ্তবিংশতি নক্ষত্রনারী লইয়া আমার অন্তঃপুর । তাহারা প্রত্যেকেই সমস্ত রাত্রি অনিমেঘ নেত্রে জাগ্রত থাকিয়া আমার গতিবিধি নিরাক্ষণ করিয়া থাকে, তথাপি এপর্যন্ত নক্ষত্রলোকে কোনরূপ অশান্তির কারণ ঘটে নাই । সপ্তবিংশতির উপর আর একটি যোগ করিতে আমি ভীত নহি ।

ইন্দ্র । সখে, ধন্ত তোমাব সাহস ! তবে তোমার ভয় কিসের ?

শশব্যস্ত হইয়া দেবদূতের প্রবেশ ।

দূত । জয়োস্ত । দেবরাজ, বাণী বীণাপাণি স্বর্গপরিভ্রমণের কল্পনা করিতেছেন ।

ইন্দ্র । (সসম্ভ্রমে) কেন ? দেবগণ তাঁহার নিকট কি কারণে অপরাধী হইয়াছে ?

দূত । মনসা শীতলা, মঞ্জলচণ্ডী নাম্নী দেবীগণ সরস্বতীর কমলবনে চিঙ্গটি নামক কর্দ্ধমচর ক্ষুদ্রমৎস্তের সন্ধানে গিয়াছিলেন । কৃতকার্য না

হইয়া কমল কলিকায় অঞ্চলপূর্ণ করিয়া তিস্তিড়ি সংযোগে কটুতৈলে
অন্নব্যঞ্জন রন্ধন পূর্বক তীরে বসিয়া প্রচুরপরিমাণে আহার করিয়াছেন,
এবং পিত্তলস্থানী সরোবরের জলে মার্জন পূর্বক স্বস্থানে ফিলিয়া
আসিয়াছেন। এপর্যন্ত মানসরোবরের পদ্মকলিকা দেব দানব কেহই
ভক্ষ্যরূপে ব্যবহার করে নাই। (দেবগণের পরস্পর মুখাবলোকন।)

ঘেঁটু মনসা প্রভৃতি দেবদেবীগণের প্রবেশ ।

ইন্দ্র । (আসন ছাড়িয়া উঠিয়া) দেবগণ, দেবীগণ, স্বাগত ?
আপনাদের কুশল ? স্বর্গলোকে আপনাদের কোনরূপ অভাব নাই ?
অমুচবগণ সমাহিত হইয়া সর্বদা আপনাদের আদেশপালনের জন্ত অপেক্ষা
করিয়া থাকে ? সিদ্ধগন্ধর্ভগণ নৃত্যশালায় নৃত্যগীতাদিব দ্বারা আপনাদের
মনোরঞ্জন করে ? কামধেনুর দ্রুত এবং অমৃতরস যথাকালে আপনাদের
সম্মুখে আহবিত হইয়া থাকে ? নন্দনবনেব সুগন্ধ সমীরণ আপনাদের
ইচ্ছানুগামী হইয়া বাতায়নপথে প্রবাহিত হইতে থাকে ? আপনাদের
লগ্নানিকুঞ্জে পারিজাত সর্বদাই প্রস্ফুটিত থাকিয়া শোভাদান করে ?

(দেবীগণের উচ্চহাস্ত)

মনসা । (ঘেঁটুর প্রতি) মিনসে কি বক্চে ভাই ?

ঘেঁটু । পুরুষঠাকুরের মত মস্তুর পড়ে যাচ্ছে । (ইন্দের প্রতি)
ওহে, তুমি বৃদ্ধি কর্তা ! তোমার মস্তুর পড়া'হয়ে গিয়ে থাকে ত গোটা-
কতক কথা বলি ।

ইন্দ্র । হে ঘেঁটো ! আপনকার—

ঘেঁটু । যেটো কি ! আমি তোমার বাগানের মালী ? বাপের
জন্মে এমন অভদ্র মানুষ ত দেখিনি গা ! যেঁটো ! আমি যদি তোমাকে
ইন্দির না বলে' ইন্দিরে বলি !

মনসা । তা হলেই চিস্তিরে হয় ! • (দেবীগণের উচ্চ হাস্ত)

ইন্দ্র। (হাস্তে যোগদান করিবার চেষ্টা করিয়া) কুন্ডাভদ্রি, বহু তপস্যার দ্বারা স্বর্গলোক লাভ করিয়াছিলাম, কিন্তু কোন্ স্রুতি ফলে অগ্নিকার সকলের অতদশনময়ুখে স্বর্গলোক অকস্মাৎ অতিমাত্র আলোকিত হইয়া উঠিল এখনো তাহা ধারণা করিতে পারিলাম না!

যেঁটু। আরে রাখ, ও সব বাজে কথা রাখ। তোমার পেয়ালা শুলো আমাকে সোনার তাঁড়ে করে কি সব এনে দেয় সে আমি ছুঁতে পারিনে। তোমার শচী গিন্নিকে বলে দিয়ে আমার জন্যে রোজ এক খাল গোবরের লাড়ু তৈরি করে পাঠিয়ে দেন!

ইন্দ্র। তথাস্ত। স্বর্গে আমাদের কল্পধেনু আছেন। তিনি সকলের সকল কামনাই পূরণ করিয়া থাকেন। বোধ করি আপনার প্রার্থনা পূর্ণ করা তাঁহার পক্ষে দুঃসাধ্য না হইতে পারে!

শীতলা। (চন্দ্রকে এক কোণে গুপ্তপ্রায় দেখিয়া নিকটে গিয়া) মাইরি! তুমি এত ছলও জান ভাই! আমাকে আচ্ছা ভোগ ভুগিয়েছ যাহোক! আমি বলি, তুমি বুঝি অন্দর মহলে আছ। ঢুকে দেখি, অশ্লেষা আর মঘা নবানুপুত্রীর মত বসে আছেন—আমাকে দেখে অবাক হয়ে রইলেন। আমার সহ্য হল না। আমি বলুম, বলি, ও বড়মানুষের বি, তোমাদের গতির খাটিয়ে খেতে হয় না বলে বুঝি দেমাকে মাটিতে পা পড়ে না! যা বলতে হয় তা বলেছি! ধুস্কুমার বাধিয়ে দিয়ে এসেছি।

চন্দ্র। (জনাস্তিকে ইন্দ্রের প্রতি) সপ্তবিংশতির উপর অষ্টবিংশতি-তম যোগ হইলে কিরূপ চর্যোগ উপস্থিত হইতে পারে তাহা, হে শচীপতে, সহজেই অনুভব করিতে পারিবেন। (শীতলার প্রতি) অরি অনবত্তে,—

শীতলা। (হাসিয়া অস্থির হইয়া) মা গো মা, তুমি এত হাসাতেও পার! আদর করে বেশ নামটি দিয়েছ যাহোক! আন বত্তি! কিন্তু বত্তিতে করবে কি ভাই! কত বত্তির সাতপুরুষকে আমি সাতঘাটের জল খাইয়ে এসেছি—আমি কি ভেমনি মেয়ে!

ঘেঁটু। (ইন্দ্রের গায়ের কাছে গিয়া তাঁহার পৃষ্ঠে হাত দিয়া) কি গো, ইন্দ্রি দা! মুখে যে রা'টি নেই। রেতের বেলা গিল্লির সঙ্গে বকাবকি চুলোচুলি হয়ে গেছে না কি ?

ইন্দ্র। (সসঙ্কোচে সরিয়া গিয়া দূরস্থ আসন নির্দেশ পূর্ব্বক) দেব, আসনগ্রহণে অহুমতি হোক !

ঘেঁটু। এই যে এখানে চের জায়গা আছে। (ইন্দ্রের সহিত একাসনে উপবেশন) দাদা, আমার সঙ্গে তুমি নোকোতা কোরো না। আজ থেকে তুমি আমার দাদা, আমি তোমার ছোট ভাই ঘেঁটু। (বাহুদ্বারা ইন্দ্রের গলবেষ্টন এবং ইন্দ্রকর্তৃক অব্যক্ত কাতর ধ্বনি উচ্চারণ)

শীতলা। (চন্দ্রের প্রতি) তুমি যাও কোথায় !

চন্দ্র। মনোজ্ঞে, অশ্ব অস্ত্রঃপূরে দেবীগণ ভর্তৃপ্রসাদন ব্রতে তাঁহাদের এই সেবকাধমকে স্মরণ করিয়াছেন—অতএব যদি অহুমতি হয় তবে, হে হরিণশালীন নয়নে—

শীতলা। কি বল্লে ? শালী ? তা ভাই তাই সই ! তোমার চাঁদ-মুখে সবই মিষ্টি লাগে। তা, শালী যদি বল্লে তবে কানহলাটিও খাও ! (চন্দ্রের পার্শ্বে একাসনে বসিয়া চন্দ্রের কর্ণপীড়ন)।

ইন্দ্র। (চন্দ্রের প্রতি) ভগবন্ সিতকিরণমালিন্, তুমিই ধন্ব। করুণস্পর্শে তরুণীকরকিসলয়ের অরুণরাগ এখনও তোমার কর্ণমূলে সংলগ্ন হইয়া আছে !

শীতলা। (মনসার প্রতি লক্ষ্য করিয়া স্বগত) ম'ল! ম'ল! আমাদের মিন্‌সে হিংসের ফেটে ম'ল! আমি তাঁদের পাশে বসেছি এ আর গুর গায়ে সইল না। ঘুন্ ঘুন্ করে বেড়াচ্ছে দেখ না! এত গুলো পুরুষ মানুষের সাম্নে লজ্জাও নেই! মাগী এবার পাড়ায় গিয়ে কত কানাঘুসোই করবে! উনিও বড় কহুর করেন নি! কার্তিক ঠাকুরটিকে নিয়ে যে রকম নিলজ্জপনা করেছে' আমি দেখে লজ্জায় মরে

যাই আর কি ! কার্তিক কোথায় হুকোবে ভেবে পায় না । ওই ত চেহারা—ওই নিয়ে এত ভঙ্গীও করে ! মাগো, মাগো, মাগো ! (প্রকাশ্যে) আ মর মাগী ! চাঁদের সামনে দিয়ে অমন বেহারার মত আনাগোনা করচিস্ কেন ? যেন সাপ খেলিয়ে বেড়াচ্ছে ! কার্তিকের ওখানে ঠাই হলনা না কি ?

(সুরসভার মধ্যে মনসা ও শীতলার গ্রাম্য ভাষায় তুলুল কলহ)

ইন্দ্র । (শশব্যস্ত হইয়া একবার মনসা ও একবার শীতলার প্রতি)
ক্রোধ সম্বরণ কর ! ক্রোধ সম্বরণ কর ! অগ্নি অশ্রুতাত্ত্বলোচনে, অগ্নি
গলদেগীবন্ধে, অগ্নি বিগলিতকুলবসনে ! অগ্নি কোকিলজিতকূজিতে,
তারতর সপ্তম স্বরকে পঞ্চমস্বরে নম্র করিয়া আন ! অগ্নি কোপনে—

ঘেঁটু । (উত্তরীয় ধরিয়া ইন্দ্রকে আসনে বসাইয়া) তুমি এত ব্যস্ত
হও কেন দাদা ! ওদের এমন রোজ হয়ে থাকে ! থাক্ত ওলাবিবি,
তাহলে আরও জম্ত ! তার কি খাবার গোল হয়েছে তাই সে শচীর
সঙ্গে ঝগড়া করতে গেছে !

ইন্দ্র । (ব্যাকুলভাবে) হা সুরেন্দ্রবক্ষোবিহারিণী দেবী পোলোমী ।

(মনসার দ্রুতবেগে সভা ত্যাগ, এবং শীতলার পুনশ্চ চন্দ্রের পার্শ্বে
উপবেশন)

বীণাপাণির প্রবেশ ।

বীণা । দেবরাজ, কর্কশ কোলাহলে আমার দেববীণার স্বরস্থলন
হইতেছে, আমার কমলবন শুল্লপ্রায়, আমি দেবলোক হইতে বিদায়
গ্রহণ করিলাম । (প্রস্থান)

বৃহস্পতি । আমিও জননী বাণীর অঙ্গুগমন করি ! (প্রস্থান)

(অগ্নেবা ও মঘার সভাপ্রবেশ)

অগ্নেবা ও মঘা । (চন্দ্রের একাসনে শীতলাকে দেখিয়া) আজ

অপরূপ অভিনব সপ্তদশম কলায় দেব শশধরকে সমধিকতর শোভমান দেখিতেছি !

চন্দ্র । দেবীগণ, এই হতভাগ্যকে অকরুণ পরিহাসে বিড়ম্বিত করিবেন না । পুরুষরাহু আমাকে কেবল ক্ষণমাত্রকাল পরাভব করিতে পারে সেই আক্রোশে ঈর্ষান্বিত ভগবান একটি দ্বারাহু স্বজন করিয়াছেন ইহার পূর্ণগ্রাস হইতে আমি বহু চেষ্টায় আপনাকে মুক্ত করিতে পারিতেছি না !

অশ্লেষা । আর্য্যপুত্র, এই ভদ্র ললনা অনতিপূর্বে তোমার অস্ত্রপু্রে প্রবেশ পূর্বক তোমার শ্বশুরকুলকে উদ্ধতন চতুর্দশ পুরুষ পর্য্যন্ত অশ্রুতপূর্ব কুৎসা দ্বারা লাজ্জিত করিয়া আসিয়াছেন । দেবীর সেই আশ্চর্য্য ব্যবহারকে আমরা অধিকারবহির্ভূত উপদ্রব জ্ঞান করিয়া বিশ্বম্বাঘিত হইয়াছিলাম এক্ষণে স্পষ্ট বৃত্তিতে পাবিতেছি সোভাগ্যবতী তোমারই হস্তে সেই অবমাননের অধিকার প্রাপ্ত হইয়াছেন । এখন, আর্য্যপুত্রকে তাঁহার নবতব শ্বশুরকুলে বরণ করিয়া আমরা নক্ষত্রলোক হইতে বিচ্যুতিলাভের জন্য চলিলাম ! (শীতলার প্রতি) ভদ্রে, কল্যাণি, তোমার সোভাগ্য অক্ষয় হউক । (প্রস্থান)

শচীর প্রবেশ ।

ইন্দ্র । (সমস্ত্রমে আসন ত্যাগ করিয়া) আর্ঘ্যে, শুভ আগমন হউক !
যেঁটু । (উত্তরায় ধরিয়া ইন্দ্রকে সবলে আসনে উপবেশন করাইয়া)
ঈস্ ! ভারি খাতির যে ! মাইরি ; দাদা ঢের ঢের পুরুষ মানুষ দেখেছি
কিন্তু তোর মত এমন স্নেহ আমি দেখিনি !

(যেঁটুকে ইন্দ্রের বামপার্শ্বে শচীর নির্দিষ্ট স্থানে বসিতে দেখিয়া দূরে এক কোণে শচীদেবী কর্তৃক সামান্য এক আসন গ্রহণ ।)

যেঁটু । (শচীর অনতিদূরে গমন করিয়া সহাস্তে) বোঁঠাক্করণ,

আমার দাদাকে কি মন্তর পড়ে দিবেছ বল দেখি ! একেবারে শ্রীচরণের গোলাম করে রেখেছ ! তুমি উঠলে ওঠে, তুমি কসে বসে ! বলি, একটা কথাই কও ! (গান) “কথা কইতে দোষ কি আছে বিধুমুখী !”

ইন্দ্র । দেব ঘেঁটো, কিঞ্চৎ অবসর দিতে অমুমতি হউক ! দেবীর নিকট কিছু নিবেদন আছে !

ঘেঁটু । ঈস্ দেখো ! দেখো ! একটু কাছে এসে বসেছি তোমার যে আর গায়ে সহিল না—এতটা বাড়াবাড়ি কিছু নয়—কথায় বলে অতি-ভক্তি চোরের লক্ষণ ! কাজ নেই ভাই আবার শাপ দেবে । তোমরা দুজনে বোস আমি যাই । (বলপূর্ব্বক ইন্দ্রকে শটীর আসনে বসাইবার চেষ্টা) ।

ইন্দ্র । (ঘেঁটুকে দূরে অপসারণ করিয়া) দেব, তুমি আত্মবিস্মৃত হইতেছ !

ওলাবিবির প্রবেশ ।

ওলা । (শটীর প্রতি) তাই বলি যায় কোথায় ! অমনি বুঝি সোমামির কাছে নাগাতে এসেছ ! তা নাগাও না ! তোমার সোমামিকে আমি ডরাইনে !

শটী । (আসন হইতে উঠিয়া ইন্দ্রের প্রতি) দেবরাজ আমি জয়ন্তকে সঙ্গে লইয়া বিষ্ণুলোকে কিছুকাল লক্ষ্মীদেবীর আলয়ে বাস করিবার সংকল্প করিয়াছি । বহুকাল দেবীদর্শন ঘটে নাই ।

ইন্দ্র । আর্থ্যে, আমিও দেবীর অমুসরণ করিতেছি । বহুকাল পূজার অনবসরক্ৰমে চক্রপাণির নিকট অপরাধী হইয়া আছি ।

(উভয়ের প্রস্থান)

চন্দ্র । দেব সহস্রলোচন, বিষ্ণুলোকে আমারও বিশেষ আবশ্রুক আছে—লক্ষ্মীদেবী—। হায় ! বিপৎকালে বান্ধবেরাও ত্যাগ করিয়া যায় !

শীতলা । অমন হাঁড়িপানা মুখ করে আছ কেন ? অমন করে থাক ত ফেব কানমলা থাকবে !

চন্দ্র । ক্ষুরংকনকপ্রভে বিফুলোকে আমার বিস্তর বিলম্ব হইকেনা যদি অনুমতি কর ত দাস—

শীতলা । কেন কানমলা থাকবে ! (কানমলিতে উদ্ধত)

(মনসার পুনঃ প্রবেশ । শীতলার সহিত পুনরায়
কলহাবস্ত, ঘোঁটু, ওলা, মঙ্গলচণ্ডী প্রভৃতি
সকলের তাহাতে যোগদান ।)

চন্দ্র । আপনারা তবে ততক্ষণ মিথ্যলাপ করুন, দাস বিফুলোক
অভিমুখে প্রয়াণ করিতে ইচ্ছা করে ।

(দ্রুতপদে প্রস্থান ।)

বশীকরণ ।

প্রথম অঙ্ক ।

আশু ও অন্নদা ।

আশু । আচ্ছা অন্নদা, তুমি যেন ব্রাহ্মই হয়েছিলে, কিন্তু তাই বলে
জ্ঞী-পরিত্যাগ করতে গেলে কেন ? জ্ঞী ত তেত্রিশ কোটির মধ্যে একটিও
নয় ! ঐটুকু পৌত্তলিকতা—রাখলেও ক্ষতি ছিল না ।

অন্নদা । সে ত ঠিক কথা । জ্ঞী পরিত্যাগ করা যায়, কিন্তু জ্ঞীজাতি
ত বিদায় হন না,—জ্ঞীকে ছাড়লে জ্ঞীজাতি, বিশ্বব্যাপী হয়ে দেখা দেন
—জ্ঞীপুজার মাত্রা মনে মনে বেড়ে ওঠে ।

আশু। তবে ?

অন্নদা। তবে শোন। আমার শাকুড়ি ছিলেন না, খণ্ডর ভয়ঙ্কর হিন্দু ছিলেন। যখন শুন্লেন আমি ব্রাহ্ম হয়েছি, আমার স্ত্রীকে বিধবার বেশ পরিয়ে ব্রহ্মচারিণী কোরে কাশীতে গিয়ে বাস করলেন। তার পরে শুন্চি হিন্দুশাস্ত্রের সমস্ত দেবতাতেও তৃপ্তি হয় নি, তার উপরে অল্কট্, ব্লাভাট্‌স্কি, অ্যানি বেসাণ্ট্, হুস্মশরীর, মহাত্মা, প্লান্‌চেট্, ভূতপ্রেত, কিছুই বাদ যায় নি—

আশু। কেবল তুমি ছাড়া।

অন্নদা। আমাকে ব্রহ্মদৈত্য বলে বাদ দিলে।

আশু। তুমি তার আশা একেবারে ছেড়ে দিয়েছ ?

অন্নদা। আশার অপরাধ নেই—তার পশ্চাতে এত বড় বেজিমেন্ট্ লেগেছে, সে আর টিক্‌ল না! শুনেছি আমার খণ্ডর মারা গেছেন, এবং আমার স্ত্রী এখন পতিত উদ্ধার কোরে বেড়াচ্ছেন।

আশু। তুমি একবার চরণে পতিত হওগে না, যদি উদ্ধার করেন!

অন্নদা। ঠিকানাও জানিনে, প্রবৃত্তিও নেই।

আশু। তুমি কি এইরকম উড়ে উড়ে বেড়াবে ?

অন্নদা। না হে, সোনার খাঁচার সন্ধানে আছি।

আশু। খাঁচাওয়ালার অভাব নেই, তবে সোনা-জিনিষটা ছলভ বটে!

অন্নদা। আচ্ছা, আমার আলোচনা পরে হবে, কিন্তু তোমার কি বল দেখি? তোমার ত আইবড়লোকপ্রাপ্তির বিধান কোন শাস্ত্রেই লেখে না। তার বেলা চূপ! থিওসফিতে তোমাকে খেলে! মন্ত্রতন্ত্র, প্রাণায়াম, হঠযোগ, স্মৃষ্ণা-ইড়া-পিজলা, এ সমস্তই তোমাকে ছাড়ে, যদি বিবাহ কর!

আশু। তুমি মনে কর, আমি সবই অন্ধভাবে বিশ্বাস করি—তা

নয়। এ সমস্ত বিশ্বাসের যোগ্য কি না, তাই আমি পরীক্ষা কোরে দেখতে চাই! অবিশ্বাসকেও ত প্রমাণের উপর স্থাপন করতে হবে।

অন্নদা। বসে বসে তাই কর! মরীচিকা স্থাপনের জন্তে পাথরের ভিত্তি গাঁথ। আমি এখন চলেম।

আন্ত। কোথায় যাচ্ছ?

অন্নদা। শবসাধনায় নয়।

আন্ত। তা ত জানি।

অন্নদা। একটি সজীবের সন্ধান পেয়েছি।

আন্ত। তবে যাও! শুভকার্যে বাধা দেব না!

দ্বিতীয় অঙ্ক।

বাড়ীওয়াল। ও তাহার স্ত্রী।

স্ত্রী। মাতাজি যদি হবে, তবে অমন চেহারা কেন?

বাড়ীওয়াল। দেখতে শুনতে তাড়কা-রাক্ষসীর মত না হ'লেই বুঝি আর মাতাজি হয় না!

স্ত্রী। হবে না কেন! কিন্তু তা হ'লে কি এই সমর্থবয়সে স্বামীর ঘরে না থেকে তোমার মত বোকা ভোলাবার জন্তে মাতাজি-গিন্নি করতে বেরত? তা হ'লে কি পিতাজি তোমার মাতাজিকে ছাড়ত? আর এত টাকাই বা পেলে কোথায়?

বাড়ীওয়াল। ওগো, যারা যোগবিদ্যা জানে, তাদের যদি টাকা না হবে,—চেহারা না হবে, তবে কি তোমার হবে? রোস না,—ঔর কাছে মস্তুরটম্বরগুলো শিখে নেওয়া যাক না।

স্ত্রী। বুড়োবয়সে মস্তুর শিখে হবে কি শুনি? কাকে বশ করবে?

বাড়ীওয়াল। থাকে কিছুতেই বশ মানাতে পারলেম না!

স্ত্রী। তিনি কে?

বাড়ীওয়ালা। আগে বশ মানাই, তার পরে সাহস কোরে নাম বল্‌ব!

মাতাজির প্রবেশ।

মাতাজি। এ বাড়ীতে আমার থাকার সুবিধা হচ্ছে না। এর চেয়ে বড় বাড়ী আমাকে দিতে হবে।

বাড়ীওয়ালা। এ বাড়ী ছাড়া আমার আর একটিমাত্র বড় বাড়ী আছে। সেটা বড় বটে, কিন্তু—

মাতাজি। তা ভাড়া বেশি দেব, কিন্তু সেই বাড়ীতেই আমি কাল যেতে চাই।

বাড়ীওয়ালা। সবে পশুদিন সেখানে একটি ভাড়াটে এসেছে। একটি কোন্ সদরখালার বিধবা স্ত্রী,—পশ্চিম থেকে মেয়ের জন্তে পাত্র খুঁজতে এসে আমার সেই উনপঞ্চাশ নম্বরের বাড়ীতে উঠেছে।

মাতাজি। উনপঞ্চাশ নম্বর! ঠিক আমি যা চাই! তোমার এ বাড়ীর নম্বর ভাল নয়!

বাড়ীওয়ালা। বাইশ নম্বর ভাল নয় মাতাজি? কারণটা কি বুঝিয়ে বলুন।

মাতাজি। বুঝতে পারচ না—ছয়ের পিঠে দুই—

বাড়ীওয়ালা। ঠিক বলেছেন মাতাজি, ছয়ের পিঠে দুইই ত বটে! এতদিন ওটা ভাবি নি!

মাতাজি। দুইয়েতে কিছু শেষ হয় না, তিন চাই। দেখ না, আমরা কথায় বলি, দু তিন জন—

বাড়ীওয়ালা। ঠিক ঠিক, তা ত বলেই থাকি।

মাতাজি। যদি দুই বলেই চুকে যেত, তা হ'লে তার সঙ্গে আবার তিন বলব কেন? বুঝে দেখ!

বাড়ীওয়ালা। আমাদের কি বা বুদ্ধি, তাই বুঝ্‌ব! সবই ত জানতুম, তবু ত বুঝিনি!

মাতাজি। তাই, ঐ দুইয়ের পিঠে দুই বলেই আমার মস্ত কিছুই সফল হচ্ছে না!

স্ত্রী। (আশ্চর্য) বেঁচে থাক্ আমার দুইয়ের পিঠে দুই! মস্ত সফল হ'য়ে কাজ নেই!

মাতাজি। উনপঞ্চাশের মত এমন সংখ্যা আর হয় না!

বাড়ীওয়ালা। (জনান্তিকে) শুনুলে ত গিনি!

স্ত্রী। (জনান্তিকে) শুনে হবে কি! তোমার উনপঞ্চাশ যে অনেককাল হ'ল পেরিয়েছে!

বাড়ীওয়ালা। কিন্তু মাতাজিকে কি কালই সে বাড়ীতে যেতে হসে?

মাতাজি। কাল উনত্রিশে তারিখে মঙ্গলবার পড়েছে, এমন দিন আর পাওয়া যাবে না!

বাড়ীওয়ালা। ঠিক কথা! কাল উনত্রিশেও বটে, আবার মঙ্গল-বারও বটে! কি আশ্চর্য্য! তা হ'লে ত কালই যেতে হচ্ছে বটে! তা-ই ঠিক কোরে দেব! (মাতাজির প্রস্থান) এখন আমার সেই নতুন ভাড়াটেদের ওঠাই কি বোলে? বিদেশ থেকে এসেছে, হঠাৎ তারা এখন বাড়ীই বা পায় কোথায়?

স্ত্রী। তাদের আপাতত এই বাড়ীতে এনেই রাখ না! আমরা না হয় কিছুদিন ঝামাপুকুরে জামাইবাড়ী গিয়েই থাক্‌ব! তোমার ঐ মস্তর-জানা মেয়েমানুষকে এখানে রেখে কাজ নেই! বিদায় কোরে দাও! ছেলেপিলের ঘর, কার্‌ কথন্‌ অপরাধ হয়, বলা যায় কি!

বাড়ীওয়ালা। সেই ভাল। তাদের কোনরকম কোরে ভুলিয়ে-ভালিয়ে আজকের মধ্যেই উনপঞ্চাশ নম্বর থেকে বাইশ নম্বরে এনে ফেলা যাক্‌। বলি গে, পাড়ায় প্লেগ্‌ দেখা দিয়েছে, উনপঞ্চাশ নম্বরে প্লেগ্‌ হাঁসপাতাল বস্বে!

তৃতীয় অঙ্ক ।

আশু ও অন্নদা ।

অন্নদা । তোমার ঐ টাটকা-লঙ্কার ধোঁয়ায় নাকের জলে চোখের জলে করলে যে হে ! তোমার ঘরে আসা ছাড়তে হল !

আশু । টাটকা লঙ্কার ধোঁয়া তুমি কোথায় পেলে ?

অন্নদা । ঐ যে তোমার তর্কালঙ্কারের বকুনি ! লোকটা ত বিস্তর টিকি নাড়লে, মাথামুণ্ডু কিছূ পেলে কি ?

আশু । মাথামুণ্ডু নইলে গুধুটিকি নড়বে কোথায় ? কথাগুলো যদি শ্রদ্ধা কোরে শুনতে, তবে বুঝতে ।

অন্নদা । যদি বুঝতেম, তবে শ্রদ্ধা কর্তেম ! তুমি আশু ফিজিকাল সায়েন্সে এম্, এ, দিয়ে এলে—তুমি যে এত ঘন ঘন টিকিনাড়া বরদাস্ত করচ, এ যদি দেখতে পায়, তবে প্রেসিডেন্সি কলেজের চুণকাম-করা দেওয়ালগুলো বিনি খরচে লঙ্কার লাল হোয়ে ওঠে । আজ কথাটা কি হ'ল বুঝিয়ে বল দেখি !

আশু । পণ্ডিতমশায় পরিণয়তর ব্যাখ্যা করছিলেন ।

অন্নদা । তবুটা আমার জানা খুব দরকার হোয়ে পড়েছে । তর্কালঙ্কারমশায় বলছিলেন, বিবাহের পূর্বে কণ্ঠার সঙ্গে জানাশুনার চেষ্টা না করাই কর্তব্য । যুক্তিটা কি দিচ্ছিলেন, ভাল বোঝা গেল না ।

আশু । তিনি বলছিলেন, সকল জিনিষের আরম্ভের মধ্যে একটা গোপনতা আছে । বীজ মাটির নীচে অন্ধকারের মধ্যে থাকে, তার পরে অন্ধুরিত হ'লে তখন সূর্য্য-চন্দ্র-জল-বাতাসের সঙ্গে মুখোমুখি লড়াই করার সময় আসে । বিবাহের পূর্বে কণ্ঠার হৃদয়কে বিলাতী অন্ধকরণে বাইরে টানাটানি না কোরে, তাকে আচ্ছন্ন আবৃত রাখাই কর্তব্য । তখন তার উপরে তাডাতাড়ি দৃষ্টিক্ষেপ কমাতে যোয়া না । সে যখন স্বভাবতই

নিজে অঙ্কুরিত হোয়ে তার অর্ধমুকুলিত সলজ্জ দৃষ্টিটুকু গোপনে তোমার দিকে অগ্রসর করতে থাকবে, তখনি তোমার অবসর ।

অন্নদা । আমার অদৃষ্টে সে পরীক্ষা ত হ'য়ে গেছে । বিলাতী প্রথামতে, বিবাহের পূর্বে কন্ঠার হৃদয় নিয়ে টানাহেঁড়়া করিনি ;— হৃদয়টা এত অন্ধকারের মধ্যে ছিল যে, আমি তার কোন খোঁজ পাইনি, তার পরে অঙ্কুরিত হ'ল কি না হ'ল, তারো ত কোন ঠিকানা পেলেম না । এবারে উন্টোরকম পরীক্ষা করতে চলোঁছি, এবার আগে হৃদয়, তার পরে অন্ত কথা !

আশু । পরীক্ষার দিন কবে ?

অন্নদা । কাল ।

আশু । স্থান ?

অন্নদা । উনপঞ্চাশ নম্বর রাম বৈরাগীর গলি ।

আশু । নম্বরটা ত ভাল শোনাচ্ছে না !

অন্নদা । কেন ? উনপঞ্চাশ বাবুর কথা ভাবচ ? সে আনাকে উল্লাতে পাব্বে না —তুমি হলে বিপদ ঘট্বে ।

আশু । পাত্র ?

অন্নদা । কন্ঠার বিধবা মা তাকে পশ্চিম থেকে সঙ্গে কোরে এনেছে । আমি ঘটককে বলে রেখেছি যে, ভাল কোরে মেয়েটির সঙ্গে পরিচয় কোরে নিয়ে তবে বিবাহের কথা হবে ।

আশু । কিন্তু অন্নদা, শেষকালে বহুবিবাহে প্রবৃত্ত হলে !

অন্নদা । তোমাদের মত আমি নাম দেখে ভড়্কাই নে । যে বহুবিবাহের মধ্যে আর সমস্ত আছে, কেবল বহুটুকুই নেই, তাকে দেখে চম্কাও কেন ভাই !

আশু । তবু একটা প্রিন্সিপল আছে ত—বহুবিবাহকে বহুবিবাহ বলতেই হইবে ।

অন্নদা । আমার নামমাত্র স্ত্রী যেখানে আছে, প্রিন্সিপলও সেইখানে আছে । সে স্ত্রীও আসচে না, প্রিন্সিপলও রইল—অতএব এখন আমি ডক্কা মেরে বহুবিবাহ করব, প্রিন্সিপল-জুজুকে ডরাব না !

রাধাচরণের প্রবেশ ।

রাধা । আত্তবাবু !

আত্ত । কি হে রাধে !

রাধা । সেদিন আপনি আমার সঙ্গে মস্ত নিয়ে তর্ক করলেন—এক একটা শব্দের যে একএকপ্রকার বিশেষ ক্ষমতা আছে, আমার বোধ হল আপনি যেন তা সম্পূর্ণ বিশ্বাস করেন না ।

অন্নদা । বল কি রাধে—তা হলে আত্তর অবিশ্বাস করার ক্ষমতা এখনো সম্পূর্ণ লোপ হয় নি—এখনো দুটো একটা জায়গায় ঠেকচে ! শব্দের মধ্যে শক্তি আছে, এ কথা বাঙালীর ছেলে বিশ্বাস কর না ।

রাধা । বলুন ত অন্নদাবাবু ! তা হ'লে মারণ, উচাটন, বশীকরণ, এগুলো কি বেবাক্ গাঁজাখুরি !

অন্নদা । তাও কি কখনো হয় ? সংসারে কি এত গাঁজার চাষ হতে পারে !

রাধা । পশ্চিম থেকে একজন যোগসিদ্ধ মাতাজি এসেছেন । শুনেছি তিনি মন্ত্রের বল একেবারে প্রত্যক্ষ দেখিয়ে দিতে পারেন । দেখতে গিয়েছিলেম, কিন্তু সকলকে তিনি দেখা দেন না ; বলেছেন, যোগ্য লোক পেলো তাকে তিনি তাঁর সমস্ত বিদ্যে দেখিয়ে দেবেন । আত্তবাবু, আপনি চেষ্টা করলে নিশ্চয় বিফল হবেন না ।

আত্ত । তিনি থাকেন কোথায় ?

রাধা । বাইশনম্বর ভেড়াতলায় ।

অন্নদা । বাইশনম্বরটা উনপঞ্চাশের চেয়ে ভাল হ'তে পারে, কিন্তু

জারগাটা ভাল . ঠেক্চে না! একে বন্দীকরণ-বিভে, তার উপরে তেড়াভলা! মাতাজির কাছে মুণ্ডুজিটি খুইয়ে এসো না!

আন্ত। আরে ছি! কি বকো, তার ঠিক নেই! তাঁরা হলেন সাধু স্বালোক, সেখানে মুণ্ডুর ভাবনা ভাবতে হয় না। তুমি বুঝেছো উনপঞ্চাশে পা বাড়িয়ে।

অন্নদা। তুমি ভাব্চ বাইশ একেবারেই নির্ঝি! তা নয় হে! বিশের উপরেও হুইমাত্রা চড়িয়ে তবে বাইশ! আপাদমস্তক জর্জর হয়ে ফিস্বে!

চতুর্থ অঙ্ক।

বাইশ নম্বরে কস্তার বিধবা মাতা শ্যামানন্দরী।

শ্যামা। পেলেগ্ শুনে ভয়ে বাঁচিনে! তাড়াতাড়ি কোরে পালিয়ে ত এলুম! কিন্তু অন্নদা বোলে ছেলোটর আজ যে সেই উনপঞ্চাশ নম্বরে আসবার কথা আছে, সে কি সেখান থেকে চিনে ঠিক এখানে আসতে পারবে? এত কোরে খাওয়াদাওয়ার জোগাড় করলেম্, সব মাটি হবে না ত? যে তাড়াটা লাগালে, একবার খবর দেবার সময় দিলে না! ঘটক বলেছে, ছেলোট আমার নিরুপমাকে ভাল কোরে দেখে-শুনে নিতে চায়, ওর পড়াশুনো গানবাজনা সব পরীক্ষা করবে—তা করুক! কর্তা ত নিরুপমাকে সেই রকম কোরেই শিখিয়েচেন! বরাবর পশ্চিমে ছিলেন, আমাদের কখনো ত বন্ধ কোরে রাখেন নি! তবু কলকাতার ছেলে কি রকম জানিনে! ভয় হয়! আমাদের ধরণধারণ দেখে হয় ত অভদ্র মনে করবে! তারা মেয়ের সঙ্গে শেক্‌ছাও করে না কি, কে জানে! হয় ত ইংরাজিতে গুড্‌মর্নিং বলে। শুনেচি তাদের নিজের হাতে চুরট জালিয়ে দিতে হয়—এ সব ত পারব না! ঘটক বলে, ছেলোট ছাট্‌কোট পুরে! আমার মেয়ে আবার কিরিরিজির সাজ হ'চক্কে

দেখতে পারে না ! কি রকম যে হবে, বুঝতে পারছি নে ! মন্ত্র পড়ে
বিরে করতে রাজি হবে ত ?

ভূত্যের প্রবেশ ।

ভূত্য । মা ঠাকরুণ, একটি বাবু এসেছেন । আমি তাঁকে বল্লম,
বাড়ীতে পুরুষমানুষ কেউ নেই । তিনি বল্লেন, তিনি মার সঙ্গেই দেখা
করতে এসেছেন ।

শ্যামা । তবে ঠিক হয়েছে । সেই ছেলেটা এসেছে । তাকে নিয়ে
আয় । (ভূত্যের প্রস্থান) ভয় হচ্ছে—কল্কাতার ছেলে, তাব সঙ্গে কি
রকম কোরে চলতে হবে ! কি জানোয়ারই মনে কব্বে !

আশুর প্রবেশ ।

(শ্রামাস্থানুরীর পায়ের কাছে একটি গিনি রাখিয়া
আশুর ভূমিষ্ঠ হইয়া প্রণাম ।)

শ্রামা । (স্বগত) এ যে প্রণামী দিয়ে প্রণাম করলে গো ! এ ত শেক-
হাঁও করে না ! বাঁচালে ! লক্ষী ছেলে ! কেমন ধুতিচাদর পরে এসেছে ।

আশু । মাতাজি, আমাকে যে আপনি দর্শন দেবেন, এ আমি আশা
করিনি ! বড় অমুগ্রহ করেচেন !

শ্রামা । (স্নেহে সপুলকে) কেন বাবা, তুমি আমার ছেলেব মত,
তোমাকে দেখা দিতে দোষ কি !

আশু । স্নেহ রাখবেন । আশীর্বাদ করবেন, এই অমুগ্রহ থেকে
কখনো বঞ্চিত না হই !

শ্রামা । বাবা, তোমার কথা শুনে আমার কান জুড়োলো—আমি
নিশ্চয় অনেক তপস্তা করেছিলাম, তাই—

আশু । মাতাজি, আপনি তপস্তার দ্বারা যে নিরুপমা-সম্পদ লাভ
করেচেন, আমাকে তার—

শ্রামা। তোমাকে দেবার জন্তেই ত প্রস্তুত হয়ে এসেছি। অনেক সন্ধান কোরে যোগ্যপাত্র পেয়েছি—এখন দিতে পারলেই ত নিশ্চিত হই।

আন্ত। (শ্রামার পদধূলি ধইরা) মাতাজি, আমাকে কৃতার্থ করলান—এত সহজেই বে ফললাভ করব, এ আমি স্বপ্নেও জানতুম না।

শ্রামা। বল কি বাবা, তোমার আগ্রহ যত, আমার আগ্রহ তত চেয়ে বেশি।

আন্ত। তা হ'লে বে কামনা কোরে এসেছিলেম, আজ কি তার কিছু পরিচয়—

শ্রামা। পরিচয় হবে বৈ কি বাবা, আমার তাতে কোন আপত্তি নেই—

আন্ত। আপত্তি নেই মাতাজি? শুনে বড় আরাম পেলেম—

শ্রামা। দেখাওনা সমস্তই হবে বাবা, আগে কিছু ধেরে নাও!

আন্ত। আবার খাওয়া! আপনি আমাকে বখার্ব জননীর মতই বেরে দেখালেন!

শ্রামা। তুমিও আমাকে মার মতই দেখবে, এই আমার প্রার্থনা। ইচ্ছা—আমার ত ছেলে নেই, তুমিই আমার ছেলের মত থাকবে।

আহার্য লইয়া ভৃত্যের প্রবেশ।

আন্ত। করেচেন কি? এত আয়োজন?

শ্রামা। আয়োজন আর কি করগেম? আজই ঠিক আস্তে পারবে কি না, মনে একটু সন্দেহ ছিল, তাই—

আন্ত। সন্দেহ ছিল? আপনি কি জানতেন, আমি আসব?

শ্রামা। তা জানতেন বৈ কি।

আন্ত। (আশ্চর্য) কি আশ্চর্য! আমাকে না জেনেই আমার জন্তে পূর্ব হতেই অপেক্ষা করছিলেন? তবু অন্নটা যোগবলে বিশ্বাস

করে না! তাকে বলে বোধ হয় ঠাট্টা করেই উড়িয়ে দেবে! (আহানে প্রবৃত্ত)

শ্রামা। (আত্মগত) ছেলোট সোনার টুকরো! যেমন কাণ্ডিকের মত দেখতে, তেমনি মধুঢালা কথা! আমাকে প্রথম থেকেই মাতাজি বলে ডাকতে। পশ্চিম থেকে এসেছি কি না, তাই বোধ হয় মা না বলে মাতাজি বলে। (প্রকাশ্যে) কিছুই খেলে না যে বাবা?

আশু। আমার যা সাধ্য, তার চেয়ে বরঞ্চ বেশিই খেয়েছি মাতাজি।

শ্রামা। তা হ'লে একটু বোস—আমি ডেকে নিয়ে আসি। (প্রস্থান)

আশু। রাখে বলেছিল বটে, মাতাজি কুমারী কল্লার দ্বারা মস্তুর ফল দেখিয়ে থাকেন। বশীকরণ-বিদ্যায় আমার একটু বিশ্বাস জন্মাচ্ছে। এরি মধ্যে মাতাজির মাতৃস্নেহে আমার চিত্ত কেমন যেন আর্দ্র হয়ে এসেছে। আমার মা নেই, মনে হচ্ছে যেন মাকে পেলেম! এ কোন্ মস্তবলে কে জানে! মাতাজি স্নিগ্ধ দৃষ্টি দ্বারা আমার সমস্ত শরীর যেন অভিযুক্ত কোরে দিয়েছেন। প্রথম দেখাতেই উনি যে আমাকে তাঁর পুত্রস্থানীর করে নিয়েছেন, এ যেন পূর্বজন্মের একটা সঞ্চয়ের স্মৃতি।

নিরুপমাকে লইয়া শ্যামার প্রবেশ।

আশু। (স্বগত) আহা কি সুন্দর! মাতাজির বশীকরণ-বিদ্যা যেন মূর্তিমতী! এঁর মুখে কোন মন্ত্রই বিফল হতে পারে না।

শ্রামা। যাও, লজ্জা কোরো না মা! উনি যা জিজ্ঞাসা করেন, উত্তর দিয়ো!

আশু। লজ্জা করবেন না! মাতাজি আমার প্রতি যে-রকম অনুগ্রহ প্রকাশ করেচেন, আপনিও আমাকে আপনার লোকের মতই দেখবেন। (আত্মগত) মেয়েটি কি লাজুক! আমার কথা শুনে আরো যেন লাল হয়ে উঠল।

শ্রামা। বাবা, তোমার ইচ্ছামত ওকে জিজ্ঞাসাপত্র কর ।

আশু। আপনার কোন্ কোন্ বিজ্ঞান অধিকার আছে, জানতে উৎসুক হ'য়ে আছি।

শ্রামা। বয়স অল্প, বিজ্ঞা কতই বা বেশি হবে—তবে—

আশু। যত অল্পই হোক মাতাজি, আমাদের মত লোকের পক্ষে যথেষ্ট হবে।

শ্রামা। (আশ্চর্য) বিজ্ঞান কোন পরিচর না পেয়েই বখশ এত সন্তুষ্ট, তখন মেয়েকে পছন্দ করেচে বলেই বোধ হচ্ছে। বাঁচা গেল, আমার বড় ভাবনা ছিল। (প্রকাশে) নিরু, একটি গান শুনিরে দাও ত মা !

আশু। গান ! এ আমার আশার অতীত ! আপনি বোধ হয় পূর্বে থেকেই জানেন, গানের চেয়ে আমি কিছুই ভাল বাসিনে। (স্বগত) অল্পদার মত এত বড় সন্দেহী, সে থাকলে আজ যোগের বল প্রত্যক্ষ কর্ত্তে পারত ! (প্রকাশে নিরুপমার প্রতি) আপনারা আমাকে একদিনেই চিরঞ্জী করেচেন—যদি গান করেন, তবে বিক্রীত হয়ে থাকব !

(নিরুপমার গান)

কাফি—ঝাঁপতাল ।

(আমি) কি বলে' করিব নিবেদন

আমার হৃদয় প্রাণমন !

ভিত্তে এসে দল্ল করি' নিজে লহ অপহরি'

কর তারে আপনার ধন—

আমার হৃদয় প্রাণমন ॥

তুখু ধূলি তুখু হাই মূল্য বার কিছু নাই
মূল্য তারে কর সমর্পণ
তব স্পর্শে পরশরতন।

তোমার গৌরবে হবে আমার গৌরব হবে
একেবারে দিব বিসর্জন
চরণে ছদয় প্রাণমন ॥

আত। (স্বগত) আর মস্তের দরকার নেই। বশীকরণের আর
কি বাকি রইল! কত্কাটি দেবকত্কা! (প্রকাশ্যে) মাতাজি!

শ্রামা। কি বাবা!

আত। আমাকে আপনার পুত্র কোরেই রাখবেন, এমন স্ত্রধাসঙ্গীত
লেন্‌বার অধিকার থেকে বঞ্চিত করবেন না। যা পাওয়া গেল, এই
আমি পরম লাভ মনে করছি। মস্ততন্ত্রের কথা ভুলেই গেছি। এখন
বুঝতে পারছি, মস্তের কোন দরকারই নেই!

শ্রামা। অমন কথা বোলো না বাবা! মস্তের দরকার আছে বৈ
কি! নইলে শাস্ত্রে—

আত। সে ত ঠিক কথা! মস্ত আমি অগ্রাহ্য করি নে। আমি
বলছিলাম, মস্ত পড়লেই যে মন রশ হয়, তা নয়, গানের মোহিনী শক্তির
কাছে কিছুই লাগে না। (স্বগত) মেয়েটি আবার লজ্জায় লাল হ'য়ে
উঠল! ভারি লাজুক!

শ্রামা। (আত্মগত) ছেলেটি খুব ভাল! কিন্তু একটু যেন লজ্জা
কম বলে' বোধ হয়! মন বশ করার কথাগুলো শাণ্ডিড়ির সামনে না
বলেই ভাল হত।

আত। কিন্তু আপনি বিরক্ত হবেন না, আমার যা মনে উদয় হচে
আমি বলি, তার পরে—

শ্রামা। তা বাবা, সে সব কথা এখন থাক! আগে—

আমি বলছিলাম, পান্নে যেমন বন হয়, সেও ত শব্দমাত্র—
মনের সঙ্গে তার যদি যোগ থাকে, তা হলে মস্তের শব্দশক্তিকেই বা না
মাসি কি খোলে ?

শ্রামা। ঠিক কথা। মস্তটা মানাই ভাল !

আমি। (সোৎসাহে) আপনার কাছে এ সব কথা বলা আমার
পক্ষে ধৃষ্টতা, কিন্তু শাকী শক্তির সঙ্গে আত্মার যে একটি নিগূঢ় যোগ আছে,
তার স্বরূপ নিরূপণ করা কঠিন, —তর্কালঙ্কারমশায় বলেন, সে অনির্ক-
চনীয়। শাস্ত্রে যে বলে শব্দ ব্রহ্ম, তার কারণ কি ? ব্রহ্মই যে শব্দ বা
শব্দই যে ব্রহ্ম, তা নয়—কিন্তু ব্রহ্মের ব্যবহারিক সত্তার মধ্যে শব্দস্বরূপই
ব্রহ্মের সব চেয়ে যেন নিকটতম। (নিরূপমার প্রেতি) আপনি ত এ
সকল বিষয় অনেক আলোচনা করেছেন—আপনার কি মনে হয় না,
রূপরস-গন্ধ-স্পর্শের চেয়ে শব্দই যেন আমাদের আত্মার অব্যবহিত প্রত্যক্ষের
বিষয়। সেই জন্তেই এক আত্মার সঙ্গে আর এক আত্মার মিলন-সাধনের
প্রধান উপায় শব্দ। আপনি কি বলেন ? (স্বগত) মেয়েটি ভাবি লাফুক।

শ্রামা। বল না মা, যা জিজ্ঞাসা কর্চেন বল ! এত বিজ্ঞে শিখলে,
এই কথাটার উত্তর দিতে পার্চ না ? বাবা, প্রথমদিন কি না, তাই লজ্জা
কর্চেন। ও যে কিছু শেখে নি, তা মনে কোরো না।

আমি। ওর বিচার উজ্জলতা মুখশ্রীতেই প্রকাশ পাচ্ছে। আমি
কিছুমাত্র সন্দেহ কর্চিনি।

শ্রামা। নিরু, মা, একবার ও-ঘরে যাও ত। (নিরূপমার প্রস্থান)
দেখ বাবা, মেয়েটির বাপ নেই, সকল কথা আমাকেই কইতে হচ্ছে—তুমি
কিছু মনে কোরো না।

আমি। মনে কর! বলেন কি ? আপনার কথা শুনেই ত
এসেছিলাম—বাচ্চালের মত কেবল নিজেই কতকগুলো বোকে গেলেম।
আমাকে মাপ করবেন।

শ্রামা। তোমার যদি মত থাকে, তা হ'লে একটা দিন স্থির করতে হচ্ছে ত !

আমু। (স্বগত) আমি ভেবেছিলাম, আজই সমস্ত হ'য়ে যাবে। কিন্তু আজ বৃহস্পতিবার, তাই বোধ হয় হ'ল না। (প্রকাশ্যে) তা আস্তে রবিবারেই যদি স্থির করেন !

শ্রামা। বল কি বাবা ! আজ বৃহস্পতিবার, মাঝে ত কেবল দুটো দিন আছে !

আমু। এর জন্তে কি অনেক আয়োজনের দরকার হবে ?

শ্রামা। তা হবে বৈ কি বাবা—যথাসাধ্য করতে হবে। তা ছাড়া, পাঁজি দেখে একটা শুভদিন স্থির করতে হবে ত।

আমু। তা বটে, শুভদিন দেখতে হবে বৈ কি ! আসল কথা, যত শীঘ্র হয় ! আমার ঘে-রকম আগ্রহ, ইচ্ছে হচ্ছে, এই মুহূর্তেই—

শ্রামা। তা আমি অনর্থক দেরি করব না বাবা। আস্তে অত্যাশ-মাসেই হ'য়ে যাবে। মেয়েটিরও বিবাহযোগ্য বয়স হ'য়ে এসেছে, শুকেও ত আর রাখা যাবে না।

আমু। ঠিক বিবাহ হ'য়ে গেলেই বুঝি—

শ্রামা। তা হলেই আবার আমি কাশীতে ফিরে যেতে পারি।

আমু। তা হ'লে তার আগেই আমাদের—

শ্রামা। সব ঠিক কোরে নিতে হবে।

আমু। তবে দিনক্ষণ দেখুন !

শ্রামা। তুমি ত রাজি আছ বাবা !

আমু। বিলক্ষণ ! রাজি যদি না থাকুবো ত এখানে এলেম কেন ! আপনাকে নিয়ে কি আমি পরিহাস করছি ! আমার সে-রকম স্বভাব নয়। আমি এখনকার ছেলেদের মত এ সকল বিষয় নিয়ে ভাবনা-করিনে !

শ্রামা। তোমার আর মত বদলাবে না!

আণ্ড। কিছুতেই না! আপনার পদস্পর্শ কোরে আমি বলছি, আপনার কাছ থেকে যা গ্রহণ করতে এসেছি, তা আমি গ্রহণ কোরে তবে নিরস্ত হব!

শ্রামা। দেওয়া-খোওয়ার কথা কিছু হল না যে!

আণ্ড। আপনি কি চান বলুন।

শ্রামা। আমি কি চাইব বাবা! তুমি কি চাও, সেইটে বল!

আণ্ড। আমি কেবল বিত্তে চাই, আর কিছু চাই নে!

শ্রামা। (স্বগত) ছেলেটি কিন্তু বেহায়া, তা বলতেই হবে! ছি ছি ছি, বিত্তেন্দ্রের কথা আমার কাছে পাড়লে কি কোরে! আমার নিককে বলে কি না বিত্তে! (প্রকাশ্যে) তা হ'লে পানপত্রটার কথা কি বল বাবা!

আণ্ড। (স্বগত) পানপত্র! এঁর দেখছি সমস্তই শক্তমতে। এদিকে কুমারী কত্তা, তার পরে আবার পানপত্র! এইটে আমার ভাল ঠেকচে না! (প্রকাশ্যে) তা মাতাজি, আপনি কিছু মনে করবেন না— অবশ্য যে কাজের যা অঙ্গ, তা করতেই হয়—কিন্তু ঐ যে পানপত্রের কথা বলেন, ওটা ত আমার দ্বারা হবে না।

শ্রামা। বাবা তোমরা এ কালের ছেলে, তোমরা ওটাকে অসভ্যতা মনে কর, কিন্তু আমি ত ওতে কোন দোষ দেখিনে—

আণ্ড। আপনি ওতে কোন দোষই দেখেন না? বলেন কি মাতাজি?

শ্রামা। তা না হয়, পানপত্র রইল, ওর অস্ত্রে কিছু আটকাবে না, এখন বিবাহের কথা ত পাকা?

আণ্ড। কার বিবাহের কথা!

শ্রামা। তুমি আমাকে অবাক করলে বাপু! এতক্ষণ কথাবার্তার পর জিজ্ঞাসা করচ, কার বিবাহের কথা! তোমারি ত বিবাহের কথা হচ্ছিল

—কেবল পানপত্রের কথা শুনেই তুমি চমকে উঠলে। তাঁ পানপত্র না হয় না-ই হ'ল।

আশু। (হতবুদ্ধিভাবে) ও, হ্যাঁ, তা বুঝেছি, তাই হচ্ছিল বটে! (স্বগত) মস্ত একটা কি ভুল হ'য়ে গেছে। না বুঝে একেবারে জড়িয়ে পড়েছি। কি করা যার! (প্রকাশ্যে) কিন্তু এত তাড়াতাড়ি কিসের, আর-এক-দিন এ সব কথা খোলসা কোরে আলোচনা করা যাবে! কি বলেন?

শ্রামা। খোলসার আর কি বাকি রেখেচ বাবা! আর-এক-দিন এর চেয়ে আর কত খোলসা হবে। তাড়াতাড়ি ত তুমিই করছিলে! আস্তে রবিবারেই তুমি দিনস্থির করতে চেয়েছিলে!

আশু। তা চেয়েছিলেম বটে।

শ্রামা। তুমি দেখাশুনা করতে চাইলে বলেই আমি মেয়েকে তোমার সাক্ষাতে বের করলুম; তার গানও শুন্লে—এখন পানপত্রের কথা শুনেই যদি বঁকে দাঁড়াও, তা হ'লে ত আমার আর মুখ দেখাবার জো থাকবে না। তোমাকেই বা লোকে কি বলবে বাবা! ভদ্রলোকের মেয়ের সঙ্গে এমন ব্যবহার কি ভাল? আমার নিরু তোমার কাছে কি দোষ করেছিল যে (ক্রন্দন)—

নিরুপমার দ্রুত প্রবেশ।

নিরুপমা। মা, কি হয়েছে মা, অমন কোরে কাঁদচ কেন?

আশু। (স্বগত) কি সর্বনাশ! আমাকে এঁরা সবাই কি মনে করবেন না জানি! (প্রকাশ্যে) কিছুই হয় নি, আমি সমস্তই ঠিক কোরে দিচ্ছি। আপনারা কারাকাটি করবেন না। শুভকর্মে ওতে অমঙ্গল হয়। (শ্রামার প্রতি) তা, আপনি একটা দিন স্থির করে দিন—আমার ভাগে কোন আপত্তি নেই।

শ্রীমা। তা বাবা যদি ভাল দিন হয়, তা হ'লে তুমি যা বলেছিলে, আস্তে রবিবারেই হোয়ে যাক। আমার আয়োজনে কাজ নেই। এই কটা দিন তোমার মত স্থির থাকলে বাঁচি।

আণ্ড। অমন কথা বলবেন না—আমার মতের কখনো নড়চড় হয় না।

শ্রীমা। আমার পা ছুঁয়ে ত তাই বলেওছিলে, কিন্তু দশমিনিট না যেতেই এক পানপত্রের কথা শুনেই তোমার মত বদলে গেল।

আণ্ড। তা বটে। পানপত্রটা আমি আদবে পছন্দ করি না—

শ্রীমা। কেন বল ত বাবা ?

আণ্ড। তা ঠিক বলতে পার্চিনে—ওই আমার কেমন—বোধ হয়, ওটা—কি জানেন, পানপত্রটা যেন—কে জানে ও কথাটাই কেমন—হঠাৎ শুন্লে কি যেন—তা এই বাড়ীটাব নম্বব কি বলুন দেখি !

শ্রীমা। ওঃ, তাই বুঝি ভাব্চ! আমরা তোমাকে ভাঁড়াচি নে বাবা! আমরাই উনপঞ্চাশ নম্বরে ছিলুম, কাল এই বাইশ নম্বরে উঠে এসেচি। যদি মনে কোন সন্দেহ থাকে, উনপঞ্চাশ নম্বরে বরঞ্চ একবার খোঁজ কোরে আসতে পার।

আণ্ড। (স্বগত) উঃ, কি ভুলই করেছি! যা হোক, এখন একটা পরিব্রাজকের রাস্তা পাওয়া গেছে। অন্নদাকে এনে দিলেই সমস্ত গোল মিটে যাবে! যা হোক, অন্নদাব অদৃষ্ট ভাল। একএকবার মনে হচ্ছে, ভুলটা শেষ পর্যন্ত টেনে নিয়ে গেলে মন্দ হয় না।

শ্রীমা। কি বাবা! এত ভাব্চ কেন? আমরা তদ্রঘের মেয়ে—তোমাকে ঠকাবার জন্তে পশ্চিম থেকে এখানে আসিনি।

আণ্ড। ও কথা বলবেন না, আমার মনে কোন সন্দেহ নেই। এখন আমি যাচ্ছি—প্রকৃষ্ণটার মধ্যে ফিরে আসব—আজকের দিনের মধ্যেই একটা সন্তোষজনক সন্দেহান্ত করবই। এ আমি আপনার পা ছাড়ে শপথ কোরে যাচ্ছি।

শ্যামা । বাবা, ও শপথে কাজ নেই—পা ছুঁয়ে আরো একবার শপথ করেছিলেন—

আণ্ড । আচ্ছা, আমি আমার ইষ্টদেবতার শপথ কোরে বাচ্চি, আজকের মধ্যেই সমস্ত পাকা কোরে তবে অল্প কথা ।

শ্যামা । (স্বগত) ছেলেটি কথাবার্তার বেশ, কিন্তু ওকে কিছুই বুঝবার জো নেই ! কখনো বা তাড়া দেয়, কখনো বা ঢিল দেয়, অথচ মুখ দেখে ওর প্রতি অবিশ্বাসও হয় না ।

আণ্ড । তবে অমুমতি করেন ত এখন আসি !

শ্যামা । তা এস বাবা । (প্রণাম করিয়া আণ্ডের প্রস্থান)

পঞ্চম অঙ্ক ।

অন্নদা ।

অন্নদা । ব্যাপারখানা ত কিছুই বুঝতে পারলেম না । ঘটকের কথা শুনে এলেম কত্না দেখতে । যিনি দেখা দিলেন, তাঁকে ত বয়স দেখে কোনমতেই কতার মা বলে' বোধ হয় না—চেহারা দেখে বোধ হ'ল অঙ্গরী—যদি চ অঙ্গরীর চেহারা কি-রকম, পূর্বে কখনো দেখিনি । শেকুহাও করতে যেমনি হাত বাড়িয়ে দিয়েছি, অমনি ফস কোরে আমার হাতে কড়িবাঁধা একগাছি লাল সূতো বেঁধে দিলে । আর কেউ হ'লে গোলমাল করতেম—কিন্তু যে সুন্দর চেহারা, গোলমাল করবার জো কি । কিন্তু এ সমস্ত কোন্-দেশী দস্তুর, তা ত বুঝতে পারচিনে ।

মাতাজির প্রবেশ ।

মাতাজি । (স্বগত) অনেক সন্ধান কোরে তবে পেয়েছি । আগে আমার গুরুদত্ত বসীকরণ-মন্ত্রটা খাটাই, তার পরে পরিচয় দেব । (অন্নদার কপালে নরকপাল ঠেকাইয়া) বল. চরলিং ।

অন্নদা । হরলিং ।

মাতাজি । (অন্নদার গলার জবাব মালা পরাইয়া) বল, কুড়বং কড়বং কড়াং !

অন্নদা । (স্বগত) ছি ছি ভারি হাতকর হ'য়ে উঠছে । একে আমার কোটের উপর জবাব মালা, তার উপরে আবার এই অস্তুত-শব্দগুলো উচ্চারণ !

মাতাজি । চুপ কোরে রইলে যে !

অন্নদা । বল্চি । কি বলছিলেন বলুন !

মাতাজি । কুড়বং কড়বং কড়াং !

অন্নদা । কুড়বং কড়বং কড়াং (স্বগত) রিডিক্লাস !

মাতাজি । মাথাটা নীচু কর । কপালে সিঁদূর দিতে হবে !

অন্নদা । সিঁদূর ! সিঁদূর কি এই বেশে আমাকে ঠিক মানাবে !

মাতাজি । তা জানিনে, কিন্তু ওটা দিতে হবে ! (অন্নদার কপালে সিঁদূর লেপন) ।

অন্নদা । ইস্, সমস্ত কপালে যে একেবারে লেপে দিলেন !

মাতাজি । বল বজ্রযোগিষ্ঠে নমঃ । (অন্নদার অনুরূপ আবৃত্তি) প্রণাম কর । (অন্নদাকর্তৃক তথাক্রম) বল কুড়বে কড়বে নমঃ ! প্রণাম কর ! বল হরলিঙে ঘুরলিঙে নমঃ ! প্রণাম কর !

অন্নদা । (স্বগত) প্রহসনটা ক্রমেই জমে উঠছে !

মাতাজি । এইবার মাতা বজ্রযোগিনীর এই প্রসাদী বস্ত্রখণ্ড মাথায় বাধ ।

অন্নদা । (স্বগত) এই শালুর টুকরোটা মাথায় বাধতে হবে ! ক্রমেই যে বাড়াবাড়ি হ'তে চল্ল ! (প্রকাণ্ডে) দেখুন, এর চেয়ে বরঞ্চ আমি পাগড়ি পরতেও রাজি আছি—এমন কি, বাঙালিবাবুয়া যে টুপি পরে, তাও পরতে পারি—

মাতাজি । সে সমস্ত পরে হবে, আপাতত এইটে জড়িয়ে দিই ।

অন্নদা । দিন্ !

মাতাজি । এইবার এই পিড়িটাতে বসুন্ !

অন্নদা । (স্বগত) মুন্সিলে ফেল্লে । আমি আবার ট্রাউজার্স পোরে এসেছি । যাই হোক, কোনমতে বসতেই হবে ! (উপবেশন)

মাতাজি । চোখ বোজ । বল, খটকারিণী, হঠবারিণী, ঘটসারিণী, নটতারিণী ক্রং ! প্রণাম কর । (অন্নদার তথাকরণ) কিছু দেখতে পাচ্চ ?

অন্নদা । কিছু না ।

মাতাজি । আচ্ছা, তা হ'লে পুন্মুখো হ'য়ে বস—ডান কানে হাত দাও । বল খটকারিণী, হঠবারিণী, ঘটসারিণী, নটতারিণী ক্রং । প্রণাম কর । এবার কিছু দেখতে পাচ্চ ?

অন্নদা । কিছুই না ।

মাতাজি । আচ্ছা তা হ'লে পিছন ফিরে বস ! দুই কানে দুই হাত দাও ! বল খটকারিণী হঠবারিণী ঘটসারিণী নটতারিণী ক্রং । কিছু দেখতে পাচ্চ ?

অন্নদা । কি দেখতে পাওয়া উচিত, আগে আমাকে বলুন্ ?

মাতাজি । একটা গর্দভ দেখতে পাচ্চ ত ?

অন্নদা । পাচ্চি বৈ কি ! অত্যন্ত নিকটেই দেখতে পাচ্চি ।

মাতাজি । তবে মস্ত ফলেচে । তার পিঠের উপরে—

অন্নদা । হাঁ হাঁ তার পিঠের উপরে একজনকে দেখতে পাচ্চি বৈ কি !

মাতাজি । গর্দভের দুই কান দুই হাত চেপে ধরে'—

অন্নদা । ঠিক বলেচেন, কোসে চেপে ধরেচে—

মাতাজি । একটি সুন্দরী কস্তা —

অন্নদা । পরমা সুন্দরী—

মাতাজি । দৈশানকোণের দিকে চলেচেন—

অন্নদা । দিক্‌ভ্রম হোয়ে গেছে—কোন কোণে যাচ্ছেন, তা ঠিক বলতে পার্‌চিনে ! কিন্তু ছুটিয়ে চলেছেন বটে । গাধাটার হাঁক ধরে' গেল !

মাতাজি । ছুটিয়ে যাচ্ছেন না কি ? তবে ত আর একবার—

অন্নদা । না, না, ছুটিয়ে যাবেন কেন—কি-রকম বাওয়াটা আপনি স্থির করছেন বলুন দেখি ?

মাতাজি । একবার এগিয়ে যাচ্ছেন, আবার পিছু হটে পিছিয়ে আসছেন ।

অন্নদা । ঠিক তাই ! এগচ্ছেন আর পিচচ্ছেন ! গাধাটার জিব বেরিয়ে পড়েচে ।

মাতাজি । তা হ'লে ঠিক হয়েছে । এবার সময় হ'ল । ওলো মাতঙ্গিনী তোরা সবাই আর !

হলুধবনি-শঙ্খধবনি করিতে করিতে স্ত্রীদলের প্রবেশ ।

(অন্নদার বামে মাতাজির উপবেশন ও তাহার হস্তে হস্তস্থাপন)

অন্নদা । এটা বেশ লাগ্‌চে, কিন্তু ব্যাপারটা কি ঠিক বুঝতে পার্‌চিনে ।

রমণীগণের গান ।

এবার সখি সোনার মৃগ

দেয় বুঝি দেয় ধরা !

আয় গো তোরা পুরাঙ্গনা

আয় সবে আয় তরা !

ছুটেছিল পিয়াসভরে

মরীচিকা-বারির তরে,

ধরে' তারে কোমল করে

কঠিন ফাঁসি পরা' !

দয়ামায়া করিস্নে গো,
ওদের নয় সে ধারা !
দয়ার দোহাই মান্বে না যে,
একটু পেলেই ছাড়া !
বাধন-কাটা বস্ত্রটাকে
মায়ার ফাঁদে ফেলাও পাকে,
ভুলাও তাকে বাঁশির ডাকে
বুদ্ধিবিচারহরা !

অন্নদা । বুদ্ধিবিচার একে বারেই যায় নি ! অতি সামান্যই বাকি আছে । তার থেকে মনে হচ্ছে, ঐ যে যাকে জন্তু-জানোয়ার বলা হ'ল, সে সোভাগ্যশালী আমি ছাড়া, উপস্থিত ক্ষেত্রে, আর কেউ হতেই পারে না ! গানটি ভাল, সুরটিও বেশ, কর্তৃস্বরেরও নিন্দা করা যায় না—কিন্তু রূপক ভেঙে সাদাভাষায় একটু স্পষ্ট কোরে সবটা খুলে বলুন দেখি,—আমার সম্বন্ধে আপনাবার্তিক করতে চান ! পালাব এমন আশঙ্কা করবেন না, আপনাবা তাড়া দিলেও নয় । কিন্তু কোথায় এলুম, কেন এলুম, কোথায় যাব, এ সকল গুরুতর প্রশ্ন মানবমনে স্বভাবতই উদয় হ'য়ে থাকে ।

মাতাজি । তোমার স্ত্রীকে কি মাঝে মাঝে স্মরণ কর ?

অন্নদা । কোরে লাভ কি, কেবল সময় নষ্ট ! তাঁকে স্মরণ কোরে যেটুকু সুখ, আপনাদের দর্শন কোরে তাব চেয়ে ঢেব বেশি আনন্দ !

মাতাজি । তোমার স্ত্রী যদি তোমাকে স্মরণ কোরে সময় নষ্ট করেন ?

অন্নদা । তা হ'লে তাঁর প্রতি আমার উপদেশ এই যে, আর অধিক নষ্ট কবা উচিত হয় না—হয় বিস্মরণ করতে আরম্ভ করুন, নয় দর্শন দিন, সময়টা মূল্যবান জিনিষ !

মাতাজি। সেই উপদেশই শিরোধার্য। আমিই তোমার সেরিকা শ্রীমতী মহীমোহিনী দেবী।

অন্নদা। বাঁচালে! মনে যে-রকম ভাবোদ্বেক করেছিলে, নিজের স্ত্রী না হ'লে গলায় দড়ি দিতে হ'ত। কিন্তু নিজের স্বামীর জন্তে এ সমস্ত ব্যাপার কেন?

মাতাজি। গুরুর কাছে যে বশীকরণমন্ত্র শিখেছিলেম, আগে সেইটে প্রয়োগ কোরে তবে আত্মপরিচয় দিলেম, এখন আর তোমার নিষ্কৃতি নেই।

অন্নদা। আব কাবো উপর এ মন্ত্রের পরীক্ষা করা হয়েছে?

মাতাজি। না, তোমার জন্তেই এতদিন এ মন্ত্র ধারণ কোরে রেখেছিলেম। আজ এব আশ্চর্য্য প্রত্যক্ষফল পেয়ে গুরুর চরণে মনে মনে শতবার প্রণাম কর্চি। অব্যর্থ মন্ত্র! মন্ত্রে তোমার কি বিশ্বাস হ'ল না?

অন্নদা। বশীকরণের কথা অস্বীকার কল্পতে পারি নে। এখন ছোমাকে এক বার এই মন্ত্রগুলো পাড়িয়ে নিতে পারলে আমি নিশ্চিন্তই হই।

(দাসীকর্তৃক সম্মুখে আহাৰ্য্য স্থাপন)

অন্নদা। এও বশীকরণের অঙ্গ। বস্ত্রমুগই হোক, আর সহরে গাধাই হোক, পোষ মানাবার পক্ষে এটা খুব দরকারী। (আহাৰ্য্যে প্রবৃত্ত)

আশুর দ্রুত প্রবেশ। মাতাজি প্রভৃতির প্রস্থান।

আশু। ওহে তন্নদা, ভারি গোলমাল বেধে গেছে। বাঃ, তুমি যে দিব্যি আহাব কর্তে বসেছ! তোমার এ কি রকমের মাজ! (উচ্ছ্বাস)

ব্যাপারখানা কি ! নরমুণ্ড, খাঁড়া, বাতি, জবার মালা ? তোমার বলিদান হবে না কি ?

অন্নদা । হোসে গেছে ।

আশু । হোসে গেছে কি রকম ?

অন্নদা । সে সকল ব্যাখ্যা পরে করব । তোমার খবরটা আগে বল ।

আশু । তুমি বিবাহের জন্তে যে কথ্যটিকে দেখ্বে বোলে স্থির করেছিলে, তাঁরা হঠাৎ উনপঞ্চাশ নম্বর থেকে বাইশ নম্বরে উঠে গেছেন । আমি কস্তার বিধবা মাকে মাতাজি মনে কোরে বরাবর এমন নির্দোষের মত কথাবার্তা কয়ে গেছি যে, তাঁরা ঠিক কোরে নিশ্চয়—
আমি মেয়েটিকে বিবাহ করতে সম্মত হয়েছি । এখন তুমি না গেলে ত আর উদ্ধার নেই !

অন্নদা । মেয়েটি দেখ্বে কেমন ?

আশু । দেবকস্তার মত ।

অন্নদা । তা হোক, বহুবিবাহ আমার মতবিরুদ্ধ ।

আশু । বল কি ? সেদিন এত তর্ক করলে—

অন্নদা । সেদিনকার চেয়ে ঢের ভাল যুক্তি আজ পাওয়া গেছে—

আশু । একেবারে অথগুনীয় ?

অন্নদা । অথগুনীয় ।

আশু । যুক্তিটা কি-রকম দেখা যাক !

অন্নদা । তবে একটু বোস । (প্রস্থান ও মাতাজিকে লইয়া প্রবেশ)
ইনি আমার স্ত্রী শ্রীমতী মহীমোহিনী দেবী ।

আশু । অ্যা ! ইনি তোমার—আপনি আমাদের অন্নদার—কি আশ্চর্য্য ! তা হ'লে ত হ'তে পারে না !

অন্নদা । হ'তে পারে না কি বল্চ ! হয়েছে, আবার হ'তে পারে না কি ! একবার হয়েছে, এই আবার দু'বার হ'ল, তুমি বল্চ হ'তে পারে না !

আশু । না আমি তা বল্চিনে । আমি বল্চি, সেই বাইশ নম্বরের
কি করা যায় !

অন্নদা । সে আর শক্ত কি ! সহজ উপায় আছে ।

আশু । কি বল দেখি !

অন্নদা । বিয়ে কোরে ফেল ।

আশু । সমস্ত বিসর্জন দেব—আমাব হঠযোগ, প্রাণায়াম, মন্ত্রসাধন—

অন্নদা । ভয় কি, তুমি যেগুলো ছাড়বে, আমি সেগুলো গ্রহণ করব ।
সে যাই হোক, তোমাব বশীকরণটা কি-রকম হ'ল ?

আশু । তা নিতান্ত কম হয় নি ! তোমাব এই একটা ঠাট্টা করবার
বিষয় হ'ল !

অন্নদা । আর ঠাট্টা চলবে না ।

আশু । কেন বল দেখি ?

অন্নদা । আমারও বশীকরণ হোয়ে গেছে ।

আশু । চলেম । এক ঘণ্টাব মধ্যেই ষাবার কথা আছে । কথাটা
পাকা কোরে আসি গে !

